


#

44.

oli De' Saknavij, P.P. Barab.

14-16. a. 22





SOMNIA SAPIENTIS
PETRO FIRMLANO
Authore.



*Legenda
revelat*

veritas





LECTORI.

Quid in fronte hæres, Lector? num pudet vocari ad somnia, qui serijs pacisci vel cupidus, vel assuetus? an tempori times? an pietati? vtrumque te securum præsto. Librum hunc legisse non iactura temporis erit; sed fœnus, ingensque pietatis (quod maxime optandum) accessio. Quæ fides somnijs adhibenda sit, Religio docet: plurima damnat, non pauca haberi vult pro oraculis; & quæcumque Liber iste tibi exhibet, religiosè posse observari fateberis, Lector, si legas. Sapientis quippè sunt,

A



cuius non rarò sopor eruditus,
 & vigilantium magister. Ne
 tamen aberrantis mentis inania
 quædam spectra esse existimes,
 scias velim sobriæ animæ co-
 gitata tibi hîc proponi, splen-
 didissimasque imagines, quas
 si intueris, tam certa, tam va-
 ria de rebus humanis percipies,
 vt nec inuideas Epimenidi, qui
 præceptore somnio, feliciter ia-
 cens, si Græcis fides, vniuer-
 sam hausit philosophiam.

Argumentum dedit operi
 ex occasione charissimus mihi
 Hermias: viro huic amœnissi-
 mum ingenium, & etiam in
 serijs non indigna sapiente hi-
 laritas. Scientiam suam aliquo
 labore emi amabat, non faci-
 lem ad nos venire, quoties pro-

3
ferre rogabatur quæ vel à li-
bris, in quos multus erat, acce-
pisset, vel à seipso : sibi nam-
que doctor sæpissimè est ani-
mus, nec alio ad plurima radio
indiget, quàm suo, si habere
se reflexus aduertat, neque
vti neglexerit. Quodcumque
Hermias siue virtutum, siue
vitiolorum apud mortales vide-
rat, id se somniasse asseuerans,
gratissimis commentis suam sic
intexebat philosophiam, vt in
disquirendâ veritate, opus no-
bis simul esset, & voluptas.
Hoc cùm iterùm & tertio fe-
cisset vir suauissimus, indéque
amicorum qui mecum aderant,
solers industria plurimam de-
duxisset ad formandos mores
sapientiam, placuit ludus;

A a i)

communique suffragio rogatus Hermias , promisit non sibi magis: quàm nobis somniaturum in posterum , & ex fide , quando sic volebamus, nuntiaturum quodcumque per soporis visa nox ostenderet. Quod fuerat pollicitus , soluit. An benè dormierit vir ille , an ego qui somnia excepi , inani labore tempus absumpserim , dignus quem nemo requirat, ferat nemo, iudica Lector, & si opus est , fauc.



SOMNIA SAPIENTIS.

SCENA DOLORIS.

PRIMUM SOMNIVM.

ITA sæpè mœstus est aër,
vt densissimò imbre humum
verberet, & tamen solares ra-
dios non impediat : quid nouum
igitur, si in exordium huius ope-
ris, omnibus ego placiturus, ita
iam ex proposito varius sum, vt
doloris scenam exhibens, risum
moueam ?

Iam stellæ ad accessum solis lan-
guidiùs spargebant ignes suos, &

A iij

purioribus simulachris matutina
sub auroram somnia mortalium
mentes ludebant, cum rei ingentis
spectaculum, aiebat Hermias, mihi
per quietem ostensum est. Inter
atras cupressus, taxosque imma-
nes, palatium surgebat, eâ arte
conspicuum ut terrorem incuteret
intuenti. Ornatus qui exequiarum
solet esse, non sine ambitione tri-
stissimus: nam papauera, apium,
cæterasque herbas quibus functis
parentare olim Religio erat, in-
tertextis noctuis operi suo scul-
ptor inciderat, & mortis pluri-
mâ imagine aded funestauerat do-
mum, ut nisi viuentium sedem
forma ostenderet, sepulchrum cre-
deretur.

Arcendę voluptati titulus hic, cæ-
latis in obuio marmore literis, pro-
pugnabat infestas fores, omni præ-
sidio fortior, DOLORI SACRVM.
Plurimę per ambitum statuę erant;
virorum paucissimę, mulierum

numerus ingens, quæ maritorum iacturam non ferentes, crudeli manu sibi mortem consciuere, creditasque, nec reuocatas à naturâ, *proiecere animas*, vel constanti pietate acerbissimos fletus ad remota usque fata prorogauere, vt charissimorum coniugum manes longiori pompâ prosequerentur.

Aditum duo signa ornauerant: hinc Porcia cibo ardenti mortem vrgebat, & quasi ad gustatos carbonem horreret natura, in dubio vultu diuersissimorum affectuum notæ micabant, vt scires mulieris esse ita mori properantis, vt tamen aduocatum funus non sine pauore exciperet. Illinc sub Regina lugentis amictu Artemisia Mausoli cineres admouebat ori suo, sublatis ex mœrore oculis, ne in funebri paterâ iam breuem maritum, qualem nolebat, cogeretur aspicere. In lethali palatio amplissimæ fenestræ, frequentesque; sed

inutiles : nulla enim illarum patebat , ne per eam solis lumen admitteretur , umbrasque discuteret quibus pretium fecerat odium vitæ , & doloris atrocitas.

Intromitti in illud nulli concessum nisi atrato ; nam ut lætitia & risus , ita & colores exulauerant : neque Iris ipsa ad ianuam , licet grauida fletibus : supplexque inter mœrentes admissa est , quod

Curuata picto nuntiat nimbos sinu.

Interim dum indignata virgo (nam illam speciem referebat) suas repetit nubes , suamque Iunonem minatur , Hymenæus ex Iridis repulsâ cautior , visus est illicò togam mutare ; in illam enim domum recipi ardebat , nec poterat multicolor , aut perfusus odoribus. Lepidissimam fraudem adiuuit picea fax , quam pro tædâ nuptiali præferens etiam flere videbatur : neque voces deerant quæ veritatem adumbrarent , nunc in acutio-

rem sonum elatæ , nunc tanquam deficiente naturâ , flebiles , & ad horrorem quandoque intercisæ silentio.

Admisso Hymenæo , tympanorum & tiliarum alacer sonus , simul & saltantium voces audiri cœpere : mox arbores quotquot ominosæ erant aptæque funeribus , in myrtum mutatæ (Veneri sacra hæc arbor) & puer Cupido laureatus , cum gratioribus litteris fores ornasset , tanquam victor doloris , effusissimo risu somnium soluit.

Hæc dicente nobis Hermia , omnes vnâ filebamus , iucundissimi sermonis voluptate ita affecti , vt nullus ne tussî quidem , aut manuum applausu , quod plerumque fit , narrantem perturbaret. Vt autem loqui desijt , primus Asterius ; nam & antiquior erat , & sacrâ dignitate insignis , in hunc modum exorsus est.

Dignum planè somnium tuum, ô

Hermia ! quod vigilans animus recoleret: neque enim ex illis est, quæ turbinum instar, non benè redditas rerum corporalium imagines miscet, & à ratione deficiunt. Dormisti sapienter : ô vtinam labor alijs tam benè cedat, quàm tibi quies: sed cuius ordinis putas visum istud? nam & somnia, vaga licet & sine lege errantia, optimus rerum distributor Aristoteles ordinauit, & ab eo suas quæque sedes sortita sunt. Ad alia certè non referam, quæ ex diuersarum qualitatuum imperio quibus humanum corpus subiacet, suas omninò species mutuantia statum corporis adumbrant; & medicis quandoque non modicum lumen conferunt, si de remedio in obscurâ ægritudine dubitantibus, narrauerit æger ipse quæ rerum spectra per quietem sibi contingant: an præcipitia meditetur, an incendia; an mitioribus simulachris aberrantem animam

ludat nox benignior ; spemque faciat non inutili labore curari corpus, ex quo iam turbidum nihil cogitationum seges est , & somniorum materies.

Non ut te doceam , aut cæteros qui hîc adsunt , Hermia ! sed ne docear ego , repetam quæ à Philosophis accepisse me memini. Æquum est , plurimas ex imaginibus illis quarum occursum & contemplatione variatur mortalium sopor , assignare temperamento : sicut enim ex cuiusque terræ genio , orbis regiones vel alimenta in usus humanos benignissimæ præbent , vel crudeles venena in interitum generant , ac necessariâ sterilitate quoscumque colonos amouent ; aurum creant , aut in viliori vim suam produnt : animantia quoque mansuetiora , aut ferociora sortiuntur : nam & oves quasdam ex sui soli naturâ rabidas & intractabiles scimus , & leones

aliquos inueniri quibus suæ fyl-
uæ remissioſiorem iram indide-
runt, quàm quæ cæteris inſita eſt;
ita hominibus varia ſunt ex diuer-
ſâ corporum conſtitutione illa re-
rum ſimulachra quæ per ſoporem
nobis obijciuntur.

Qui natiuis aquis veluti immer-
ſus eſt, alias vndas ſæpiſſimè dor-
miens intuetur, & non rarò, aut
inter nautas ſuperat fluctus, aut
inter piſces ipſos ſpirat quoque,
quia ad illorum naturam accedens
ex dominantis ſcilicet elementi
lege, liquidiora fingit phantaſ-
mata, totuſque fluit in ſomnijs.
Alius ex aliâ corporis temperaturâ
aut cum Dædalo ſublimis in aëre
volat, aut cum Encelado premi-
tur, laboratque ſub incubis, prout
leuis humor ſua tenuitate cere-
brum iucundiùs verſat, aut terre-
nus, grauiſque, phantaſiæ ad vtrum-
libet pronæ pondus impingit. Ali-
quos incendio tradit ſuus calor,

non priùs à flammâ liberandos
quàm euigilent : ita quippè à natu-
râ conditi sumus , vt nos ipsos ma-
gnâ ex parte, ex somnijs nosse con-
tingat , & frequenter illæ species,
quas delusi nobis facimus , non re-
ctiùs cætera quàm pictorem suum
adumbrent. Ab his , ô Hermia,
haud ineptè , vt mihi videor , con-
iicio , non esse ex temperamento
somnia tuum ; nam tibi iucun-
dissimo viro tot tristia , sepulchra-
les arbores , noctuæ , fletus , cæte-
raque huiusmodi vix contigerint.
Ad illa meliùs reuocauero , quæ ex
rerum quas vidimus recordatione
ita emergunt , vt tamen obiectas
non omnino eâdem ratiõne repræ-
sentent , mixtis etiam quandoque
mendacibus formis , quas æquali
facilitate admittit humanus ani-
mus , vapore , benigno licet & ne-
cessario , laborans , nec iam suorum
phantasmatum iudex , sed ignauus
spectator.

Grande negotium dormienti, memoria infinitis propè figuris, quas hauserunt sensus, referta, & ad leuissimam causam mobilis; sic enim fit vt impellente, quod ab alimentis in caput assurgit, humido illo soporis parente, rerum imagines veluti rotet, reducatque imprudens, quas aut sub recentioribus formis, aut ex affectu fortiùs in animo insidentibus, longâ obliuione absconderat: Sæpius tamen illa quiescenti redeunt, quæ vigilantem benè aut male affecere; & ex præteriti sensu doloris, vt & gaudij, restat in animo illa variæ repræsentationis facilitas, vnde nobis vel tristes obiectorum formæ occurrunt, vel hilares, quæ collapsam voluptatem, inaniter licet, ad gustum tamen dormientis gratissimo errore restitunt.

Non tu quidem mæstus, ô Heremia! sed satis tibi fuit, mæsta confexisse vt iniucundè somniales.

Neque hoc peculiare tibi aut novum; fere quidquid ostendit dies, tragœda nox ludit. Non ea mihi est, nosti, quæ imperitis credulitas, qui ex nocturnarum imaginum observatione futurose ventus scrutantur: vates inepti, quibus oraculum sua mens cum maximè delirat, neque lumen diuinius, quàm quod trepidis, & ad sua visa laborantibus, infuderit.

Pictus imaginibus, formisque fugacibus adstans

Morpheus, & varijs fingens nova vultibus ora.

Aliâ tamen ratione dicam, ô Hermia! vnde tibi palatium illud tot funestum imaginibus; vnde tot, verùm tam subitâ lætitiâ arentes lachrymæ, breuîsque adedò desperatio, quæ ad Hymenæj latitantis aduentum tota in choreas soluta est.

Dolorem in spectaculum prodire, quoties aliquis ex viris illustri-

ribus è vita decedit, ita certum est, ita tritum, vt nihil sit ista lachrymarum scenâ famosius, aut communius. Sicut nesciente orbe interit pauper, ita turbulentissima est magnatum mors : aliquem enim efferri qui stirpe, prædijs, clientibus præcipuus fuit, maximus mortalium rumor, ac strepentis familiæ ambitiosa lachrymarum materies. In cinerum reuerentiam nemo ex notis est qui solitos vultus gerat, induendi, vel inuito, quos simulatio componit, vt potentiorum exequias à popularibus discernat suspiriorum ludus ille, & altioris fortunæ hoc saltem in vitæ exitu solatium sit ; aut etiam honos, quod grandiore tumultu soluitur, & lugetur acerbius. Ita est, circà diuites adeò sincerum nihil, vt & vitâ functos vrgeat adhuc quæ viuentes obsederat crudelis assentatio, & doloris frontem præferens, quasi manes illis officijs demeritura,

demeritura , tacito risu funeribus
illudat.

O iocularem mœstitiâ! ô mi-
mum funebrem , & fatuè serium!
in hac acerrimi luctus necessitate
(illum namque lege fortior mos
imperat) qui ab amore lachrymas
non habet , ad gratiosam tristitiâ
ita eruditur , vt sæpe ex testamen-
to hilaris amicus , aut ab noua suc-
cessione turgens hæres , molliùs
gemat , quàm quos verus dolor
conficit; & impressa gratis visceri-
bus beneficiorum recordatio.

Aderat cum Anagnio , & Euse-
bio , tristissimus adhuc ex patris
obitu Dyræus : ille gemitus dam-
nari quos sincerissimos paterno fu-
neri adhibuerat , non ferens ; nihil
crudélius , inquit , ô Asteri , quàm
lachrymas , quæ ex acerbissimo ani-
mi motu defluunt , cumulare ludi-
brio. Nescis eas vocari à plerisque ,
& ab ipso Augustino sanguinem
cordis , qui exire prorsus nequeat,

nisi vulnus aliquod viam fecerit? vbi nobilissimum cruorem aduertis, de plagâ ne dubita; quod integrum fuerat, telum aperuit. Non credis, quia non vides? & fluuiorum caput latet, quod tamen esse ex labentibus vndis scimus; cur ergo existimes flere illos absque dolore, qui lachrymis manant, cùm sua sit omnibus fluuiis origo, & humanis fletibus, quos tu improbas, quos tu irrides, nullum possit verius assignari principium.

Quidquid pluuiæ collegit gravis aër, terra recipit, & idè tantum lutosa est, & viatoribus infida, quòd altius elementum suas illi vices ex necessitate impertit, neque patitur sub madente & fluido siccitatem suam seruare. Idem putanda animâ & corpore; prior illa luget, quàm istud: & quæ in imo, torrentium instar, impetu feruntur lachrymæ, vt ita inundarent,

ex alto ceciderunt. Ab sua origine, fletus æstima, Asteri ! illos , inquam , concipit anima , admittit corpus , & ista quæ modò iacet aqua , paulò ante nubes fuit , maneretque vbi cogente dolore primum densata est , nisi pondus deduxisset.

Tuus me sermo , fateor , non contristauit tantùm , sed & læsit. Existimas ergo neminem nisi lætum in alterius bona substitui , & successionis commoda adeò lenire dolorem in amico , vt in signis totus sit ? Putas filium crudelem ex beneficio patris , quod nunquam fortiùs sentitur , quàm cùm illo extincto non per partes , vt solebat , sed totâ sui effusione in hæredem venit , vt nihil iam vltra à parente vel cupidissimus exoptet.

Quod diuites ad propinquorum funus amplioribus lachrymis indulgeant quàm cæteri mortalium , non doloris adscititij , vt tu ais,

B ij

fraus est, sed humanitatis, cui à primâ ætate studuerunt, argumentum: id enim fere quæque honestior fortuna habet, vt ex eâ ad alienos casus molliores efficiamur, quorum sensum aut omnino impedit, aut tollit citò abiectionis vitæ asperitas, & comparata in genus nostrum quædam ex proprio incommodo sæuities; nam qui pati consuevit, vix libenter compatitur, quia totam quam habet miserationem, sibi impendit propiori humanitate, neque se misero aliquem credit digniorem gemitibus.

Illud tibi si satis non erit, plura conijciam. In laboriosâ fortunâ quæ operum assiduitate constat, obtunditur facillimè illa diligendi suauitas, quæ post amicorum decessum apud diuites constantius perseuerat; omnem quippe cæterarum rerum curam tollit potentior alimentorum sollicitudo, timorque iustissimus ne otioso mœ-

rori deditos paupertas conficiat. Non quid in amici funere amiserit diù pensat vir humilis; sed quid sibi, quid suspiranti familiæ desit; & perfunctoriè luget suos; quia ad alia vrgetur quæ in paupere tecto diuturnioris mœstitiæ potestatem non faciunt. Aratrum, seram, malleum promptissimos habet sui luctus solatores, & maximè confert ad medelam doloris negotiosa illa vitæ ratio, cuius nulla est apud opulentos consuetudo aut necessitas. Ita fit vt diuites qui affectibus humanis magis patent, vt dixi, etiam cùm admiserint, fidelius seruent, ostendantque diutius.

Præterea, ad fortunæ ictus, quos raros perferunt, delicatiores fieri ex longo usu felicitatis facillimè concedes; & quid ergo mirum, si vbi flendum est, acriùs fleant, quàm quos ab ortu in cætera vitæ spatia damnauit sua conditio, vt nunquam desit calamitosus mali alicu-

B iij



ius societas, questuumq; materies?

Sed hæc scilicet sola sunt quæ diuitum largiores fletus excusant? Et ista alijs etiam cumulabo. Statim vt aliquis apud illos diem suum obiit, maximè si familiæ dominus fuerat, pluresque ad sui reuerentiam vel amicitiam compulerat potestate aut opibus, & bona in hæredem cadunt à quo eadem timeri, aut sperari oporteat. Ingens hominum reuerà concursus fit, Asteteri! qui mœstâ facie, verbisque dolori consentientibus (vt par est) ad tristissimos lares accedunt, testaturi quàm condoleant, quàm ciuitas amiserit.

Intertot lachrymas, quæ nouæ identidem, neque conuocatæ tamen adueniunt, fouetur familiæ luctus, & nouo vulnere recrudescit in dies functi memoria, quoties aliquis, aut ordinem morbi, vt moris est, importunus quæsitior sibi enarrari postulat, aut mortis ipsius

queritur immeritam neque expectatam acerbitem. Nam contagiosus supra cætera dolor : illum in alijs vidisse, satis est vt tu sentias : sicut enim laborantes oculos qui conspiciunt oculus, læditur ipse, & necessitate quadam naturæ malum trahit, ita mœror visus mœrorem creat, & à lachrymis abstinere haud potest qui in domo ex suppellectilis nouo horrore ipsi funeri simillimâ, tot fletus intuetur.

Ad cœmeteria nemo ferè nisi tristis accedit; nam quis læto animo conspiciat miserrimæ humanitatis non tantum tristissima monumenta; sed plerumque proiectas reliquias. Funestiores sunt, Asteri! diuitum ædes, ad quas tot honestissimi viri in eundem luctum consentientes, non nisi mœsta loquuturi conueniunt. Inter hæc quoque suum diem quisque cogitat, dum de alieno sic agitur, & mortalitatis necessariò fit planctus, atque

memoria , à quibus excitantur facillimè fletus illi , in quos non iniuriosè modò ; sed tamen ferociter inuectus es.

Mirror te , cùm ipse diues sis , in eam fortunam sic loqui ; tuamque stirpem inculcare , quod non more vulgi , efferat mortuos suos ; & ad digniora funera plus lachrymarum effundat , quàm solet stupida plebs , vbi ex illâ aliquis infelicissimam vitam exuit , mitiorem certe terram experturus , cùm sub eâ extinctus iacebit , quàm cùm viuus calcauerat.

Quis deinceps sub oculis tuis audeat mortuos lugere , quibus idèò lachrymas damus , quia non dare immanis quædam feritas est , nec aliter iusta functis persolvere vix possis , vrnâ licet pretiosissimâ amicos cineres excipias , laudesque marmori insculptæ immortale nomen transmittant ad posteros ? Effecisti certè , Asteri , tuis sermonibus,

nibus, vt te durissimum lachrymarum interpretem fugiam , quoties ad memoriam charissimi patris instabunt gemitus, & oculi stillantes signa dabunt me percelli : Hæres sum, Asteri, hæres sum ; sed ô viueret charissimus parens ! illo frui mihi dulcius quàm auro , aut prædijs ; diuitem esse me sine patre non censeo ; cætera , vt volet fortuna, rapiat , patrem amisi.

Plura loqui obortæ lachrymæ suspirantem impedierunt, quas vt sisteret Asterius , mutato , mox repetiturus , argumento, asseruit non modicæ laudis eas lachrymas esse, quas non fingi omnes scirent : & plurimos inueniri, qui amicorum iacturam ferrent duriùs , quàm si acerba sors induxisset cæterorum penuriam. Christum ipsum, viso amici tumultu, non abstinuisse à fletibus ; licet dubium sit , an quia mortuus erat , lugeretur , an quia in vitam reuocandus, nouoque sen-

furus experimento , functis quàm viuentibus esse feliciùs. Addidit & se quoque vix placari ad suorum funera , expertumque sæpissimè , iniussas prodire lachrymas , nec facile retundi. Propè homines non esse qui flere nequirent , vbi casus , exigit humanitatis officia , & supra inhumanitatis nomen peccare , qui nollent. Neque philosophos ipsos damnauisse sensum doloris , cui sapiens , nolit licet , est obnoxius ; sed illum duntaxat tristitiæ apparatus quæ arte procedit , sui que famâ aduocat , inutilem solatorum turbam : Sineret ergo in eas lachrymas inuehi quæ theatris aptiores sunt quàm funeribus , & scenam illam constituunt , quam , si pateretur , ampliori sermone exhiberet auditoris. Cùm non abnuisset , liberrimè Asterius sic prosequutus est quod incœperat.

Alieno gemitu delectari non semper est inhumanum : immò iu-

stiffimam sui causam sæpissimè lætitia habet luctus ipsos , eoque plus quò videntur effusiores. Negas? ô te lachrymarum ludibrio dignum , qui mœroris scurrilitatem nondum inter ludicra aduertis; ignarusque quàm multiplici fabulâ faciles oculos ludat scenicus dolor, ad omnes aliorum fletus solueris , cùm major utique eorum pars publico tripudio excipi debeat , digna planè non contemptu tantùm , sed etiam cachinno sapientis!

Viris præstant, quis enim nesciat? eâ legendi arte mulieres , & frequentior apud illas spontaneæ mœstitiæ vsus. in causâ est, cur amplior statuarum pars quas somnians vidisti , ô Hermia ! sexum hunc , non nostrum expresserit : nam ad maritorum excessum , ita doctè fletum faciunt , ut & eas doloris præcepta hausisse , & cæteris mortalibus dare posse , non immeritò

existimes. Viduo amore , dum adhuc cruda est separatio , nihil certè tristius : verùm sæpissimè contingit vt exhaustis ex necessario mœrore lachrymis , iam sicca mulier novos fletus fingat , ne citò desijisse videatur , vbi longum tristitiæ argumentum casus dedit , aut recepta consuetudo misellam cogit non concessos à naturâ fletus ab arte mutuari.

Etsi indecens est, ô Asteri ! interceptit Hermias , aliquem te adhuc differente loqui, dicam tamen : nemo vnquam te veriùs in dormientium imagines lusit , attigisti profectò somnium meum ; sed si placeat proseguere. Tum ille læto vultu , vt etiam mœstissimum Dyrcaum exhilararet.

Atra fors nobilem fœminam coniuge amisso in frigido toro iacere ! huic f. to priuatæ lachrymæ non sufficiunt ; aduocandi affines, amici , vt videatur vrbis calamiti-

tas raptus vnus, quem forsitan viuum, si viduam & mercenarios excipias, nemo optabat. His testibus mulier variè furit, ne vnâ personâ videatur suam scenam ornauisse. Ex dolore immanem dicas; aliarum namque maritos viuere queritur; tempus supputat matrimonij, suamque vocat iniuriam, quòd feliciores coniuges in longæuo toro consenuerint, ipsa verò infelix in solatium breues annos acceperit, menses, dies. Quasi incerta cui irasci debeat, nunc in medicos atrox est, nunc in Deum, nunc in seipsam, quòd scilicet negligentem curam adhibuit languido; quòd facilem coëgit illis remedijs subdi quæ afflictas vires non opportuno auxilio in desperationem sanitatis adduxerunt, suâque vi mortem festinauere, in quam lentiora subsidia feliciùs pugnassent, aut sola etiam natura, quæ se vti solertissimè con-

suevit, suumque ingenium aduocat, vbi ars tot infamata erroribus, & noxiè audax, non porrigit sua pocula; denique sublato coniuge, importunè iterat nihil sibi inter viuos superesse solatij; quod fatum reliquit, pœnam esse, non beneficium, tanquam suus illi maritus fuerit, quod cæteris Deus, Omne bonum.

Quæ primæ erumpunt lachrymæ, vt modò dicebam, ex vero fluunt, ideoque laudabiles quòd nemini imponant, quòd ritè fundantur, vt natura imperauit: has sequitur per aliquot dies fletuum pompa, cellæ obscuritas, solitudo quædam omnes admittens, vt fugientem fœminam, latitantemque soletur amicorum frequentia. Tunc in Solis iniuriam accenduntur faces, vt diurnæ luci videatur renunciauisse mulier, neque aliquid vltrà placere desperatæ, quàm quod exasperat lu-

gentem, questus fouet, aut functorum statum adumbrat. Interea videas omnes ad interiorem cellæ partem tanquam ad aram procedere : qui ad officium primus accessit, eodem vestigio regressus, manu oculis admotâ, flebile nescio quid submurmurans ceteros inuitat ad simile obsequium. Longus suspirantium ordo, dum mulier immota in toro breuissimos singulorum sermones excipit, & rogata an valeat, an viuât, aut ad singulorum quæsitâ verbofo dolore repetit suam cantilenam, aut in maioris luctus specimen, respondet gemitibus : vltra mensem durant nœniæ istæ : neque mœrori officit sua prolixitas ; non finitur, nisi consenserint mos doloris arbiter, & Regina opinio.

Verùm quis Hymenæo subtilior? in medijs sæpè fletibus non visus aduenit, & secretâ noui coniugis

imagine adeò gemebundam ferit,
vt antequam quod restat funeris
amoueatur ab oculis , quærat
mente sponsus , sitque ratum ma-
trimonium.

Intempestiuum amorem inter
tot lachrymas inueniri si mira-
ris , recordare ipsam Venerem or-
tum duxisse à fluctibus , ideóque
dictam Aphrogeniam , quòd quæ
post immanes pelagi motus , se-
datis nondum vndis , spuma su-
perfuit , Deam dedit. Aquas non
odisse Cupidinem inde conijcias ,
quòd ab illis matrem habet. Quid
apud Maronem quæris in con-
stantissimâ (vt iurabat ipsa) fœ-
mina. :

Veteris vestigia flammæ.

Suas Didones fert etiam nostra
ætas , quæ miserrimo Sychæo non
ita fideles sunt , vt successorem
tori Æneam timeant , aut velint
auersari.

Sed neque hoc cogitet orba mu-

lier : certè ineptum est tandiu iacere in lectulo, & in se sæuire, otio, fugâ, tenebris, diuinorum quoque abstinentiâ (nam tunc temporis ad templum non itur) cùm iam dolor euauit.

Iure irascimur tyranno illi, qui vexatæ tributis plebi laborem etiam imperauit, lege latâ vt singuli in domum regiam definitæ mensuræ vasculum quoddam afferrent, quod nisi miserorum sudore impletum obnoxios potestati ciues non absolueret. Huius certè sæuitiæ pars est ille mos, quo iubente per mensem aut flet mulier, aut flentem imitata, improbè facit quod neque sapienter ageret, si germanus ex affectu dolor, eâdem vi tempestatis quæ incipienti fuit, ad id vsque tempus prorogaretur. Quanta naturæ iniuria prolixior fletus ! Illa enim hominum aman- tissima parens effecit, vt nemo possit valdè dolere, & diu : Et

immanem credi volumus, dum finitas lachrymas, circulo quodam mœroris reuocamus ad initium, & longo fletuum apparatu veluti probamus violentissimum aliquid durare potuisse.

Dum hæc ille loqueretur, cogitabam ego Christianam sanctitatem pollui eiusmodi lachrymis, neque licere orbe conuerso, tanquam adhuc staret antiqua gentilium superstitio, eâ mœstitiæ larvâ insultare funeribus: nec multò post, silente Asterio, quid mihi in mentem venisset his verbis aperui.

Apud infideles certè tristitiam fingi, non omninò indecorum videbatur, cum & fictitios Deos colerent, neque à cultoribus profundi deberent lachrymæ; numinibus veriores. Apud illos omnia falsa; oracula, Auguria, Imperatorum ubi homines esse desierant, in Diuos consecratio:

quid mirum si & gemitus?

Quantâ dementiâ ad functorum exequias conductæ mulieres non flebant modò, sed vlulabant, haud referam : piget quippè narrare lamentatricum ordinatissimum furorem, quæ nisi dato signo non insanirent. Vnum dicam quod ipse vidi. Asseruantur adhuc pluribus in locis urnæ veteres, quæ Romano more mortuorum reliquias per tot sæcula intactas ad nos vsque pertulerunt. Cùm vnâ ex illis, me præsentem, vir quidam antiquitatis studiosus aperuisset, miratus sum phialas, & hæ vitreæ erant, ipsis cineribus admotas tanquam ad funebre obsequium. Quæ Religio, quis eâ in re superstitum fuisset aduersus mortuos animus, non capiebam. Vacuæ erant, nec odores accepisse color ipse monstrabat, sua enim vasa quælibet aromata infuscant atque inficiunt, nec impunè benè

olet quodcumque in hos usus destinatur. Hærentem me & vasa illa sæpiùs, vt in ignotis sit, con-
trectantem non sine voluptate aspiciebat is in cuius ædes concesseram, visurus quidquid antiquorum operum multo labore, nec minore felicitate collegerat. Tum ille: quot phialas vides, ô Firmiane! tot vasa doloris credi voluit lachrymosa antiquitas, diues aquæ, quam nunc parcissimam ex posterorum oculis vel teterri-
mæ calamitates eliciunt.

Magna olim amicorum impen-
sâ, amici funus: dum corpus cir-
cumstante plebe inter plorantium
gemitus, vota que manes ad fera-
les rogos inuitantium, subiecto
igne cremabatur, qui chariores
homini fuerant, in amicitia pignus
dabant igni quodcumque
pretiosius in supellectile fuerat:
miles ensen, mulier monilia,
vestes; &, si magis vrgeret dolor,

tristiori obsequio etiam comas. Tanti erat mortuos demereri, ut & caluitio deturpatæ maximam inde laudem vsurparent, neque magis placerent ad rogos, quàm cùm formam amiserant.

Soluto ignis officio; oculis, manu, ore legebant religiosos cineres amici: & ne lignorum reliquijs improuidè miscerentur, eandem cū illis urnam habituri, quod hominis fuerat non ex colore tantum, sed etiam ex pondere & gustu scernebant à cæteris. Putas hîc dolorem substituisse? maior inde lachrymarum vis, ut ampullis, quas hîc vides, studiosissimè exceptas charissimo cineri superponerent, & distractos fati sæuitiâ amicos saltem fletus sequerentur.

Cùm hæc ille dixisset: ô historiâ simul & fabulam, inquit! quid enim verius; nam id te legisse non ambigo, ad mœroris ostentationem eiusmodi phialas in sepulchra

comportatas fuisse: quid falsius, lachrymis plenas; cum dolor in promptu non sit, ut arbitrarios fletus quoties postulatur, proferat: & tot aquis vix sufficeret ingens plorantium turba, quot quisque illorum affirmabat se dedisse mortuorum exequijs?

Quod ambitiose tanquam suum, promebat fictitius mœror, hoc putei dabant, & mutuatus è fontibus latex, additis ex arte gemitibus, publicè audebat profiteri se lapsu ex oculis, ut crudelitatem fati solaretur officiosa illa in mortuos pietas, simulque crederetur immaturè raptos sui desiderium reliquisse: Si hoc vnus tantum fecisset, illum procul dubio inter amentes numerauissent; sed quia Romæ laborantis istæ ineptiæ tunc erant, nec sapere licebat, sanitatis patrocinium erat, insanientium turba.

Idem certè apud nos error. Mo-

rem tolle, ex cuius imperio viduæ nobiles per menses integros tenebricosæ lugent, nulla audebit in hunc ludum doloris conuocare amicos, neque eâ fronte erit ut tandiù inter tristia, gementi similis, iaceat exceptura in lectulo per ordinem solatia singulorum. Sed nullo pudore fit quod probat consuetudo, & in dignitatis argumentum vulgatur compositus dolor, tantoque apparatu strepit, ut iure dicas mulierem ad mariti funus rem comicam agere, cum utique personam gerat, & in theatro lachrymas fundat.

Breuem certè solitudinem non ægrè concesserim nobilibus viduis; occultando dolori aptissima est, quem prodi, dum nouus. adhuc magis obstinatè audet rationem amouere, non est honestum. Paucos tum ex amicis acerrimi mœroris socios matrona habeat, illisque, si opus est, adiutori-

bus vtatur in doloris leuamentum. Isti non spectatores erunt sed medici ; & solatium lubenter tristitia admittet quod credetur simplicius. Lenito utcumque dolore, cæteris etiam locus detur, ne abjectam nimij mœroris duritate vrbaneitatem existiment. Sed hos iam æquiori vultu, neciacens, ad solis conspectum matrona suscipiat : & se sapientem , se Christianam eâ oris sermonumque modestiâ profiteatur , ut iacturam fecisse agnoscas , coniugemque dilexisse ; sed & paruisse necessitati, quæ superbè dolentes , reluctantesque ferit atrociùs.

Pietatem autem ex nimio luctu negligi , ingens culpa : neque enim à diuinis dispensat dolor , maxime inmissus à Deo ut humana contemnas. Acceptâ calamitate sacris non interesse, vindictæ quædam species est, Deo exprobrantis suam sæuitiem , quòd flecti lachrymis

chrymis noluit, negantisque ei cultum, qui petenti vxori maritum negauit, relictamque coegit ad gemitus. O viduam verè fractam! Ita toro est affixa, ita deficit, vt stare, vt scipione tremebundas tibias fulcire omninò nequeat, & si velis querulam vehementiori sermone ad templum vrgere, antequam hanc lachrymarum scenam impleuerit menstruus dolor, respondebit sibi potestatem ereptam; motum in arbitrio non esse; expectandum tempus in quo dolor mature scat, assuetosque facibus oculos, solare lumen nondum satis pati posse.

Plurima quæ peccant eo in luctu mulieres prætereo, vt ad alia veniam. Coniugalem amorem nullâ re fortius probari existimant quàm eiusmodi lachrymis, quas si parcè effundant, oculata suspirijsque incubans tot aduentantium turba, non amasse, non satis æstimare

D

iaccturam suam , statim vulgabit : Flendum ergo non modice : & illa maiori laude digna censetur , quæ veluti quædam altera ex fabulis Cyane in fontem versa , stratum primò , mox proximos quosque aut perfundit , aut mergit.

Aliquæ apud barbaras gentes mulieres, in ignem qui comburendis maritorum cadaueribus accensus est , se præcipites agunt , vt eodem fato vtantur , videanturque dilexisse quibus iungi vel in ipsâ flammâ exoptant. Sapientiores credis viduas nostras, quæ lachrymarum famâ probare ambiunt amorem suum ? dabo distinctionem , tu iudica. Apud Indos incendio viduæ pereunt , apud nos naufragio volunt videri perijisse.

Turpiter etiam flere quæ tam improbè lugent , si placet argumentis demonstrabo. Quid ita in amisso coniuge deflet mulier ? cur ad patris , cur ad matris funus mo-

destioribus lachrymis tingitur, & minore negotio, cessantibus amicis, ipsa sui doloris curatrix solatium admittit? At maritum perdidisti, ais mulier, & præstat parentes amisisse. Illudne honestè & sine verecundiâ dixeris? Illos à naturâ accepisti, istum à te; sine illis esse sustines, sine quibus formari, nasci, ad istud usque tempus perducere non potuisti? ô quàm durius separari à coniuge! voluptatem luges, an subsidium? nam utrumque ab illo. Tori solitudinem si quereris, venis in suspicionem deliciarum: si te destitutam ais, nec sine coniuge satis validam, ad repellendas nascentis ex eius obitu invidiæ; fortunæve iniurias, quis non videat istud lachrymarum officium tibi conferri non marito: & te furiosam effici non vi amoris, verùm deperditæ fortis quam tibi servaturus erat, desiderio?

Præterea videtur quæ tantoperè priorem maritum dilexit, alium facillimè posse optare; ad hoc enim tendit amatorium temperamentū, & natura suam iacturam pluris æstimans, quàm sinat morum grauitas, & laudabile pudicitiae frigus. Quæ summè casta est, mulier, non sine aliquo rubore fatetur se suum maritum vehementer amauisse, & licet absque crimine istum adhuc ignem foueat sinu suo, Vestarum tamen more prudentissimè occulit, non quia prohibitus, sed quia ignis est, nec decenter muliebris honos profitetur flammam suam. Quanto putas ardore flagrat illa, quæ mariti absentiam tormentum suum vocat; quæ tot acerbissimæ desperationis vocibus *Æthneum* quoddam inæcendium præfert, siquidem scintillas eiusmodi, tantamque fumi caliginem nisi ingens calor non emittit. Vasta profectò delitescit in illo

pectore ad nutriendum ignem materia; & quis credat viduā auersari posse omnes viros, quæ ad vnius contubernium, ne quid grauius dicam, tanto feruore succensa est?

Mihi nuper dicebat aliquis plurimas esse quæ ad insidias lugent, vt cū ex fletibus apparuerit, quā constāter, quā tenerè amauerunt, nouo dignæ marito habeātur, & ita in hanc pedicam doloris incurrat imprudens aliquis procus, sui facilitatem amoris fortè luiturus prolixâ pœnitentiâ. Hanc certè lachrymarum vafritiem neque mihi facilè persuaferim, sicut neque viros inueniri qui anatum fluuiialium more ad has aquas ab aucupe Cupidine capiantur. Stultè potiùs quam solerter illas mulieres flere existimè, quæ suos questus ita obstinatè protrahunt; leuissimi enim cerebri indicatiū est iste dolor, siue ad veritatem, siue ad fabulam ducitur, & æqualis infaniæ vide-

tur , aut se cupere esse infelicem,
aut ab alijs æstimari.

Si maritum sapienter amauit vi-
dua , sapienter & doleat , iam enim
ille in tuto est : exiuit huius vitæ
miserias : vltimam hanc absentiam
ex breuioribus alijs , quæ toties
dulcissimam societatem non præ-
uisæ interciderunt , prægustare mu-
lier debuit. Cæterum Christiana
est , neque illam decet insanire,
quia suus coniux vitam amisit re-
dituram meliorem.

Ampliora dicere in hanc sen-
tentiam animus erat , cæterique ex-
pectabant ; sed aduentans in func-
bri veste Theodorus , ad breuita-
tem compulit. Mirum fuit quòd
vultus cum veste pugnabat ; nam
solitò hilarior videbatur , & lugu-
bria indutus , ad risum inuitabat.
Cum hoc ego primus notassem :
scis quid in mentem venerit , in-
quam , ô Theodore ? Non vnus
homo es , aut certè Chymæræ si-

milis, quæ leonis rictu, & serpentis caudâ à seipsâ dissentiebat. Verùm loquere; nam ni fallor referenda attulisti. Tum ille: cur ita diuersus sim, & sub lætiori vultu vestis lugeat, nemo vestrum dixerit: antithesim tamen illam, prælium illud, non verborum, sed rerum, nullus cùm explicuero mirabitur, neque me ineptum oratorem existimabit, qui hanc in me figuram silens expressi.

Hyppiam virum nobilem, & bellicâ etiam virtute notissimum, scitis in mediâ ætate, dum apud externos famam quærit, diem suum obijisse. Nondû trigesimus effluxit dies ex quo tristissimum nuntium, fulguris instar, improuiso ictu Flaminiam vxorem non perculit tantum, sed penè exanimauit. Quid apud amicos mentiar? rem aperiam. Virum suum nescio quâ animi diffidentiâ non oderat quidem Flaminia, sed frigidè amabat. Multum

ad communionis non spontaneæ ægritudinem, quòd ex illo nullos susceperat liberos, quibus mitigari posset necessaria illa, & nisi mors intercederet, in multos annos duratura societas. Malè diligi ab vxore adeò Hyppias non tulit, vt sua illi domus durior esset quocunque exilio, & abeundi consilia, in dies tristior, meditaretur. Vicit tandem impatientia virum: excessit Galliâ; quæsiturus in alieno solo quod sua illi fors in patriâ negauerat: nec infeliciter aliquandiù inter fœderata arma versatus, aëris intemperie, nouus in eâ regione homo, inter inutiles, dissentientesque medicos paulò pòst extinctus est.

Exemplò nuntius destinatur ad Flaminiam qui coniugis primùm inualetudinem, mox periculum, fatum denique ex ægritudine diceret. Illo aduentante Flaminia parandis quibusdam choreis (nam Baccha-

Bacchanalia instabant). intenta erat : & quâ venustate ad fidium concentum vestigia flecteret, discerebat à musico. Vt lepidissimè saltantem nuntius aduertit , dissimulato dolore cogitabat quàm tristitia afferret molestissimus tripudij perturbator, & tacitè mulierem miserabatur , quæ præcipitanda in acerbissimos gemitus , eâ mentis alacritate mox futurum dolorem acuebat. Finitâ saltatione , tremens accedit ad viduam , & se quædam afferre significauit , quæ solitudo meliùs exciperet ; neque enim audiri debere à cæteris , & ita imperasse qui miserant.

Mox vt in proximo conclauis solus adfuit cum muliere , rem illi pandit ex ordine : ad morbum moueri visa est , ad periculum dubitauit oculus an fleret , ad mortem aliquot lachrymas fudit , stupente nuntio , quòd ipse matronâ tristior , in fletus solueretur. Mox

obfirmato vultu , ad illum Flaminia : Et nemini quæso dixeris. Scis Bacchanalia instare, instruitur publica saltatio , vt vides, cuius ego pars nobilior : iam ad hoc paratæ sunt vestes, vt Orphei fabulam scenæ cum tot viris mulieres referamus; & me, si placet, ô homo! proximis diebus videbis Euridicen. Substitit ille, & inter flentem iratumque medius, promisit tamen nulli se dicturum ad id vsque tempus quod celari voluerat.

Non multò post cùm transissent lætitiæ dies , publicè Flaminiam admonuit sortis suæ : quantis illa clamoribus exceperit illud nuntium, quantos singultus ab imo pectore mulier expresserit , nemo referat. Quid plura ? colore mutato inter ancillarum manus collapsa vires amiserat , & mori videbatur : deficientem compositus subitâ diligentia lectulus accepit; & quia, nisi cum mense non vult finire læ-

thrymas miserabilis mulier, iacet adhuc, expectans donec noua luna admoneat satis datum gemitibus.

Comœdiâ hac frui quia non poteram nisi pullatus (nam aliter non licet) vestem hanc sumpsi quæ toto colore dissentit ab animo. Quandiû gementi matronæ adfui, ex reuerentiâ risum tenui, quem nunc nisi inter amicos soluo, coactus nec iam custodiæ patiens, ventrem, credo, disrumpet.

Dum omnes idolum doloris rident, facilesque eorum fletus qui humanitatis prodigi non debitas lachrymas fundunt, & vero affectu mouentur ad ineptissimum spectaculum: venit in mentem quod de Tibulla Sempronij nepte legeram. Hæc mulier opibus felix, verùm sex filijs maximæ spei, multò clarior, cùm omnes in floridâ ætate improuiso fato amisisset, dolore victa mori decreuit. Nobilem fœminam non decebat ignobilis

interitus : vt doleret , vt mater
esset , urbem totam voluit sci-
re , extracto publicè monumento
in quo viua conderetur. Tot sine
dubio spectatores adhibebat suo
funeri mulier vt aliquis prohibe-
ret : sed in speciem furiosæ (nam
quis credat sibi ipsi viuas exequias
ornare voluisse ? stupens populus
consensit , vt tumulo inclusam ,
& frigidos charissimorum pigno-
rum cineres , quasi posset pristino
calori restituere , fouentem sinu
suo , dira fames necaret. Ad imma-
nis fati memoriam titulus mar-
mori additus qui hæc legentibus
proponeret.

*Plutoni , Proserpina , Cerbero , dam-
natam*

*Dedo animam : Vinam hæc me conde
Monumento : quietem posteri non
inuideant.*

Ad historiam miratus & ipse
Hermias , nisi tenarrante , inquit ,
non crederem , ô Firmiane ! co

¶ ſque proceſſiſſe doloris infaniam : ſed ni fallor mulier iſta citò doluit ſe nimis doluiſſe , & officioſo ſacrilegio ſepulchrum illud violauiffet quifquis viuam adhuc , & iam tenebrarum pertæſam auuliſſet à mortuis. Sed ô dignam cui interitum attulerit ars ſua , & oſtenſus plebi dolor , quem latere , quifquis verè dolet , optat. Fleant quantùm voluerint noſtræ ætatis mulieres , ſemper Tibulla vincet ; nunquam grandiori ſcenâ luſit dolor : infelix quod Romam facilem habuit , & petenti conceſſum eſt quod timebat.

Apud oculatos iudices , anxia nimis ac negotioſa ſcleris purgatio , ipſiuſmet indiçium eſt ; innocentis enim ſuâ cauſâ ſiſi minor cura , pacatiorque de exitu litis expectatio , & ipſâ agendi fiduciâ probari non malè putatur integritas conſcientiæ. Libenter dicam ; & nimius mihi

dolor suspectus est : facillimè verum credam , si nihil ostenti habebit , tragædijsque simile ; si in vitam non erit contumeliosus ; si patienter illam feret , nec ad citiorem interitum ferrum poscet , aut laqueos. Naturæ lege quisque sibi quàm alteri coniunctior est , & hæc quæ nobiscum nascitur , ad extremam vsque diem inconcussa manet charitas : putem ergo ex alieni funeris dolore hunc vitæ amorem deperdi , qui in ærumnosa quaque fortunâ , ipsisque facinororum crucibus emicat adhuc , neque cedit supplicijs ? Nul- lus est , nisi dolor mentem excuset , qui sincerè velit mori , ut extinctis neque iam opis nostræ egentibus , præbeat inutilem comitatum. Itaque cùm orbata viro mulier se vitam odisse inclamat , cùm se dicit miseram quòd sola remanserit , neque liceat propere suam mortem , aut menti-

tur, aut stulta est.

Vna aliquando querebatur omnem sibi vim inferendi potestatem ereptam ab amicis ; nam ad furiosas mulieris voces , ne in se auderet , omnes cultros submoverat credula familiarium pietas. Inter hæc fortuitò adfuit malignus puer , qui necem optanti fœminæ , & sæpiùs gladium frustrà postulanti , ultro obtulit , ut si tantoperè cupiebat umbræ mariti misceri suam umbram , non dilatâ morte festinaret ad coniugem. Quid ad hæc fecisse illam putas ? Irata gladium retorsit in puerum , & nouo dolore infaniens quæstæ est , quòd arma in manus darentur ; quæ negari , humanum erat ; quòd fastidio cæteris esset sua vita ; quòd hæredes expectatæ dudum successioni acerbè inhiarent ; iurauitque se omnibus quibus posset modis , dies suos prorogaturam in eorum malum , qui mi-

nistro puero vñ, periculum necis fecerant.

Non ita flent, quæ ex animo; modestior per omnia veritas. Quæ ab arte est mœstitia, imitatione furoris fidem quærit, quâ mereatur destitui, dum grandioribus indicijs probari ambit, quàm quæ factus ad naturam dolor habere consuevit. Longe abest à mœrore sollemnis mœror. Vbi tot cærimonix, crede mihi, dies festus est.

Per id tempus occubuerat eximij meriti vir, & secundæ à Regibus nobilitatis, Turitius: & quia ad solatium destitutæ vxoris sæpè me vocatum fuisse omnes sciebant, postulauit Asterius, quomodo hanc illa ærumnam accepisset; nam plurima, nec certa; de eâ re loquax fama vulgauerat. Gratissimum mihi fuit ea enarrare quæ taceri vix poterant absque virtutis iniuriâ, & in fœmi-

nâ principe non quæſiti fletus exemplum proponere. Sed quia, inquā , viſa eſt aliquibus ætius ingemuiſſe quā ſua poſtulabat calamitas , ab ſublatis coniugis dotibus facillimè efficiam , vt eſuſſiſſimas lachrymas haud æquales damno exiſtimetis.

Absolutus princeps , naturæ opus ingens , & multi temporis labor : id tamen ille Turritius fuit , ita in bellum genitus , vt generoſiorem alterum , aut prudentiorem non tulerit ſua ætas ; ita deditus pietati , vt inter acerrimos familiæ motus , fluctuſque militares , ad quos vel genio honoris , vel negotiorum multiplici forte adactus eſt , Religio emergeret.

Adoleſcens celebre apud Batavos armorum tyrocinium poſuit , ſpe quam vel à cunis propè fecerat , ſuæque ætate grandior ; & procedentibus annis , ſtatim vt in

virum creuit, non suis tantum reuerendus; sed & hosti, qui in eo summa omnia mirabatur, sæpè humanissimum expertus, dignumque à quo vinci optarent quicumque non habuissent fortunam propitiam. Nullus enim armorum dux in illâ regione aut felicius pugnauit, aut sobriè magis victoriâ usus est, ita potens sui, vt nisi ad arbitrium non ferociret, animumque quem in pugnâ vehementissimum habuerat, mox ciuili consortio redditus, omninò posuisse videretur.

Suus olim pater nouitate erroris illectus defecerat ab Ecclesiâ, & quandiù Turritius putauit se paternos ritus retinere, inoffenso Deo posse, nemo ardentius sectam illam aut professus, aut tutatus est; sed sagacitate ingenij, & eruditissimorum virorum congressu statim vt fraudem detexit, tanto affectu agnitam veritatem coluit, vt ne-

glectâ fortunâ stipendijsque ingentibus, eam publicè amplecteretur, alijsque proponeret.

Catholicus ad maiora certamina vocatur, & in susceptæ fidei exercitationem, pro hoste ipsam quam despexerat fortunam habuit, còusque iniuriarum suarum memorem, vt iratam placare, nisi satiatam malis non potuerit.

Dum illa sæuit in Gallijs, innitatus à Pontifice, vt Ecclesiasticis copijs præficeretur, suæ virtutis spectaculo totam Italiam impleuit; nam regio prope honore vbique exceptus, non sibi maior visus est; sed manifestior, eaque morum suauitate dignitatem temperauit quæ omnem inuidiam amoueret.

Compositis ex insperato rebus in Italiâ, dum suas hîc variâ prudentiâ instaurare nititur, in nouos turbines delapsus à se nunquam discessit. Idem animus, idem vultus

qui in prosperis ; infelix ita felicitatem optauit , vt aut lentam expectare quietus posset , aut temnere auersam ; æquali semper per omnia robore , neque vnquam amicorum solatio , vel temporum cursu egens vt mala toleranter susciperet. Quin & sæpè risit suam calamitatem , & fortunæ ludum , suum fecit ; ex virtute , non ex rerum successu hilaris , & in Deum etiam , per tot familiæ clades quas beneficia vocare solitus erat , quàm antè propensior. Instar prodigij fuit quod referam ; cùm in deterius irent domestica negotia , & ipse interceptâ libertate , aliquid etiam eo malo durius non metueret quidem ; sed expectaret : testem suæ alacritatis Deum esse voluit , & voto emisso , facellum lætitiæ Parenti Mariæ nuncupauit , suis sumptibus mitiori tempore , si ita Christus annueret , excitandum , vt pro signo posteris fo-

ret , quàm libenter Numini accedens , libertatis iacturam , cæteraque aduersa eo disponente pateretur. Liber postea , ductisque eodem animo per aliquot annos non mollioribus negotijs , sibi demùm ex merito fortunam Turritius conciliauit. In aulam receptus ita volens hæreditario principatu cessit, vt acceptis à Rege nobilibus prædijs , etiam latiùs diues esset atque securiùs , mediam scilicet Galliam , non litigiosos , vt antea , fines , aut laborantem sub hostium metu potestatem habiturus pro custodia. In secretiora deinde consilia vocatus , ostendit non luce magis quàm synceritate ingenij , quanto regiæ authoritatis , & securitatis publicæ detrimento tandiù abfuisset. Aulæ dicebatur bonus genius , illoque auidè fruebatur Gallia , quia tardè , & negotiorum variæ implicationes eiusmodi virum maximè requirebant , qui

imperturbatâ sapientiâ , animique magnitudine tot valeret nodos solvere , qui aliâ manu diuelli vix poterant , aut omninò amputari. Ita Regis bonum amabat , vt & plebis : priuati commodi ad honoris normam , non mancipium , sed dominus ; vt hostium , sic & opum domitor , quas nisi effundendas non optabat.

Mirum est , ab eo Regi tum gratioſo nihil timuiſſe ſuſpicioſiſſimum vulgus ; expectaſſe autem ea omnia quæ publicam felicitatem conſtituunt. Nullius cupiditatis labe maculauit gloriam ſuam ; omnia in eo perficiebant vno veſtigio incedentes , prudentia & integritas. Vbi inter domeſticos agebat , nihil illo humanius ; rarò imperabat quæ rogari ſaluâ dignitate poterant ; cum humilibus amicis , non cum ſubditis , verſari Principem putares , adeò officioſè accipiebat

officia , aut etiam postulabat.

Quàm chara autem illi Leonora vxor fuerit , & ipsa clarissimo sanguine orta , inde agnoscas , quòd superstitem illam cupiebat ; quòd secretorū omnium consciam semper habuit ; quòd qui sibi acerbissimos casus non timeret , dilectissimæ tamen coniugi vel leuissima quæque mala metuere , non existimabat armorum probrum , aut virilis fortitudinis iniuriam. Decem ex eâ liberos suscepit , ita partitâ in ambos sexus familiâ , vt natos natarum numerus æquet ; in omnibus eadem omnino virtutis spes , germenque honoris. Masculos iam commendat suus ador , & maiora spirans animus quàm quæ priuatorum studia esse soleant ; totus in illis pater est , tota generosæ stirpis maiestas. Sua virgines modestia ornat , moresque adeò compositi , vt in exemplar editas putes , ita feliciter sapientissimam matrem referunt.

In mariti funere tot certè argumenta doloris vxor habuit, quot ille ingentia merita prætulit, quot Heroum publicas dotes, quas incum, ad sæculi nostri stuporem dicam an decus? liberalissima manu natura congererat. Nam eiusmodi viro priuari, quid aliud quàm orbari virtutibus?

Adde animorum concordiam, adde & calamitatum societatem, ingens amicitiae vinculum, ipsaque morum similitudine sæpè tenacius: Quantum enim ad amorem confert eodem fulmine afflatos suamiscuisse solatia, simulque deiectos à fortunâ communibus votis in vnâ spem incubuisse?

Nihil autem putas eâ in ætate obijisse Turritium, quæ valentior cæteris, ad maxima quæque negotia vires sufficit; eo tempore quo genio illo maximè indigebat Gallia, intestinis dissidijs à se miserabiliter discedens, & fastidio ministerrij

rij, sibi quàm hosti nocentior; eo denique Regis favore, qui familiam tot exhaustam pacè, bellòque sumptibus, nouis incrementis aucturus erat, si illo diutius frui maturatum funus fuisset. Magna doloris causa, vir fortis præcipiti facto sublatus, destitutum optimis consilijs regnum, felicitas occidens, cùm nascitur.

Quo autem modo in vnus casu tot conglobatas afflictationes Leonoram tulisse existimas? vehementer certè constanterque doluit; neque enim vulgari fletu, & citò finituris gemitibus tantus vir lugendus erat. Est etiam aliquando lachrymis ex suâ vastitate, & perennitate dignitas, & æquitatis iustissimus ordo censetur, amissæ rei pretium testari, solatij tarditate.

In eo tamen luctu nihil admissum est quod erubesceret ratio, aut Christiana pietas improbaret; non dirus clamor, non acerbis questi-

bus ad adstantium tædium verberatus aër latentis impotentiae signum dedit. Vt ingentia quædam flumina nullo aquarum tumultu voluuntur in oceanum, placidissimum olei cursum imitata, sic eâ fletuum largitate manavit Leonorę vberimus dolor, vt propè vocalis non esset; alta quies cadentes lachrymas comitata est, & si lenissima suspiria condonaueris, quæ interdum premente mœrore laxabat anhelum pectus, aurora ipsa matutinum rorem non stillat maiore silentio.

Non lucem, non cibos, non societatem auersata est, sui cæterorumque mortalium hostis: & licet ex genio doloris turbam importunè solatia ingerentem declinaret; amabat tamen cum illis versari, qui diuinis colloquijs mulcebant gemitus, & æternorum æstimatione minuebant breuissimæ felicitatis pretium, quæ hîc, inter tot aduersa vix

purè& ad arbitrium emergens fulguris instar, statim perit vt nata est. Nunquam maior de egenis sollicitudo fuit quàm cum cæterarum rerum oblita videbatur: quod de vestium, quod de dignitatis curâ detraxerat, Deo dabat. Ad dolorem creuit pietas. Absentem maritum, vt sæpius ab illâ audiui, lenissimâ noxâ, etiamsi potestas concederetur, sibi reddi minimè optasset; examinem namque, quia sic ferebat prouidentia, amabat in tumulto; & renitente naturâ horrenteque, quod hominis est, lubens tamen, seque fortior, amplectebatur lachrymarum materiem.

Illas ita effudisse non constantiæ labes fuit, sed amarissimæ pietatis officium, & coniugalis amoris validissima lex, cui certè nemo obtreâet, nisi qui hominem abiicit, vt inter feras percenseatur, aut rupes. Nobilissimum Principem, quod mihi certe multùm dolet, ipse

non vidi; sed ex plurimorum testimonio, qui eum propiùs nouêre, famæque ipsius integritate illud certissimè didici, dignum omnino fuisse, qui tantæ vxori olim traditus, tantis post obitum suspirijs ab ipsâ ploraretur.

Huc vsque Anagnius ex modestiâ siluerat; sed cùm de viris mentionem iniecisset, qui & ipsi aliquando ineptissimè dolent, inuitatus à cæteris, sic in eos inuehi cœpit. Viriliter viros peccare quamuis lex prohibeat, ferè tamen consentit opinio: neque enim turpe existimatur illos irasci, ad singulare certamen prouocare hostes, & rei familiaris impendio sectari famam, quæ profusionis damnosæ sola plerùmque merces est, pœnitendumque solatium. Sed virum ad muliebria vitia descendere nemo tulerit.

Vix honestè plurima quæ in sexu digniori præclara sunt, imitetur sexus alter: nam audacem for-

minam, prouocantemque pericula, quis ab impavidâ mente æstimet, cum tamen maxima virorum commendatio sit, si strenui inter formidanda quæque stent, & etiam quiescentes hostes laceſſant, ne aut timuisse prælium, aut minùs alacres suarumque virium diffusi, expectasse videantur? Metus in fœminis, pudicitia non tantum est securitas, sed etiam ornamentum; neque illis probrum, fuga, quoties periclitatur fragilis honor, & trepidâ celeritate seruandus est.

Orbem etiam peragrarè, vt aduertat ipsa quàm pugnent diuersarum gentium ritus, ac legum condendarum disciplina, si velit mulier, nemo non damnabit mobilis animi impetum, qui intra patriæ fines arctari se non patietur; quòd scilicet mulieri decentius sit in natali solo pacatioribus curis immorari, orbemque nescire, cuius partes tanto vitæ tumultu obeundæ sunt.

Quin & iure fæminam reprehendas si grandioribus disciplinis se tradet; & barbarum erit, nouumq; (neque assueta viris feret schola) si Aristoteles inter, ac Ptolemæos numerabis etiam philosophas, astrologas. Ad hæc nomina ridere vos haud certè miror; illa enim ridicula esse prorsus effecit, non modò apud nos mos receptus vt ad illa scientiarum secreta non admittantur mulieres, sed naturæ quoque iustissimus ordo, vt in rem domesticam genitæ, altiora non sapiant.

Hæc tamen omnia in vîris laude digna : Et Hercules, quòd multum errauerit, monstra vbique gentium debellaturus, illustris habetur inter Heroas; nullusque Archimede mculpet, quòd neglectis quæ circà se, erant, familiarius in Cœlo quàm in ipsâ terrâ egerit. Non fatuè magis fortiorem sexum imitantur in plerisque rebus mulieres, quàm

nos illas, in luctu ac lachrymis; & nescio, maiorine dedecore pensum an dolorē trahamus, cū aliquem ex nostris fatalis illa necessitas tulit, quæ ideo vniuersorum est, ne pars iustè quereretur, quòd æquali sorte admissis in hanc vitam omnibus, exeundi tamen lege aliquos natura discreuisset à cæteris.

Quoties amputatur vitis, longo fletu manat, vt penè ex lachrymis credas non sine sensu doloris iacturam ramorum fecisse, quos tamen officiosa manus tulit, ferarumque ex vulnere beneficentius, quam si pepercisset luxurianti: Cæde robora, patientissimè ictus perferent, & nec stilla decideret quàm suam orbitatem defleant. Eadem sit inter mulieres virosque distinctio. Quid nobis blandimur fortitudinis opinione, si vtrique sexui æqualis sit mœroris fletuumque pertinacitas, si amicos, famæ no-

stræ non minùs, quàm salutì con-
sulentes, amouemus à conspectu;
si luctum fouemus, quem vel leui-
ter admisisse, totum est quod viri-
lis honos sinat, ingenitaque ratio-
nis illa dignitas, quæ negante Deo
(vt penes nos esset potior consilio-
rum pars, & ciuile imperium) non
reperitur in fœminis!

Lugeant illæ; quia afflictis vt
plurimum deest maximum ex re-
medijs, iudicium; & se molles ca-
lamitatibus præbeant, quòd ad illas
sexum hunc (qui flecti facillimè
debit, ne fortior insolesceret) na-
tura non durauerit. Surgamus nos
in aduersa, & in mortem ipsam,
siue nobis iam vicina in luctam ve-
nit, siue ex amicis rapit aliquos,
quorum vita fortunæ nostræ fulci-
mentum erat, aut solamen.

Vbi adsunt quæ dolorem vin-
cant, flere non licet, aut saltem non
diu: & etiam breuis illa consterna-
tio animi, quæ tam citò virili pu-
dore

dore excutitur, dedecet nos; quid enim aliud quàm nobiliorem sexum, Tiresiæ alicuius instar per aliquod tempus abieciſſe, in turpiſſimum experimentum, ut promentibus nobis, mundus ſciat, vtra ſors maris, an ſceminæ, expectenda mortalibus.

Hac tamen iniuriâ non pauci dignitatem noſtram infamant, & lugentes mulierculas, in eandem ſcenam adſciti, imitantur. Amiſſa vxore quosdam videas prolixitate mœroris aded omnibus moleſtos, ut ingens cenſcatur pœna in eos incurriſſe: nihil animo voluunt, nihil loquuntur præter vxorem: & in condimentum cuiuſcumque ſermonis, cùm ipſi palatum amiſerint, non penſato aliorum guſtu, cineres miſcent. Flere vel lætiores quoſque volunt, quia ipſi aut nequeunt ridere, aut non audent, prohibente conſuetudine, cui parere neceſſitas eſt, &, ut putant, etiam decor.

Priuatae sunt conditionis ? Cessat familiae cura , ut testem doloris segnitiem habeant , ipsoque larium squalore ostendant illam abesse , cuius industriâ nitebat iam neglecta , propèque inutilis supellex.

Magistratum agunt ? Egredi ad publicum munus dolor non finit ; licet gemens , & tardas leges incusans , miserrimæ plebis egestas , fores pulset , & non vno ore queratur , parere ius mœrori : vxorium iudicem non flecti aliorum lachrymis , quia suis intemperanter indulget ; & proprij fati impatiens , non aduertit cæteros durius premi , dum ipse inuocatus , vrgentibus malis non adhibet nisi serum subsidium.

Si per idem tempus , & hoc fieri posse quis dubitat ? eiusdem dignitatis plures eâ insaniâ simul laborarent , quid tristius sub calamitatis publicæ ictu Roma pertulisti ? dum

*ferale per urbem**Iustitium. Latuit plebeio tectus amictu**Omnis honos : nullos comitata est pur-
pura fasces ?*

Ad suorum funera lugubri veste
 Cancellarium indui vetat in Gal-
 lia , siue consuetudo, siue lex : vt à
 primariâ illâ dignitate cæteræ dis-
 cant , magistratum , nisi sapienter
 doleat , & priuatos affectus subdat
 publicis curis , nocere ciuitati.
 Exiguo licet tempore sol lugeat ,
 dum eclypsim patitur , quid ta-
 men breuissimis tenebris orbi fu-
 nestius ? certè magistratus velut
 quædam sydera, ex alto lucent ; sed
 quid ab illis boni expectes , si plus
 animo quam veste atratos longus
 dolor obtenebrat ? Passiones in Iu-
 dice si non extinguantur, saltem la-
 teant, & ex nimio dolore nemo in-
 ferat , cæteras etiam suas contem-
 nere leges , licet cautiùs à recto
 aberrant , & integrâ famâ ius pro-
 terant, cessaturæ ab iniuriâ, quoties

ſpectatorem inuenerint. Mœrori non benè aptatur dignitas , ſuprà illum eſt : Inepta res , lugens Senator , & mulierum more in flebiles voces erumpens : Euiratus , quid iudicat ? cùm nonniſi viros ea munera admittant.

Sacerdotem verò ſuprà cæteros dolori imperare debere , ex hoc conijcio, quòd apud Iudæos Pontifici prohibitum erat, etiam in luctu publico, religioſas veſtes ſcindere; cùm tota plebs ſuas ad calamitatis ſignificationem iniuſſa, laceraret. Vnum erat, in quo Pontifex afflicte plebi per omnia accedebat : ſi videlicet nomen Dei à blaſphemis, illo audiente , violaretur. Nam tum ſacræ veſti non parcebat ſacerdos, ad cætera durus, & ex dignitate dabat lachrymas, quia cauſa fletus, læſum numen , & contemptæ Religionis ardor. Sacerdotem quidem decent lachrymæ ; ſed quas animæ morientis funus expreſſit,

Quid facilis ad alia busta mouetur,
 vbi nihil sacro gemitu dignum?
 flere tantoperè lubet, ecce tristiores
 exequias, homines, qui cùm
 Deo mortui sint, viuere se credunt,
 & suo putore infestant quod
 viuum superest in Ecclesia: vt falsum
 scias, quod Afer ille aiebat,
 in mediâ hostium carnificinâ, nihil
 putrido inimico esse suauius, aut
 salubrius, cùm fœtore peccantium
 iusti laborent, neque maius periculum
 adsit, quàm quod instat à
 mortuis.

Militares autem viros dolore
 frangi, eiulare cùm vxorem aut
 liberos mors tulit, quid ineptius?
 Quis enim credat imbecilles adeò
 animos, hostiles impetus retundere;
 patriam tueri armatâ ferociâ
 posse, & puluerulentos, nec cruore
 minùs, quàm sudore madentes, inter
 vulnera, & ferientium cæso-
 rumque horridas voces, palmas
 legere, quæ nec viris fortibus con-

contingunt, nisi renitentes audax manus abstulerit?

Dicam ego etiam quod vidi. Apud nos vir erat à puero inter arma educatus, nec tum mollis habebatur. Amore captus, vxorem expetiuit, duxit, amisit. Neminem iniquius ensē tulisse ostendit dira separatio, ita fleuit, ut fleat adhuc. Nulla ei nūq̃ inamœna societas: solatia fugit, odit viuos, inanis vmbrae desiderio, & in vacuis ædibus, vix vnicum seruulum ferens, aut vxorem, aut mortem inuocat, Amantium Numen.

Nihil ferè præter imaginem mortuæ lubens intuetur, picturæ iam maritus non mulieris artisque quæ colorum ministerio fœminam reddit, insanus mirator. Tanquam breuî moriturus, testamentum conscripsit; in eo non tantum cum vxore sepeliri vult, quod nemo improbet; sed marmori quoque incidi suas lachrymas, suos gemitus: & ne desit

Poëta , carmen ipse condidit quacumque elegiâ flebilius , quod qui leget , vix credat militem , virum. Quid posteros scire opus est eiusmodi hominem insomnes noctes duxisse , ex quo decessit vxor : ab illo funere , solem nullos dies mundo dedisse nisi tetros , dignosque quos nox solito promptior obuolueret , ac deleret obliuio ? Desperato non sufficit ad sui mœroris spectaculum ætas sua : nascituris scenam ornat : per plura sæcula dici vult , nullum vnquam extitisse stultissimi doloris comœdum meliorem.

De isto homine iam audiueram , inquit Eusebius , & viuentis epitaphium legi , in quo se Phœnicem inter maritos vocat , solumque dignum propter quem nuptiæ à Deo institutæ sint. Nemo decentiùs luget , quàm qui sibi : cætera probant testes ; dolor , maximè probatur , si nolit si respuat. Neque tamen solitudo suâ arte caret.

80 SOMNIA SAPIENTIS.

Multi non videri optant , vt sciantur : & peruersâ viâ , famam doloris quærunt , dum amant vbique vulgari , ipsos delitescere : non esse ex illis qui clariùs gemunt cùm audiuntur : denique non contagiosâ calamitate laborare , cùm miserum præter se optent neminem.

Hæc Eusebius , quem cùm cæteri probassent , Hermias nouâ hilaritate ad sua visa reuersus est.





PVERI PATRES.

SECUNDVM SOMNIVM.

MAgnum sibi Theatrum homo, qui omnium apud se rerum imagines, etiam dormiens, fingit simul & intuetur: cæcus author, spectatorque operis sui, & ita frequentia natus, vt in ipso strato, vbi maximè solus est, sapissimè turbam faciat.

Cùm hoc exordio, cæteris quæ dicturus erat prælusisset Hermias, nouum somnium proposuit, priore obscurius. Ad ea tempora remeasse me arbitrabar, inquiebat ille; quibus in augustiorem imperij formam, ex optimis ciuibus aliqui, Romæ patres conscripti sunt. Nondum marmora insano labore

surgentia cā in vrbe ostenderant parcitatis verecundiam, diuitumque superbiæ incrustatas domos, voluptati thermas dederant. *Ædes* adhuc vt plurimū lateritiæ; necdum triumphales viros ita corruerat opinio, vt sordidam laurum crederent, quæ sub luto seruaretur. Omnia ad modestiam composita : mensæ nullâ artis industriâ spectabiles, aut pretio suo notæ. Sellas tamen curules iam ex ebore vsus receperat excipiendis Magistratibus, vt dignitatem honestaret additus decor, vulgiquæ oculis mitesceret non plus rigida quàm formosa potestas.

Sedes illas in amplissimo atrio repleuerant aliquot senes, ijs planè vultibus quos regiâ fasciâ dignos ita censuerat mirabundus Cineas, vt suus illi Rex vilesceret, postquam in confessu Patrum Romanam grauitatem conspexerat.

Stupente me ad tot sapientum ve-

tustatem maiestatem , subito adfuit non expectata Clotho parcarum vna , quas humanæ vitæ stamina dispensare, afferentibus Poëtis , credidit aliquando ineptum vulgus. Firma illi frons , neque placabilis ; incessus modò in illam, modò in alteram partem , eâ arte per varios circulos ductus , vt nescires ad què pergeret.

Atrocissimi nuntij scœmina ; nam vt in medio constitit , ex Patribus aliquos quibus integrior ætas, virgâ cupressinâ , quam in manu prolixam tenebat , percussos priùs, deinde monuit , in vacua colo defecisse singulorum stamen , fatisque vrgentibus lethum instare. Non frustrâ loquutam probauit repentina mors Patrum quos perire fata voluerant ; è sedibus eburneis omnes vnâ lapsi, concionem infelicissimo vitæ exitu funestam efficere. Tum Clotho leui vestigio totum atrium percurrit, & confusum

nescio quid dentibus premens, tanquam fari prohiberetur, cæteros quoque ad non mitiora pericula seruari, manu, oculis minax significauit, & desijt videri.

Mox virorum turba ingens visa est in illas sedes irruere, quæ sessorum expectabant; sed pauci admittebantur, cæteris expectare iussis quodcumque fortuna in prolixiorum largitatis pompam dare tarda decreuerat. Mirum fuit, pueros vix primam infantiam egressos, frementibus viris, immaturâ felicitate in senum vices suffectos, & amethystinâ tunicâ insignes; ad solutissima gaudia inuitare nutrices suas, gerulos suos. Mox in fellas eburneas, iam pro sedentium exilitate laxissimas, seruis opem ferentibus, puelluli conscendunt, & firmandæ dignitati præco vocatus, altissimo tono pænam in eos pronunciauit qui sic à fortunâ euectos non numerarent in patribus.

Quid somnium illud significaret nemo satis videbat. Nam de iudicibus illud interpretari qui adolescentes filios, fato vicini, in suam dignitatem substituunt, multa prohibebant, & maximè tenerrimæ ætati additus vestium color : nam nec puerulos iudices habemus, sæpe licet iuniores quàm lex aut ratio postulat, ideoque leuissimos, neque amethysto, sed purpurâ gaudet ea dignitas quæ regiæ vicaria potestatis, ciuilibus negotijs præest, & armatur in scelera.

Dum singuli hærent, & difficultate argumenti in occultæ veritatis inquisitionem ardentius excitantur, otiosus interim Hermias fenestram petit, ex quâ in subiectam viam, quæ domui meæ adiacebat, prospectus erat : nec multùm in eâ moratus, venientem in curru cum suo adolescentulo Sabinianum aduertit. Secundus illi erat filius, & iam designatus Abbas violacea in-

duerat , beneficiumque à Principe non modici census dicebatur expectare. Ad strepentis currus conspectum cùm nos omnes subito clamore inuitasset Hermias : ô fortunam , ait ! ô somnij mei lepidissimum explanatorem ! Nec dum me capitis , ô amici ! non vestis , non ætas adolescentuli istius in meam mentem vos penetrat ? Dicam ergo apertiùs : Ecce ad seniorum inuidiam , & nostri sæculi dedecus , puerum patrem : tum repetitis sedibus , sic ille profequitur.

Iam consuetudo inualuit , vt si plures liberi sint in familiis illustrioribus , vnus non ille quidem , qui parentibus charior est , aut primus ætate : sed qui despectior , aut postremus natu , pater dicatur. Etenim non vbique videtis puerulos quos dominos Abbates famuli vocant ? Et licet sæpiissimè non vero titulo in eam sortem adscitos , tunicâ ta-

mentari, quâ sordentem humum
verrunt, apud suos venerabiles &
duntaxat colore dignitatis?

Abbas, nomen Syrum est, & pa-
trem sonat; ô quàm bene congruit
Sabiniani filio somnium meum!
Est certè quod gratulemur homi-
ni illi, qui non expectatâ saltem
filij pubertate, illi ex generatio-
ne, aut ex canitie nomen posuit,
vt scias dignitatem illam quâ iam
adolescentulus fulget, fortunæ ar-
bitrio suo cuncta maturantis, non
annorum beneficium esse. Quid
autem magis indecorum, quàm
eo nomine pueros insigniri, quo
multæ ætatis senes, & sacerdo-
tes? Quanto iustius infantibus il-
lis augustissimum nomen tribuas,
qui in Asiâ velut annosi vitæ pri-
mitias agunt, & cum canis nascun-
tur: aut certe homuncionibus illis,
quibus cû gruibus vario euentu res
est, adeoque brevis ætas, vt quin-
to anno, nisi nos fallit historia, in

viros euadant, & senescant octauo.

Subridentibus ad hæc cæteris, longum negorium, inquit Asterius, nobis faceretur somnium tuum, ô Hermia ! nisi aduentasset interpres puer, tuæque nocti lucem allaturus Sabinianus, qui & ipse filium, vt audio, patrem vocat; malè imitatus potestatem Ecclesiæ, ita (teste Augustino) generantis filios suos, vt plurimos ex illis sibi patres constituat, eadem simul parens, & proles.

Quid non possit in cæteris vir iste qui hoc miraculo nobilitauit familiam suam, vt homini ætate confecto, impubes filius patrem daret. O certè generationis portentum ! ô fœcunditatem prioribus sæculis inauditam ! infantuli patres fiût, neque nostra stupet ætas; quippe assueta intueri quidquid vltra rationem, ipsamque naturam immaturè crescit, nec seruato rerum ordine, ad conspectum orbis festinat

nat spectaculum sui facere.

Sed quid de filio querar? ducitur miser: & quod multum ad innocentiam, nōdum sapit. Quis puerum culpare potest, quōd ad nutum parentis, ineptus licet, sacram vestem induerit? In Sabinianum patrem iustius cedet totum disputationis pondus, & in illo optimè agetur causa illorum, qui præcipiti ambitu filios vrgent, vt antequam altare norint, sacri fiant: ad hoc enim tendit, vt video, vtilissimum somnium, ô Hermia! Verūm vt in causâ istâ, ordine quodam rationis procedamus, nec in vnum cadat tota quæstio, quæ in plures partita potest agi iucundiùs: tu, si non displicet, ô Anagnin! an bonus pater Sabinianus sit, qui filium iuniorem in gratiam fratris templo mancipat, illique opes sacras tantâ diligentia quærit, ostendes. Eusebius quàm sit Christianus ille vir palàm faciet; illi enim pieta-

H

tis argumentum optimè conuenit , cùm & pietatem Græci vocent Eusebiam ; Et ne fugiendi laboris , aut affectati inter differentes silentij reus agar , qui cæteros ad copiosissima verba prouoco , quæ tandem sit in disquirendis ecclesiasticis facultatibus prouidentissimi viri œconomia , ego ipse , si tempus fuerit , & me tuleritis , dicam.

Tum Anagnius : In publicis iudicijs non rarum est , inquit , vt is qui causæ actor crediti sibi clientis partes tuetur , in aduersarium prius humanus sit , quàm sæuus , & vrbatissimâ præfatione leniat quod aculeatum , asperumque in progressu sermonis vehemens oratio habitura est. Tanquam adsit Sabinianus , cæ ratione in illum inuchi statui vt me laudatorem prius , quàm reprehensorem habeat , & casuræ causæ solatium sit , aliqua hominis commendatio.

Ambos filios vir iste æquali omnino amore videtur amplecti; & ne alter alteri cedat, iuniorem Deo vouit : ita enim vnus dignior erit , natalibus ; alius , sacris ; & quam potestatem concedet grandiori sua ætas , minori dabit quoque suus ordo; vt penè nescias quis imperare debeat , quis obsequi , cùm diuersis titulis vterque sit fratri præpositus , & obnoxius. Eo modo iustitia pulcherrimè seruetur inter germanos , si auctoritatem spectas , & si prouentus ; diuitiarum etiam æqualis fors , nisi ais , quia patrimonio dignior est Ecclesiæ census , præferri iuniorem.

Paternæ quidem opes senioris erunt ; sed eas deperdere vario fortunæ euentu potest , hostium vi, sedulitate, dolis , suâ denique insitiâ : bona Ecclesiæ , eius conditionis sunt, vt tolli, vt alienari prorsus nequeant ; illis frui vel

negligentior quisque feliciter potest; suâ enim dignitate seruantur, nec aliquis rapaces manus in illa iniicere audet, nisi qui sustinet anathemate percuti, propriæ salutis contemptor, & sacrilegij infamiâ laborare.

Sed coactus (nam hoc certissimum) Sabiniani filius templo datur; sed luget, ais; illorum annorum est, ad omnia quæ non placent, lachrymas dare. Inuentis pueris conferri debet quodcumque illis utile iudicauit maturior ætas; ut musas ille, sic tunicam odit. Veniet tempus quo agnoscat, quàm benè suus illi pater consuluerit; nihil eâ violentiâ optabilius quæ ad præcipuos honores, & securiores diuitias reluctantem compellit.

Addam & alia, Sabinianum aulica prauitas & domesticæ fortunæ ambitiosa lex non adeò flexit, ut Numine auerso velit ditari. Sacras opes piè illum amare existimabis,

si adstantem aris videas ; nemo quippè maiori aut constantiori religione Deo supplicat. Diu est quòd filio amplissimos redditus comparauisset, si emptor turpissimis conditionibus illud voluisset in illius partem cadere, quod idèò beneficium dicitur, quia gratuitum venit, nec aliâ pecuniæ solutione comparatur, quàm quæ vel à pauperrimo facilis fluit, si doctrinâ & Religione polleat ; æquissimum enim Ecclesiasticæ dignitatis pretium est, scientia & pietas.

Theologos certè inuenerat Sabianus qui vtilissimæ conventioni religiosam viam facerent, & tremulæ etiam conscientiæ (nisi obstitisset grauius à peritioribus consilium) securitatem: Tutio rem secutus eas omninò opesaueratus est, quæ facili, latentique commercio illis accessuræ erant quas patrimonium dederat, si maior diuitiarum cura fuisset, quàm

Dei prohibentis timor, aut ardor Religionis. Non igitur inter eos Sabinianus reponendus est qui facinorosi mercatores perditionem, stimulos, non salutem aut quietem emunt liberis, eosque sacris initiari solummodò curant, ut opulentiùs scelesti in contumeliam Ecclesiæ eas opes turpissimè impendant, quæ ab altaribus egressæ, nisi suo fonti restituantur, immaniter currunt, postquàm copiosè fluentibus, in honestissima quæque vitæ officia vñ est cum dignitate necessitas.

Innocentior multò Sabiniani in quærendis opibus diligentia; non aliâ ratione filio beneficium quærit quàm assiduitate officiorum, verborumque blanditijs. Virorum Principum frustratâ sæpiùs quiete, matutinus salutator ad vsque vesperam fastidiosa limina terit; quod nō pecuniâ, illud postulat opportunissimis laudibus, earum tan-

tummodo prodigus rerum quas avarus quisque effuderit, integro marsupio. Quodcumque altiori fortunæ placere animaduertit, hoc omne probat, suspicit, alieni gustus mirator, traditor sui: quis verò sacrilegij reum dicat, quem ad obtinenda beneficia tantoperè aptum efficit, non grata solummodo, sed ut tempus, rerumque non vna facies exigit, etiam flexuosa vrbannitas.

Ne qua capiendi beneficij prætermittatur occasio, aut sedulos amicos, emptos non vno in loco mercenarios habet qui expectati, vel felicia funera referât, vel acres etiam eorû morbos qui fato vicini tot vacantis tituli candidatos in spem tumidissimam erigunt, quot sacrę dudum prædæ incubantes, vetustiore obsequio, & patientiâ, Principibus viris commendat sua seruitus. Verùm in hoc Sabiniani diligentiam vix carpo; illum enim

facere quod plerumque facit diuitum non ignobilis turba, illisque mancipijs addi, quæ genere clara, in abiectissimas tamen preces repetito toties famulatu ruunt, non modica culpæ detractio est. Innocentem propè facit Sabinianum multitudo, & vel Catonis si viueret expugnaturum probitatem, exemplum. Non ad istam humilitatem suo genio agitur, sed numero, & impetu, neque cæterorum more, etiam in publico vilis est, nisi quia nouit virtuti suam excelsum nocere, securiusque ad optatos gradus perueniri, seruitiorum ignobilitate, quàm ingentis spiritus publicè professâ sapientiâ.

Hæc sunt quæ Sabinianum ex parte excusant, non omninò improbè illis inhiantem dignitatibus quas plurimi dato pretio sibi comparant, vt primùm velut quidam venatici canes, quæsitum odore venditorem inuenirent.

Non

Non idèd tamen Sabinianum inter eos patres reponam quos laudabiles efficit sua in liberos charitas. Sæuissimè amat ille vir, in iuniore filio omninò dissimilis sibi, illorumque montium naturam planè adumbrans, qui floridi & ad spectaculum lætissimis stirpibus virentes, intùs tamen ignes fouent; ex amore enim sacros prouentus optat filio, quem & ipse tamen calamitosum ita vult, nesciens licet, vt nullo alio vnquam itinere certiùs ad ingentes misérias peruenturus sit puer, quam quod pater inuenit.

Molles esse posse tyrannos posterioribus sæculis ostendit Neronis ætas: Princeps enim ille adèd delicijs fractus erat, vt qui solum conspexisset, vix arbitraretur effuso in tot voluptates, homini, animos ad feritatem restare potuisse; interdumque irâ terribili exarsuans tantâ insaniâ furebat, vt

nemo amoribus natum crederet ; qui vidisset sæuientem. In Sabini-
niano aliquid simile repereris ; hu-
manus est qui filium felicissimum
vult , atrox qui eundem ad ea
officia cogit quæ non reformidat
modò , sed horret.

Adolescentulus iste , vt optimè
nostis , ad leuia natus , nobili iugo
nunquam nisi inuitus & gemens
cervices flectet ; quâ patientiâ au-
tem putas dignitatem ferat , ira-
tus dignitati ? Iam præcoci in
sexum alterum procliuitate mol-
lissimus puer adeò gynæceum
amat , vt vix amoueri possit ani-
maduersione præceptoris. Scio
hanc ætatem cupidinis telo lædi
non posse , nec nisi maturiore na-
turâ aptam animam concipiendis
ardoribus : verùm scintillulæ istæ,
futuræ cupiditatis quædam præ-
sagia sunt , nec ita latentis sub pue-
rilium annorum simplicitate , vt
non possit apprehendi.

Vbicumque ferrum , vel aurum ,
 intimam tellurem in perniciem
 hominis armat , aut ditat , fontes
 tinguntur , si per illud cursus est ,
 vel arenæ ipsius pretio indicant
 aliquid ibi delitescere quod miles
 non frustra , aut avarus quæsierit.
 Sol ipse ortu suo qualem illum ha-
 biturus sis mediâ die , sæpè osten-
 dit ; neque fallax de seipso vaticini-
 um : nam si emergens tristis est ,
 vix in processu erit hilarior , lu-
 cemque suam plenis radijs fundet.
 Puer est , fateor. Sabiniani filius ; sed
 non obscurè in eo ostendit natura ,
 quid aliquando peccaturus sit ,
 apud quem castitas , licet adhuc
 intemerata , nulla tamen dat præ-
 ludia futuri cœlibatus. Libros
 odit ; saltare amat , mundulus , ad
 fides ita iam corpus regens , vt æ-
 quales suos omnes superet.

Quem ad seria expectes qui iocis
 impensissimè deditus , cruciatur
 honestissimis studijs , & priusquam

ignem senferit , iam mulierofus didicit frigidam virtutem odiffe quæ sacerdotum eft , & ſterilis (ſi ad mortalia respicias) ſtatus , ornamentum ſingulare ? Sed hic mos eſt noſtræ ætatis , vt quælibet familia clarior Abbatem ſuum habeat , ſi grandiori ex liberis expedit in ſuæ fortunæ incrementum , templo iuniorem operari. Aſtra licet noxios ignes venis iniſciant , & torridus ſanguis in atrocis morbi remedium nuptias optet , vxore tamen carendum eſt ; & quæ Dei tantummodò conſilium fuerat , virginitas , fit patris auari domeſtica lex , nolentiſque filij , & ſua etiam ſacra abominantis , pœna crudelis : quo quid immanius dici poteſt , quid acerbius ? Ecce quid in miſerrimum adoleſcentulum conijcere optat cæca & immanis providentia , iam tunicâ talari indutum , vt quid de illo pater decrevit in primogenitum totam effu-

furus hæreditatem , ignoret nemo. Non Deum , non naturam ipsam consuluit crudelis parens , qui antequam adolescentior filius de se posset statuere , ipso vestitu eam vitæ rationem misello imposuit , quâ iam non minùs quàm nato spadoni matrimonio interdicitur.

Quomodo felix , & fortunæ suæ placatus erit , qui à Deo non vocatus ad Ecclesiam ; ad illam tamen parentum sæuâ pietate coactus est ? illius semper cuius amor erat conditionis inhærebit animo memoria ; nihil præter venaticos canes , equos , choreas , etiam sacris indutus , & publicè psallens cogitabit ille , quem ferreus pater , ut filio chariori meliùs esset , altaribus deuouit. Inter ipsos solemnes Ecclesiæ ritus , offeret se frustra concupitæ voluptatis dira imago ; inter festorum gaudia , imperati cœlibatus truculenta lex ciet gemitus , & quæ pietatis esse videbun-

tur , sapissimè erunt atrocissimi
nec professi tamen doloris , despe-
rata suspiria.

Ea erat apud Romanos Religio ;
vt immolaturus Pontifex , ipsam
victimam non feriret priùs , quàm
illa capitis inclinatione , quasi dato
signo , indicasset ictum placere ,
nec inuitam necari. Hoc à pecude
expectari æquum censuerunt ve-
teres , ne vel in bestiam inhumani-
tas sacrificium contaminaret , si
publicis votis destinata mors , &
etiam iubentibus dijs placitura ,
à nolente susciperetur. Sabiniano
velut quoddam Numen est gran-
dioris filij fortuna ; qua vero ille
victimâ Deam placabit ? illâ quam
maximè optat : altero scilicet fi-
lio , qui ne quidem fratris sacerdos
in hoc viuit vt sæuissimo Numi-
ni ipse faciat ; sed vt patris manu
hostia cadat , & duraturâ per plu-
rimos annos mactatione , probet
miser , nihil fraternâ fortunâ , vbi

sæuitiæ ministro patre·vtitur, esse crudelius.

Quid filius iunior, quæso, peccauit, vt in Ecclesiam quasi relegatus proscriberetur? an quia non maturè satis natus, ideo nothus est? & iudice Sabiniano grauidæ ab illo vxoris posterior fœtus, eiusmodi crimen, quod adulterij pœnam subeat, neque possit absolui? Ergo nihil nisi spurium generationis ordo parentibus dabit, postquam primum ediderint, in quem cadat quicquid legitimum vel comparauerint ipsi suis laboribus, vel antiquiore diligentia venturæ soboli maiores reliquerunt? ergo vt quis fratris mancipium sit, satis erit, si aut tardè est genitus, aut parenti displiceat?

Iure belli seruitia fieri nemo miratur, armorum hæc nota sæuities, & victoris atrocitas; sed quis ferat in mediâ familiæ pace, ad ampliorem grandioris filij

censum , reluctantes fratres à patribus seruos creari , vt diuersissimâ sorte vitam degant , qui ijsdem parentibus nati , æquali omnes iure ita hæredes sunt , vt nisi calcatis legibus , & læsâ , quæ prior illis est , naturâ , illos à patrimonio amouere non possis ?

Sed maiores , ais , redditus ab Ecclesiâ percipiet Sabiniani iunior filius quàm quos dedisset partita in ambos hæreditas. Vt vt sit , non copia felices facit ; sed animi quies , & quocumque in statu sua voluptas. Inclusam auem non delectat ciborum copia , tristis edit quodcumque illi obtuleris : caueam laxa , mox vt recuperabit vsum pennarum , aliam omninò videbis , & in sterili quoque hilarem , vt scias infelicibus sæpissimè miserrimam abundantiam concedi , & destitutis egenam non rarò libertatem placere.

Diues erit , inquires , adolescen-

tulus Sabiniani; hoc magnum æstimas? sed si flebit impinguatus? si insomnes noctes ducat? si cuique pauperrimo suam fortunam inuideat, earum omnino pertæsus opum quas inuito gementique pater ingesserit, ut eodem fato institutus Clericus, destitutus hæres, queri non possit ea sibi haud contigisse, quæ distentam alium, & suâ impeditam mole saginam conficiunt?

Felicitatem in eo statuas, ut quis inter escas viuat? ut bouis aliquius instar, pabulo immerfus, non aliud stratum habeat quod & mensa est, quoties alternantem cum stomacho somnum reuocata fames excutit? O beatum virum quem tot bona circundabunt, ais! ex nausæâ bonum æstimas; nisi aliquid desit, nulla est eorum voluptas quæ possederis. Si nescis, ô Sabiniane! plenitudo ipsa, pœna est, morbus est; vbi nimium creuit ingens

sibi onus , inuocat in remedium
sui , quam maximè timet , vacui-
tatem. Sed te intelligo , Sabinia-
ne , non soli filio ; sed & tibi
optas istos prouentus , qui præ-
textu pietatis in communes vsus
cedant , & te etiam sollicitum pa-
trem exornent : neque enim tibi
sufficit solita & tuis æqua natali-
bus supellex , fortunæque illius
claritas quam ex longo vsu fasti-
dis. Nouos quæris ex adolescen-
tis filij dignitate radios ; tuus ille
domesticus ignis vt fulgeat , am-
plissimo nutrimento eget , & nisi
auido vel oleum sacrum dederis,
si non extinguetur , at saltem lu-
cebit obscuriùs. Sed in alienam
messem falcem mitto , & dum ab-
sentem vrgeo Sabinianum , vix
aduerto , Asteri , illius finem argu-
menti iam me attigisse quod te iu-
bente susceperam. Non meum est
ostendere quàm scelestâ sit Eccle-
siastici census , & patrimonij ad

profanos vsus mixtura : Mihi satis demonstrasse , quàm sit malus pater Sabinianus , & quàm sæuiat , dum se optimi parentis munere fungi arbitratus , miserrimo adolescentulo sacram pecuniam quaerit , cui tollit suam.

Iam se ad alteram causæ partem comparabat proximè dicturus Eusebius , cùm me desiderium subiit aliquid narrandi quod priori argumento conueniebat. Brevis erat historia , quam cæteris non iniucundam fore ex me aestimans , qui eam sæpius lubentissimè ab amico audiueram , ita retuli.

Nescio quid dulce insinuat senum menti memoria rerum suæ ætatis. Dum euentibus putant se adesse quibus adolescentes interfuerunt , fit in eis quædam præteritorum voluptas , quasi rediret restituto flore iuuentus , & iam emortuæ senectuti nouum à fatis stamen concederetur , quòd parcas diuturno

feffas labore ad fuam colum reuocaret. Me adolescente, actum est quod referam & maximè placet: animos vestros tenere historiâ meæ ætatis.

Trebonius inter præcipuos nobilitate & opibus clarus, filium, puerum adhuc, aulæ dederat, vt Regi, qui necdum ipse pubes, citiùs notus, occupatisque circà maiestatem officijs, maturiorem ab eo gratiam consequeretur. Adolefcentulo optare & assequi, res pene eadem, & sæpiùs oculata patris charitas nullo admonente vota filij præcipiebat: ampla doloris causa, & latentis inuidiæ seminarium.

Iunior huic frater erat, cui cùm hæc negarentur, idèò maxime, vt mos est, placebant; ita vt sæpè diceret sibi nouercam naturam fuisse, quæ nobilem quidem genuerat; sed infelicissimum quia vltimum, & vnius anni morâ damnaræ cæterorum solatium. Pucro huic

ingenium acre, & vitæ abstrusioris impatiens, quam tamen ferre cogeatur, & horridiorem fecerat immanis præceptor, suo ita Latio addictus, vt ab eo discipulum vel modice auelli nefas putaret. Hæc patris ars, ne humaniori manu educatus puer inter concessos lusus, & liberioris vitæ, quæ nobilium est, urbanitatem, suæ indolis admoneatur, non facilè reuocandus, si se ad liberalia studia ineptum plus iusto aduerteret. Hunc dare Ecclesiæ Trebonius constituerat, vt maior filius ex fratris consecratione ditior, opulentior etiam uxorem inueniret, & aucta tot bonis familia, superaret (quod maxime optabat) Maiorum claritatem.

Vt iustior ætas puerilibus annis successit, amoto præceptore, alium habuit cuius opera non omnino malus rhetor, inter philosophos tandem, animo miles, & nihil præter arma & aulam cogitans,

indignante scholâ admissus est. Sæpè lachrymas professor in adolescentis vultu notauit, & madi-
dam sub calamo chartam malè ex-
cepisse literas, quas etiam, non
certis ex animi dolore articulis, tre-
mula manus turbauerat. Suos ta-
men rarò non fraudabat gemitus
miserrimus adolescens, ne patri re-
ferretur tedium illud cuius potesta-
tem non fecerat, & doloris necessi-
tas. Pecunia tamen in honorem fa-
miliæ satis copiosa concedebatur.
Neque enim in eâ ætate negari iam
poterat, & illustrissimâ stirpe ge-
nitum, opus erat eos scire quos
habebat, sub humiliori fortunâ,
collusores, & socios laboris. Ex
eâ pecuniâ purpuream vestem,
crispatas, fluentesque plumas emit,
quas decentissimo galero impone-
ret; fascias etiam, vt tunc vsus fe-
rebat, poplitarias ardenti coccino
micantes: ensen denique, qualem
extrà pericula & iniurias nobilis

iuuentus ferre consuevit in argumentum natalium. Hæc omnia confidentioris serui ope secretò comparata, acerbissimi mœroris materia sæpiùs erant, cùm adducto cubi-
culi ostio, ijs indutus miserrimus iuuenis, aulicæ, quam ardebat, vitæ sibi faceret in conspectu serui breuissimum experimentum. Et hæc, inquiebat, mihi tollis Crudelis pater, ad quæ, literarum hostis, sponte currebam & natura vocauerat? cui ensis, equi, saltatio maximè placebant, libros dedisti! ergo major natu tulerit totum cuius mihi amor erat, & in solatium calamitatis, solam reliquerit, quam nolo, quam non capio, & quæ nec me capit, Philosophiam? hoc incessu militibus, hoc matronis placuissem, abiectâ in gratiam sexus ferocitate illâ quæ castrenses viros decet. Eâ venustate, cùm me intulissem in choream, omnes quotquot adfuissent, rapti,

me filium, me fratrem, me sæpiùs generum optassent, non stirpe magis quàm toto corporis habitu, quàm vultus elegantia, quàm sermonis lenitate commendabilem. Ad hæc non sine lachrymis aggemebat famulus, & vt lugenti domino magis placeret, gestu quoque, & audaci, quia nullus secretorum testis aderat, voto, sæuitiam patris damnabat licentiùs.

Non semel occultissimi luctus tragediam exitauit ille dolor; sæpè calcatâ tunicâ adolescens respexit ad purpuram, & extracto, qui sub feris in arcâ seruabatur, ensi osculum dedit, cum charissimo ferro amorem testatus, quem nos amicis. In eo tamen vitæ infelicis statu aliquot annos duxit, & tandè coactus sacerdos, sub Abbatis præclarissimo nomine, morbo quem sæpè optauerat solutus, exemplo cunctis fuit, ecclesiasticos honores, opesque in malis certissimè numerari

rari, si inuitis conferantur. Hæc habui quæ in propositam quæstionem vobis dicerem, quæque à probatæ fidei viro (nam & hoc forsitan quæritis) rescivi, qui Trebonij ad nobile obsequium comes, & domandis equis præfectus, familiæ omnia arcana nouerat, sæpè patri occultè iratus, quod nolentem filium ad tunicam cogeret.

Finitâ historiâ, non paruum, inquit Eusebius, mihi iam onus incumbit, qui læsæ Religionis iubeor Sabinianum insimulare. Certè cum Abrahamus interficiendum suâ manu Isaacum aræ imposuit, seipsum immolauit in filio : nam parentis quædam portio filius est, eoque nexu ambo vinciuntur, vt quidquid vni competit, id naturæ lege ad alterum pertineat, nec ille propterea felix æstimandus sit, qui calamitoso patri superstes quadam fati necessitate (sic loquitur philosophus) etiamsi cum illo for-

una mitius agat ; semper tamen illud miserum habet , quod egeni pars , ab infelici massâ auulsus est. Eâ certè ratione vir sanctus non sibi quàm nato clementior in quem parauerat gladium, vnâ Religione, vno ictu, bis, vt ita dicam, Sacerdòs, bis & hostia , & maclandum immolauit Deo iubenti , & maclantem confecit.

Maximè Christianus esset Sabianus , si eo animo filium optaret Deo votum : alterius enim consecratio vtriusque est quodammodò sanctitas , laudabilique arte mixtus ciuilibus negotijs homo , toties sedulus in templo fuisset, quoties filius sacerdos patris in se non modicam partem admouisset altaribus.

Nulla inter ciuiles familias illâ beatior, illâ sanctior , quæ licet terrenis negotiis implicata , in aliquo tamè suorum vngitur, & altissimorum montium instar, ita imis

adhæret, vt supremis se inferat, eorumque sit veluti nexus, quæ diuerſiſſimis curis, vitæque vſu ſecreta ſunt. Sed non eâ fuit Sabiniani pietas; quàm ſacra ſit ſua familia non curat; neque in filio, illi placet Eccleſia, niſi quia viam fortunæ præit, & ignobili quaſi famulatu illud omne miniſtrat quo cõmodior illa, clariorq; poteſt effici.

Ineptos ſacrorum miniſtros templo offerre, magna templi iniuria, verùm multo & maior, ſi inuitos. Quis vnquam imperitus, aut nolens artem ſuam nobilitauit, vel vtili obſequio imperantem herum demeritus eſt? Varia eſt hominum ad ſingulas artes propenſio, & induſtria: hic genium maris ventorumque non vnas leges lubens diſcet; ille timidior, in ſolidiori elemento opes quæret, illudque bidente, vãmere, raſtro, indefeſſus cultor coget ſoluere expectatos proventus: picturæ hic feliciùs incum-

bet, miscendis coloribus aptior : Aliqui fortunatissimè armis studebunt, alij libris, ad cætera si naturam flectas, inepti. Quanta in vrbibus, in agris, & in ipso etiam pelago officiorum peruersitas, quantà artium, si ad illud quisque cogatur ad quod idoneus non est, eaque compulsus tentet opera, quæ aut valentiores nervos requirunt, aut acutius ingenium ?

Anatum naturam induisse prope videntur qui nauticæ addicti, fastiditâ terrâ degunt in aquis; hos si terræ admoueas, videbis inertimanu, lacertisque fluentibus glebas versare, qui alacres pacato in mari remos agerent, & suas etiam vndas, cùm magis tument ac sæuiunt, non omnino inuiti paterentur. Agricola pone in mari, ad leuissimas quascumque auras turbabitur, & ludente pelago, pauebit, in constantissimâ terrâ opus facere adeò solitus, vt quidquid

infra se vel leuiter tremit, infidum putet. Non eâ manu quâ aratrum, clauum torquebit naualis agricola; ad obuios quosque scopulos pro-ram allidet, si illum rati præficiet; pericula etiam facturus suâ insci- tiâ, vbi aquis ventisque consen- tientibus, maxima erit à pericu- lis securitas. Hos omnes si pingere velis, telam sordidabunt pul- cherrimis coloribus, non distin- guent, iratique penicillis, etiam studebunt illud peruersè facere, quod neque volentes probè effice- rent, vt ad rudiora quidem, verum gratiora opera dimittas, & nauta suis fluctibus, suis agris colonus restituatur.

Eadem sit licet apud poëtas Pal- las & Minerua; rarò tamen qui Palladem propitiam habet, bene- uolâ Mineruâ utitur; prosperita- ti namque armorum vix accedit scientiarum felicitas. Ex optimo milite absurdus rhetor, & ex cla-

rissimo oratore inualidus miles emerget, si illum à castris ad libros quos odit, hunc à libris ad castra, quæ timet, transferas. Quod si ad singulas artes ea requiritur convenientis naturæ dispositio, & quædam animi voluptas manum ad operam incitans, tædiumque, quod in sui processu labor propè omnis adducit, dulciter fallens, quantâ prudentiâ deligendi sunt, quibus committitur cura sacrorum, ut id munus rectè expleant, quo nemo vnquam præclarè functus est, nisi qui sponte suscepit? Quid ab illo milite exercitus speret subsidij, quando cum hostibus res est, qui nisi tractus, aut fustibus cæsus, ad copias non accessisset; Quomodo fortiter stringet gladiû, qui dolens vaginâ exemit; qui malo omine prælium incœpit à lachrymis, & in ipsâ dimicatione vix miles, penates etiam suos cogitans, secretis apud se votis pacem inuocat?

In eo statu est Ecclesia Dei, tot hostibus septa, tot obiecta periculis, vt bellatoribus indigeat. Quid ad animos, quid ad vires, quid ad victoriam conferet lugens, & ex solo etiam pauore fractus miles, cui sua arma oneri sunt; cui cum à patre imponerentur, ad primam belli imaginem erupit, quasi iam multo prouocatus labore, ignauus sudor? In fidei hostes an pugnabit ille Clericus qui sacris copijs non eo animo accessit, vt ageret bellum Domini; sed vt commeatus publicos, quos alendo exercitui comparauit prudens nec futuri tamen præscia fidelium charitas, ederet ipse, otiosus eorum spectator qui ex pugnâ iustissimè æstimantes quantum cuique alimentorum debeatur, eas sibi citrà laborem facultates dari non sustinerent, quæ in bellantium vsus, non in desidiæ commodum, aut tumorem concessæ sunt.

Multùm aberrat à pietate Sabi-
nianus, qui filium, graue aliquan-
do suis partibus onus, inter eos scri-
bi voluit qui militari sacramento,
datisque in sperati obsequij fidem
maturè stipendijs, religioso bello
initiantur.

Videbatur Eusebij nimis in pue-
rum calor, neque modesti animi
esse tam certò de futuris eius mo-
ribus vaticinari: hoc ergo œstrum
compesceret, monebam, & mitio-
ra loqueretur; verùm ille ex no-
stra tarditate incitator. Neque
propterea, inquit, frangetur iustif-
simus impetus; quin & maiora au-
debo, & pueri (ni resistitis) abs-
que yllo Mathematico cœlo, non
dubius aut obscurus vates, horos-
copum constituam. Quâ stellarum
societate, quo aspectu sit editus
haud multùm curo; proscripta du-
dùm apud me est ista scientia quæ
ex syderum vi mortalium mores
ita æstimat, vt nulla supersit ad
virtutes,

virtutes, aut ad vitia electio. Pro-
 astris mihi sit pueri istius iam su-
 perba mollities, leuitas mentis,
 deliciarum cura præcox, & maxi-
 mè patris per tot vaferrimæ pru-
 dentiaë artes, in quærendis bene-
 ficijs sagacitas.

Si vota illius procedant, & suis
 promissis steterit regius fauor, tot
 auctus opibus puer, aliquot an-
 nos ignorabit sortem suam, nec ad
 quid valeant ingentes prouentus
 sciet, vsque dùm tractu temporis,
 ipsâque viuendi experienciâ edo-
 ctus animus in earum facultatum
 vsum maturuerit. Quandiù sub pa-
 tris imperio ipse suaque fortuna
 erunt, vtcumque latebit pessimè in-
 dolis coërcita peruersitas, & quid
 nocuerit Ecclesiæ Sabinianus pau-
 cissimi aduertent: Verùm datâ ali-
 quot annorum patientiâ, non ob-
 scurè illa vitia emergent, quæ tan-
 quam in lucē edita, futuri conscius
 (fallar vtinam) iam ego conspicio.

L

Neque doctus erit vnquam puer iste , neque etiam vir bonus ; abnuerit enim scientia non infunditur , & rarò videbis eo in animo virtutes nasci , in quo semina virtutum natura non posuit . Si ineruditus , fiat tamen ex parentum voto sacerdos : heu mihi ! quâ ratione petenti populo diuina promit oracula , qui suâ inscitiâ mutus , exsiccatus instar putei , quas semper ore patenti promittet aquas , nunquam dabit quærentibus ? Quomodo sacerdotis istius labia custodient scientiam , quam nunquam hauserit ? Sed si eruditus erit , ais , si publicè orabit ? Quis inde pietatis fructus ? quis ad illum sonum in suas cupiditates sumat arma ? quis accensus ad tibias istas , velut olim ille Alexander , in vitia decernat ? Aptissimè licet motus illos imitetur , quos edit in ardentissimo concionatore sanctitas , illum omnes veluti quemdam pietatis mimum aspi-

cient, & orantis vitam animo reuoluentes, non sine indignatione meminertint, quàm sit in priuato virtutis hostis, qui eam publico præconio honestauit. Quam suis sermonibus telam texet, retexet quoque iniquissimis moribus; & diuersissimi itineris dux ambiguus, eâ castissimi sermonis, & corruptæ vitæ quasi rixâ, non ad salutem magis quàm ad interitum auditores inuitabit.

Non ex eorum numero erit puer iste, quos apud populum Christianum commendat vitæ integritas, & in ipso quoque opum splendore, modestia. Non superbiam, non voluptatis frænum dabit, neque illis facultatibus sapiens dispensator parcet, quas deperdere fas non est, aut negare pauperibus. Non quid defuit calamitosus; sed quid in sua solatia, quid in famam, quid in amicos possit congerere, egregius sui, suorumque cultor, assiduè cogitabit; & escarum iudex fastidiosus,

decernet quibus epulis instructior mensa laudaturos sacri viri luxum parasitos celerius accersat.

Quantos gemitus Ecclesiæ ciet Abbas iste, dum illa ostenso altari ad sobriam ebrietatem frustra inuitarit longè diuersa pocula sitientem, & ad illas voces immotum, venite & bibite vinum quod miscui vobis. Vt Tertulliani verbis utar, nullum templum vir ille æstimabit suâ culinâ sanctius, cui condimenta, charismata; Spiritus sanctus, nidor; coquus, sacerdos. Tanto apparatu comedet, vt si locum ingrediaris, vbi tot pecudes in vnus viri delicias conficientur, tot inter varij generis cultros, effusumque cruorem calida & penè adhuc spirantia exta iacebunt, existimes prælium geri non prandium parari.

Interim vix se Deo sacrum meminert, & depositâ interdum, quæ ad modestiam propè cogebat tunicâ, vt effusior epulo suos ci-

bos , sua vina conuiuio iactitet , solutissimos inter & sæpè etiam dentatos risus , sacerdotem abijciet.

Dum suo indulgebit ventri , pauperum clamoribus personabunt fores, quas seruatorum nullus miserturus aperiet ; fortunati tamen , nec malè pasti, si non & fustibus admo- neantur , minimè licere egenis sæ- uiente fame , ea inclamare quæ suggererit ; & diuitum domos , vbi dominus poculis aut quieti vacat , honorari silentio?

Equos , non quot ad gestationem sufficient, habebit ; sed quot ad fastum nutriri ambitio volet , vt clamosiori hinnitu , phalerisque amplioribus currus trahatur, nec principe deterior clericus , minore tumultu humum premat , quoties optabit pretiosissimis indutus inter strepentes famulos à mirante plebe conspici.

Non sectis ex modestiâ crinibus ; sed quasi Ecclesiæ suæ transfuga

prophanis omnino ritibus initiat-
tus, promisso ac delibuto sæpè ca-
pillitio aulicū agens, nunquam aut
amœniori ingenio, aut vultu erit,
quàm cùm inter matronarū choros
ostendet, quantū suus illi chorus
displiceat, vbi occultior diuinitas,
& mœstior adoratio. Virtutum ta-
men quas oderit patronus, vbi que
eas coli imperabit, & in aliena vitia
vehemens orator fremet sæpius, vt
scias nectibi licere ea nosse quæ pa-
lām fient, aut virum imitari.

Deliciarum quædam mortalibus
necessitas est; nam quis viuat abs-
que gaudio? quia autem castas ani-
mi voluptates tanquam imagina-
rias auersabitur vir ille, alias palpa-
biles quæret, quas vel nominasse
culpa prope est, & pudoris iniuria.

Minus audacter de futuris pueri
moribus verba facerem, nisi me
experientia docuisset innocentem
perrarò dignitatem eam esse, quæ
confertur nolentibus, & maximè

si in sceleratas voluptates natura procliuior, suos ad vsus trahat eas opes quæ cohiberi vix possunt, nisi rapidas stiterit aut famæ loquacis formido, aut quæ sanctior est, ipsarum opum reuerentia.

Inter plurimos quos adhuc tenax memoria retinet, vnius memini qui non absimili parentû curâ per vim tunicatus adolescens, statim vt se sensit virum, diuitemque, eam vitæ rationē instituit, quæ ne quidem in veste Ecclesiasticum hominem præferret: nam licet quoties in aulam concedebat, talari amictu vteretur, ne inter alios eiusdem instituti viros, dispar cultus argueret leuem, indignumque cui Rex inter tot frustratos petitores pinguissimû beneficium contulisset; nunquam tamen alibi sacræ vestis patiens erat, suis amicis dicere per iocû solitus, eiusmodi ornatum non bene conuenire suæ ætati, eo melius vsurâ aliquando senectutem, si ad canos perue-

niret , neque venatorem decere.

Mirâ industriâ & articulorum velocitate testudinem pulsabat, nunquam tamen feliciùs quàm cùm aliqua musicum forma accenderat , & laus sperabatur à fœminis ; hoc enim maximè amabat , & operæ cumulatissima merces , placuisse. Nihil illi pauperū conspectu durius, cùm tot satellites esse diceret qui Christi nomine creditas sibi opes reposcerent ; tot ora improbo clamore illud Evangelij intonantia : Redde quod debes. In suis ædibus quieto similis , mox ut egressus membra Christi in compitis macie confecta, squalida, distorta conspexerat , ipsius domini miserimas voces audire se arbitrabatur : Mene relinquis ? cùm utique splendeant non tua tantùm vestimenta ; sed & famuli ; sed & ipsi in suis præsepibus equi , & canum quoque cura sit, ne egeant , Ego iaceam ; Hæ in te congestæ sint opes,

solùm vt fulgeas , & eam facer homo fortunam consequeris , quam laïcus tuâ industriâ , tuis laboribus (adde & annorum longam seriem) etiam & fatigatus senex non habuisses.

Contigit aliquando vt desperatione audax quidam mendicus ei occurreret, & ita loqueretur: Quid nos fastidis , clerice , non tu verè opulentus ; sed nos ? Quid refugis te dispensatorem eorum agnoscere quæ , iubente Christo , tua nobis manu tradendâ sunt ? Nec tuæ propter eâ inuidemus parti , ijs frui quæ honestissimum procuratorem decent , tibi solue antequam nobis ; sed te pasto , te etiam inter tot bona sæpiùs incerto quibus potissimum vtaris , & de nobis aliquando cogita , propter quos tantum diues es : si nescis , tuus ille currus squalore meo nitet ; quidquid enim superflui in eo micat , comparauit illi mea egestas ; quod ad modestam

felicitatem addidisti, Clerice, non fortunæ ut tu putas magnificentia est, sed crimen; da citò, da pecuniam, aut currum permitte: isti iustiùs in meos vsus, quàm in tuos equi cedent, cùm iam meus ille scipio, tot annos itineris fidissimus comes tremantibus vestigijs non sufficiat. Quid ad hæc vir Deo votus? currum iussit vrgeri; laborabat enim sub pauperis manu, & circà rhedam copiosa egenorum turba accesserat, ad sui oratoris vocem plus aliquid certè ausura, nisi iubente domino rhedarius diligens in incœptam viam admonitos verberare equos velocissimè egisset. Fugientem longus clamor sequutus est, ut qui se periculo expedierat, hac saltem contumeliâ disceret, iratam egestatem sua quoque arma habere, & ubi effundi opes videt, quas putat suas, nullâ dignitatis reuerentiâ cohiberi. Cùm illud rescivisset vir quidam, non

inurbanè dixisse fertur , pauperes acres omninò esse Theologos , vbi de opibus Ecclesiæ proponitur quæstio , nec debere aliquem mirari Ecclesiasticum hominem timuisse eos doctores qui scripturam sacram , pugnantibus in se diuitibus , immodestâ religione citant , & compita habent pro subsellijs : hoc maxime dicebat , quòd vir ille inter Theologos disputantes vehementissimus , pauperem nihilominus declinarat qui ad normam Euangelij argumentum confecisset.

Eiusmodi virum Ecclesiæ dedisse , non munus fuit , sed iniuria , & istius pater modum certè inuenit , quo thuris suauissimus odor altari admotus , fœtore misceretur ; nam quid aliud , sacerdotis ministerio iuncta morum peruersitas , & publicæ orationi fœdissimæ voluptatis conscientia ? Ex me hoc dixisse nolim , longè antè Augustinus : hominem ergo ad templum

compulisse, qui in eo non bene moratus caneret, idem est, quòd illud impleuisse sacrilegijs; quòd Deum optare populo Christiano non exorabilem: nam vbi calcatur sacrares, irascitur certissimè Deus, & beneficia quis, vel ex sanctis, sperauerit extorquere ab irato? Ecce quod lucratur in Sabiniani filio Ecclesia; virum aliquando habebit sub pietatis titulo pietatis hostem; nam quomodo amabit, ad quam trahitur? Inuisi coniugij nexu nihil durius; catenis licet aureis membra implices, quid ad solatium captiui graue pretium, & amissa inter opes libertas? Idem existima de illo, cuius quæstio est, statu, quem susceptum abijcere nemo potest; quidquid enim feceris, manet vinculum. In eo igitur veluti amborum coniugio, Ecclesiastici videlicet, & Ecclesiæ, quis charitatem speret, quis inter inuisos mutuam pacem? Nec

ille eam in coniugem, nec illum ea in maritum vnquam optauit, quid inde , oro ? Ecclesiæ suspirantis dolor , quòd coacta & absque amore virum duxerit ; quòd sua in dies ab impurissimo homine deturpetur sanctitas; quod sibi honorem, quòd famam abstulerit, vix ab illis morum castitate recuperandam, qui fideliori sacramento, quod semel sponsæ iurauere , id in æuum seruaturi sunt.

Restabat Asterij de Sabiniani œconomiâ iudicium ; sed cùm in tantâ rerum dicendarum copiâ incertus sermonis, maximè circa initia laboraret , dubitationem casus tulit.

Aliquot libri in conspectu erant, & vt sæpè incogitantes multa agimus, quem priorem Asterio mensa obtulerat , hunc manu tractabat ; ita tamen vt à lectione abstineret , ne ad aliorum sermones inurbanus auditor haberetur. Vo-

lumen bibliorum erat, in quo quatuor Prophetæ maiores continebantur. Illo temerè aperto cum iam sileret Eusebius, & expectaretur Asterij de propositâ quæstione sententia ; Nabuchodonosoris somnium felicissimè occurrit quo significabatur regnorum in diuersos mores abeuntium successio, potestas, & his famosior, pernicies ; donec disponente Deo, ad illud ventum esset, quod nulla vis, nulla ætas fregerit.

Tum Asterius : dubitanti quo exordio vtilissimum sermonem auspicerer, opportunè succurrit Daniel, nec parua mihi, siue felicitas, siue laus est, adiuuari à prophetâ. Statua illa grandis, fero aspectu, auro diues & argento, ære potens ferroque, nec stabilis tamen, Sabiniani domum, si vota hominis succedant, & sacris opibus familia ditescat, videtur adumbrare. Metallis non vnitur fictilis labor, & idcò

ad modici lapidis casum ruit illa statua, quòd ferreos ex parte pedes argilla corrumperet; ista enim nulla arte coalescunt, & eas res conciliare frustrà optaueris, quæ naturæ lege dissident, atque inter se discordant.

Ecclesiasticæ facultates, si cæteris inconsultè admisceas, grandiore profecto fortunam efficient, sed & fragiliorem: Ista enim bonorum disparitate nutat domus quæ vtrisque fulciri studet; & dum ambo diuerso pondere suam quasi massam repetunt, fit familiaris scissuræ quædam necessitas, certumque ex illo partium discessu exitium, cui nulla possit succurrere diligentia, nullus labor. Sicut nefas est ea separare quæ coniunxit Deus, ita non licet in societatem cogere quæ Deus ipse determinat: nec minoris piaculi res est, sacras opes cæteris ita maritare, vt vnum domesticæ fortunæ corpus nefariâ illâ cō-

iunctione constituent. Vtriusque fortis facultates in eandem familiam cadere nulla quidem lex prohibet ; sed vno licet alueo istæ aquæ contineantur , numquam tamen ita fluant ; vt quod sacrum est , prophanorum ad quoslibet vsus communione censeatur amississe suam naturam. Fallet me Sabinianus, si sanctis opibus dignitatem suam seruabit ; hominem noui , profusissimos redditus statim vt tenebit, in suam culinam congeret, & vtrasque opes, confundente audaciâ, vix tum agnoueris aliud esse à patrimonio Sabiniani patrimonium Ecclesiæ. O insaniam ! panis hominem alit, accipitrem necat : salubriter certè religiosis facultatibus vtitur is qui ad illas ius accepit ; qui secus , ipsa alimenta in suam perniciem vertit ; quot cibos tot laqueos illi profert feralis mensa ; piscis instar, vorat hamum miser, illis

illis addendus epulonibus de quibus sapientissimè dictum est, pasti sunt, capti sunt. Sacrà Patrum autoritate maximè delector quia & ipse sacer sum. Prudentem œconomum putes, qui suis nutrimenta præbet, quibus necessariò intereant, si vsurpari, si in res noxias infumi prudentes aduerterint? œconomia est, illarum facultatum congestio, quæ cæteris opibus anathema inserant? quæ te perpetuum debitorem crucient? & vtique reddendæ sunt, etiam cùm tempus infelicissimo hærede apud homines furti maculam videtur abluisse?

Ille œconomus, qui vt leuissima lucretur, ingentia amittit, quietem, innocentiam, Deum? Ille œconomus qui futuri non præscius, breui opulentiâ duraturam in sæcula, sibi, suæque soboli, mendicitatem comparat, & sacrilegio diues esse voluit, vt æternum

Laïci imaginem dicas, qui sacros reditus sub filij nomine in suam familiam coniecit ; illis enim frui omninò prohibetur, eâque ratione iuxta se videt quod famem acuit, quod sitim, non quod sedat; & nisi abſtinentia medijs in opibus placuerit (quod fortiffimè virtutis eſt) ad vicina ſubſidia ſuſpirabit vir ille, quoties meminerit acceſſiſſe familiæ ad modeſtos ſolius filij uſus; ad patris verò cuius diligentiâ comparatâ ſunt, cæterorumque inutile ſpectaculum. Qualis illa, oro, œconomia; quæ ſacris copijs inhiat, quas ſi ſolum intuetur, miſera, ſi tangit, ſceleſta eſt?

Quæ iuxta viam ſitæ ſunt fructiferæ arbores à quolibet viatore ſaxis petuntur, iniuriam tuleris ſi extrâ conſpectum ponas; nam remotas, nec dare faciles, quis quærat? Eccleſiaſticos fructus ad manum habere, licèt decerpere ſine ſacrilegio non poſſis, maximum eſt.

appetitus irritamentum. Eorum omnium quæ se vltro offerunt, fit amor; & etiam, quia his non vti durum habetur, necessitas; quia autem facilius vsurpatio, vbi illam nulla lex, nullum forum vindicat, quantum putes in eâ naturæ procliuitate, & delicti quasi tutelâ laborare innocentiam?

In iride sinceri colores non sunt; sed ita inuicem suâ vicinitate permixti, vt nullus nisi in altero appareat; idem ferè videas in illis familijs vbi cum fortunis ciuilibus sacræ opes conueniunt, nam licet suâ conditione discretæ sint, eâ tamen temeritate miscentur, vt ex vsu, aut reuerentiâ distinguere nequeas.

O improbam vnionem! qua vi, quo impetu, illam dissoluet vrgens tandem conscientia? nam ista aliquando separari, aut te perire necesse est, Sabiniane; quæ placuit cum sumeretur esca, stomachum

conuelleret, cùm ad vomitum veneris. Melius tibi, tuoque adolescentulo confules, si eius indole pensata, ad illam vitæ rationem instituas, quæ cùm supplicium filij tui non erit, neque etiam coget te vocare carnificem. Si illum ad Ecclesiam Deus vocauerit, ex illius pietate & studijs in progressu ætatis satis scies; tu pater, sed non arbiter conditionis; opta tu; sed eligat ille, & in eius animum ne ampliolem potestatem vsurpaueris, quàm ipse Deus, qui voluntatem haud cogit, verùm allicit, non Tyrannus, sed orator.

Vtinam adesset cui loquimur! ad tanta, vt existimo, qua teretur ferreum pectus; si non odisse, at time-re saltem disceret sacras opes, quas reluctanti filio quærit, vt sub Abbatis felicissimo nomine, patris facultatibus exutus & per vim sacer, infelicem vitam agat.

Non plura Asterius, Conuersa-
M iij

tionem finiuit venustissimus puer;
 qui cum aliqua ex ijs quæ dicta
 fuerant, satis pro ætate intellexis-
 set; affirmavit se Abbatem nun-
 quam fore, neque fratris fortunam
 eo usque reueriturum, vt pro eâ
 suas voluptates vellet perire, aut
 denique suam salutem periclitari.





C A D M Æ A

NOBILITAS.

TERTIVM SOMNIVM.

Nihil Philosopho perit; quid-
quid enim ille intuetur, ar-
gumentum facit sapientiæ, & in
suos vsus transfert.

Quadam die domo egressus, ad
iucundissimi fluminis ripam, cum
amico spatiabar, ut lassatos studijs
animos oblectaret illud simplicis
naturæ ingenium, stirpiumque ne-
glecta formositas, quæ aquis vicina
ad satietatem nutritur, surgitque
lubrentiùs. Mirabar ego tot variæ
pulchritudinis herbas, quibus non-
dum nomen invenimus, in vnum.

locum conuenisse, tantorumque operum, quæ longè ab hortis; diligentiam tamen illorum superant, rarò spectatorem inueniri.

Fluuio coronam fecerat spontanea illa, & confusa amœnitas; quam salices, aluis per inæqualia spatia mixtæ, non ita premebant umbrâ suâ, vt à sole prohiberent. Inter has rusticæ venustatis delicias, non rapidè fluebat amnis, vt quæ diuës ripa ostenderat, inuersa quoque imagine in pacatis vndis repetita cernerentur.

Dum hæc ego intentiùs specto, Ctesias (hoc amico nomen erat) aliam sibi ex fungorum contemplatione voluptatem fecerat. Non longe ab alueo ad vetustissimæ arboris radices hanc vectorum stirpium flaccidam imitationem aduerterat, præcipitis naturæ opus, neque enim fungi diù nascuntur aut nati patienter adolescunt; sed emergunt statim, & velocitate ip-
sâ

sa ortus ostendunt quàm despecti
sint, quàmque vile fuerit, nasci.

Pulchriora certè conspiciebam;
sed maiora Ctesias meditabatur :
seis, ô Firmiane ! inquit, quam
mihi fungi isti tam properâ nati-
uitate è facili trunco erumpentes,
cogitationem dederint ? Non ma-
iori labore crescit quorundam ho-
minum gloria ; inter duos soles
nascitur : sed vilis apud sapientes
festinata illa & fungosa prosperi-
tas ; neque mihi vnquam probata
est tanta fortunæ in prouehendis
alumnis, diligentia. Ingentium
opum expetendam esse tarditatem,
vulgus ignorat ; cùm tamen illæ
honestiùs ad nos veniant, si grada-
tim & silentio, quàm si cursim,
ac strepitu : securiùsque habeatur,
vt & dulciùs, quod in meritam
familiam veluti stillauit, quàm
quod in cupidos lares toto fonte
effusum est.

Vides, Firmiane, arbores istas ?

N

morâ extrâ terram emerferunt, morâ creuerunt, & ipsâ procedendi patientiâ, vires illas comparauere, quibus innoxie, diuque ferent imbrium ventorumq; frequentes procellas, & æstatum incendia. Est herbis, quas hîc etiam lætissimas intuearis, ex cunctatione ortus sua quoque duratio: Nam tot ferè menses stant & virent, quot sumpserunt vt ad summitatem illam, quæ definita est à naturâ, leniter ascenderent, eâque prolixè fruerentur.

Vt ad homines veniam; optabilior multò, solidiorque lenta felicitas eâ quæ neglexit per succedentium ætatum varias sortes, gloriæ suæ culmen attingere, & quam pudisset originis, nisi in illâ quoque, gyganteo quodam progressu, celsitatem conspexisset.

Rapidissimè quamuis feratur sol, lux tamen illius respectu nostri gradaria est; sensim namque se ostendit, & ideo placet, quia vere-

cundè postulat, mereturque oculorum suffragium: Non ita è nube fulgur emicat; subitò, totùmque aduenit; nihil seruat quod expectes; omnis in ortu vis; & quia dispensatæ luci assuevit acies humana, illud nos maximè lædit, quòd huius ignis repentinam lucem imparati conspiciamus. Hoc quoque in plerisque fortunis durum est quòd non expectato splendore mortalium obtutus feriunt, neque modestior aliqua claritas præcessit quâ admoneremur quiddam ipsâ futurum illustrius.

Vt hæc dixit, ita est, inquam, ô Ctesia! absque aurorâ sæpè fulsit in Gallijs meridies; & hoc fortunæ concitatoris prædignum sæpè mirati sunt exteri, apud quos altitudo illa; si & aliquando sinant, modestæ expectationis solet esse patientior. Sed hoc nobis peculiare est, ut præcipitanter quodcumque agamus, neque ad subita moneamur; quæ in tardiori populo

stuporem non modicum facerent.

Ne tamen existimes, ô Ctesia ! illorum hominum fortunam , cuius meministi ; ita festinare ut omnem velocitatem superet, aliquid tibi ostendam perniciosius.

Hermiam nosti, lepidissimum illum somniatorem, qui sæpè propositis ænigmatibus ad moralem philosophiam ridentes amicos provocat, & quasi ludens in mortaliū errores vtilissimè inuehitur. Cum apud me aliquando diuertisset, & plurimi amicorum adessent, quos maximè delectabat illa philosophandi ratio, quæ tædium arcet, & ad honestæ conuersationis humanitatem propiùs accedit, ista sibi aiebat contigisse per somnium.

Dormienti prima res visa, in ingens spatium porrectus ager, inæquali glebâ, tanquam recens ab aratro, frequentibus sulcis, in quem honestissimæ frontis vir quidam, nescio quæ semina plenâ manu

conijciebat. Venuſtum agricolam, qualem antè non viderat, Hermias, miratus, aliquantulùm ſubſtitit: tum datâ ſalute & honoris cauſâ excuſans quòd ignotum percontaretur; Et, heus, inquit, vir egregie quid tanto affectu telluri mandas? ſatorem te profectò illa non haberet, niſi meſſem ab iſto ſemine expectares tuis dignam natalibus?

Optimè, reſpondit ille, & quàm glorioſè laborem, videbis ſtatim, imber modò, cuius iſta nubes ſpem facit, expectantem humum non prætereat. Vix ea erat ſatus, cùm pluuiæ, ventis nubem impellentibus, toto agro effuſa eſt. Dein ſol, qui aliquantulùm latuerat, ſuam ſibi lucem reſtituens, diligentiffimo calore ita fouet ſemina, vt ex illis non gramen, non calami aut ſpicæ, verùm coronulæ quædam aureæ illicò emicarent, quibus mox ſubiecta capita cùm & tellus prodidiſſet, tot marchiones apparuerunt.

Sic emersos nobiles vultus ; cætera quoque membra non dispari ortu sequuntur, suis etiam ; ne quid deesset, conspicua vestibus: Et Hermias nouâ fœturâ feruentem agrum conspiciens, fassus est, haud promptius Thebanum solum Cadmo milites dedisse, quàm terra illa, adiutore Cœlo, suos coronatos protulerat.

Hoc commento quid verius, charissime Ctesia? num & aduertisti dignitatis huius, quæ iam adeò familiaris est ; præproperam natiuitatem? Animantia quædam imperfectiora ita festinanter in aëre generari aiunt, vt cum pluuiâ decidant ; quamuis ego in ipsâ humo, vt illam calidus imber attigit, creari potius existimauerim : crassior enim materies in id opus requiritur, quàm quæ possit à liquidâ solâque nube subministrari. Sed cui causæ assignanda sit ignobilis diligentia Philosophi viderint ;

illud certum est , æstiuo tempore aliquando tot minutissimos bufo-
 nes in humente terrâ conspici, qui,
 antequam solueretur nubes , om-
 ninò non erant , vt ex tactu illius,
 cùm depressa est , ortos necesse sit
 dicas , aut cum ipsâ cecidisse. Vbi
 hoc accidit , vix inter tot animal-
 cula , quibus scatet humus , inno-
 xium pedem moueris : ita enim fre-
 quentes circà te repunt , vt sub
 graui vestigio , ni caueas , plura
 simul conculcata intereant. Talis
 propemodùm est nostrorum coro-
 natorum ortus : è nube lapsos exi-
 stimes : nam & subito , & caterua-
 tim , vt solent cùm cœlum pluit,
 præcipientes guttæ, ex alto cadere vi-
 dentur , strepituque ingenti , hoc
 est, seruulorum etiam sine causâ ad
 amicos festinantium, iussis vocibus
 ita nouam dignitatem proclamant,
 vt ignorare non liceat.

Fateor, ait Ctesias, nobilissimum
 imbrem, fortunæ illius diligentiam

N iiij

superare , de quâ primùm sermo fuit. Sed si velis, ô Firmiane ! vanissimos homines, qui non à Rege dignitatem accipere , aut à maioribus (de his enim non loquimur) verùm ea sibi nomina imponunt, vt suprà ceteros nobiles fulgeant, exagitabo ; nescio quid enim in eam rem mota mens concipit, quòd à ratione non abhorrere & tu forsan lubens concedes.

Statuæ quas olim illustribus viris senatus decernebat, longè præstantiores habebantur omnibus illis quæ plurimo tamen are comparatæ , & dignitate artis nobiles , privatorum domos exornabant. Multùm enim interest, imago sit virtutis merces , & iudicum decreto publicè consecrata , vt sui conspectu torpentes animos ad ingentia facta prouocet , an intrà penates obscurè emineat , ineptæ cuiusdam gloriæ solamen , & inertis luxuriæ monumentum.

Suam effigiem procurare quilibet pecuniosus potest ; ad id enim inueniet mercenarios. Sed quid veræ laudis putas , suos vultus emisse ab artifice , qui ad arbitrium te tuum feruili manu finget , non dedignaturus quoque vel à rudiori sumere præcepta laboris , dummodo illâ assentatione , ac dolo , tumescat inane marsupium ? Idem de Cadmæis Marchionibus , Comitibus , & si quid aliud in genus est, iudicium esto. Multum distant à veris , solidisque fictitij illi tituli , quos iam sibi plures assumunt , non expectatâ regis gratiâ , ac necessario supremæ curiæ assensu , ad quam ritu gentis pertineret eiusmodi dignitatum recognitio.

Præclare aliquis , cum illos omnes qui Deo sunt accepti , deos nominauisset , quodd scilicet Numen suâ sanctitate imitentur , eique ita charitate adhæreant , vt vnus spiritus cum illo sint ; facta

etiam inanium Deorum mentione, quos sibi in varijs gentibus non vno genere insaniens superstitio posuerat, ita utrosque distinxit: quàm illi magni quos fecit Deus, tam isti nihil, quia ab homine facti sunt. Mihi multùm arridet in re propositâ subtilis distinctio. Quidam apud nos suis titulis insignes, instituyente Principe, opus Regis dici non immeritò possunt; Regia enim manu in id fastigium erecti, non inania præferunt nomina, neque sic donatis illustres titulos mortalium vllus disputauerit: quia quod statuit Princeps, id ratum est; siue placeat nondum meritos præmaturis honoribus insignire, ut sibi magis deuinciat, antequam deberi beneficia diuturno famulatu existiment, & ex dignitatis celeritate incitentur ad firmitus obsequium: siue gradus illos generoso labori, notæque fidei stirpibus conferat in præmium virtutis. Cæ-

teri quos sola amicorum assentatio , vel domestica vanitas creat, tam sunt nihil , quàm sunt aliquid, quos Regium diploma aut maiorum longa series in eam dignitatem asseruit.

Coronas vocamus circulos illos qui tanquam sydera ambirent, circà solem & lunam aliquando videntur , cùm vtriusque radijs nubes percussa in orbem discedit, finitque ea lumina nullo fulgoris detrimento , inter varios colores iridi simillimos, conspici. Sed vanæ sunt coronæ istæ , nec aliquid habent quo vel leuissimas auras inconcussæ ferant ; citò evanescent , caduntque , & totus ille aëris breuissimus labor , quasi pœnitendum opus fuerit, in lachrymas soluitur. Coronam æstimo, si solida est, non si tantùm appareat. Quid suprà capita nobilium istorum orbes quosdam honorarios , suis gemmis , &

cælato auro infignes miraris? ornamenta ista, spectra sunt dignitatis cuius alij rem habent. Multùm distat à corpore inanis figura, molem quâ caret præferens, licet ad vacuum spectaculum plurimi quoque mōueantur, illo qui nubem pro Deâ stultissime adamuit, Ixione stultiores.

O quàm ampla sapienti risus materia, inscio Rege ab amicis, aut à seruulis coronatus Marchio, qui quasi creuisset dignitate, statim vt voluit dici quod pridie non erat, grandiori incessu obambulat; sæuior cæteros nobiles despicit, & in alium hominem mutatum se propè autumans, recentem fortunam stupet, cui nihil accessit, præter syllabas.

Audiui ab ipso Hermiâ de quodam homine, qui cùm eo titulo dolens careret, hac arte votis positus est. Multo apparatu conuiuium instruxit, ad quod ex amicis

duo inuitati, qui cum viro agebant familiaris, dignitatis curam susceperant, vt à temulentis, inter pocula Marchio eâ die proclamaretur. Nondum ad secundas mensas ventum erat, cùm vnus, vti promiserat, pleno scypho homini libans, salutatoriæ potioni gratissimum quoque nomen addidit, expectabundi conuiuatoris ignotum maioribus. Annuente Bacco, dignitati protinùs assentiuntur omnes, & quod tumultu statuere, vino firmant.

Sublatis deinde epulis, pictor statim quæsitus est, qui currui adderet noui honoris insignia, quem officiosa amicorum turba optanti detulerat. Cùm postea vltimam manum suo operi admouisset pictor, & rheda repetitis per ambitû coronis micaret, iussus est auriga, currui ita præparato equos iungere; vt circumductus per vrbe recens Marchio non lateret diutius.

Ineptissimæ vanitatis multæ, vt opinor, causæ sunt. Iamdiu est quodd molestissima Regnorum negotia, & dissidendi cum finitimis fatalis quædam necessitas bella fouent: vrbes intereà cœpimus multas, sed & amissimus; neque vquam sincerè felix fuit nostra Gallia, vt ex vario armorum successu, triumphisque ab atrato exercitu, post commilitonum funera, sæpiùs actis, disceret, Marti tot ærumnis famoso, pacem iure præferri. In illis motibus viri nobiles copijs præficiuntur; acrior enim est ingenuis gloriæ cupido, & indoles bello aptior suâ audaciâ animos sufficit, vbi iam trepido exercitu, miles exemplo firmandus est.

Experientiâ quoque compertum, quando extra pericula cohortes otiosæ in suis præsidijs hyemant, rariùs sub viro nobili disciplinam solui, quàm si ab aliquo regerentur, qui suprâ cæteros non emineret o-

pinione natalium. Illud enim decus ingentis momenti est, ut à gregariis militibus priùs penè naturâ quàm officio præfecti distinguantur, & penès illos sit imperium quia illud sunt editi. Ita fit, ut obsequium præstetur lubentiùs, & ex solâ quandoque ducum contemplatione contineatur miles, suo & armorum genio facillimè indolescent, prædamque ex ciuibus suis agere solitus, ubi spoliandos hostes pax non obtulit, neque obstat, in ipsâ quiete facinorosis, suorum tribunorum reuerentia. Hoc cum non nesciant viri nobiles qui Regijs cohortibus præsumt, præclarissimos titulos sibi imponunt quos stupeat militum vulgus; & ita apud ignaros claritate generis auctâ, etiam animos excelsiores fidentiùs præferunt, audaciùsque minantur, & in ordinem contumaces quosque cogunt, postquam

talis existimatio timori praelu-
sit, ducesque secrevit à cate-
ris.

Nec de præcipuis loquor qui le-
gionibus totis imperant; suos enim
illi titulos ferè semper gentiles
habent, & notis stirpibus incl-
ti, adscititio honore non indi-
gent ad maiorem suorum iussorum
obseruantiam. De illis ago, qui mo-
dicam partem exercitus sub ma-
iori imperio regunt, habentque &
ipsi plurimos quibus obtempe-
rent. Mirum est quot iam inter istos
solo nomine Marchiones inuenias;
ad Centuriones peruenit non ra-
rò dignitas ista; & penè sufficit ad
titulum, non censerì cum milite.
Ne verò existima, vt domum re-
diere isti nobiles, futile nomen de-
poni; constantissimè seruatur, non
ab eo tantùm qui occupauit, sed
à familiâ, vt inanis splendor
vel antiquissimæ stirpis, vel re-
cens prouectæ credatur iustis-
simum

simum patrimonium.

Alij vt futuras vxores fascinent, Marchiones, Comites fiunt. Ambitiosior enim viro est mulier: & plurimæ nuptias ex titulo æstimant, facillimè propitiæ, nec de opibus multum quæsituræ, si coronam ostenderis.

Non pauci, vt iam adeptas coniuges placent, in eam dignitatem se afferunt. Illæ enim se inter nobiles matronas despici perpetuò queruntur, quòd illo nomine insignes non sunt, cui locus honoratior ex more conceditur: sibi dari sellas humiliores: posse, si maritus annuat, illud opprobrium amoueri: denique, se infelicem vitam ducturas, nisi alijs æquentur, quarum superbiam ferre non possunt. Ergo ne morosam vxorem habeat maritus, & suis laribus grauem, Marchio formandus est, sæpe licet impar fortuna, nec huic gradui sufficiens, non parum vexan-

da sit. Nam quomodo, nisi patrimoni, & miserrimæ prolis iacturâ, æqua supellex comparabitur? Ne mireris, si sæpiùs in stanno tot cælatas coronas conspexeris, quæ argento decentiùs exciperentur: si elapsis huius gloriæ primis mensibus, res familiaris claudicat: si equi vel pauciores, vel macilentiores, iam leuiorem ex dominorum tenuitate currum trahunt: si rarior seruus in egente domo strepit: si fames nisi inuocato creditore non expellitur, qui ut expectauit aliquantulum, fit ex amico acerrimus hostis, neque finit absque pauore fortunæ reliquiis frui, tranquillisque suspiriis breuissimi luxus tumorem expiare.

Ita loquebatur Ctesias, & hominem maximè incitabat timor, ne vnus amicorum qui ab anno hanc dignitatem assumpserat, in fabulam veniret. Iam enim quærebat fœneratores, & aliquot agri

iugeris diminutum rus, videbatur, molestiorem fortunam prænuntiare. Iam serui pannosis vestibus dubium fecerant negligentiane domini, an egestate sorderent; Iam breuior mensa pauciores conuiuas accipiebat: & ex fumo, non plus aliunde aduentans, quàm vicina nobilitas admonebatur, raros hospites in eâ familia expectari. Qui semel venisset lautè satis excipiebatur: qui iterum neglectiori cibo discebat quid peccasset repetita urbanitas: qui tertid, aut absentem dominum habebat, aut tristem; & vxor, quasi ægrotaret illo die, nec fas esset ad officia egredi, per ancillas honestissimè excusans, manebat in lectulo. Ea & mihi nota erant, rhedamque serico insignem & auro, sæpiùs fractam dici, & in dies fabrum carrucarium expectare qui reficeret, cum equi deficerent. In eam vanitatem, cum cessasset loqui Ctesias, ipsâ ambu-

latione non magis quàm prolixo sermone fatigatus, vbi se primùm opportuna sedes obtulit, ad crepidinem fluminis sic ego quietior.

Vera retulisti, Ctesia, nulli certiori itinere ad egestatem festinant, quàm isti qui breuibus vlnis maiore se dignitatem amplexantur. Politicæ calliditatis egregium facinus adducam nostro argumento conueniens. Campaniam, Italiæ fertilissimam regionem, plurimi Reges obtinuerunt; verùm nulli sagaciùs Austriacis apud eam gentem imperare. Scis, ex opulento otio, vbi in sui tedium venit, illos plerùmque turbines deriuari quibus excutitur regij culminis reuerentia populique felicitas. Statim vt fortunam puduit suæ quietis, creditque se timeri, & viam patere ad fortia, intumescit, & ad suarum opum conspectum, non fastidit modò leges, sed audacissimâ quæstione versat, an iustè imperent qui

statuere. Alchymiaë pessimum genus, si ex auro ferrum fiat; quod accidisse tamen certum est, quoties rebellante ciue, qui facultatibus suis multum apud plebem poterat, opes in arma versæ sunt. Multi tum in illo regno viri nobiles erant, non paterno magis nomine, quàm diuitiis clari, cùm potestas Austriaca eâ Regione suam ditionem auxit, ad inuidiam orbis, multorumque Principum metum, iam latè diffusam. Timebatur ista nobilitas, aliquid certissimè ausura, nisi inopiâ frangerentur ingentes animi, & defectionis genius, in quem proni erant, aliquâ arte cogeretur ad obsequium. Mira Principum versutia: quotquot inolescere poterant; ita potestatem amisere, vt se exarmari nescirent: officiosè omnes afflicti sunt: quâ ratione putas? dignitatibus.

Dum singuli quasi beneuolo Re-

ge in altiore gradum assumuntur, prodigendi opes ciuilis quædam necessitas subit, pristiniq; status pudor, ne si facultatibus parcerent, & modesto seruatorum comitatu inferiorum plerisque fortunis paterentur se æquari, concessio splendore indigni haberentur. Ita generosis equis, cursoriis, venatoribus, sarcinariis quoque qui mobilem supellectilem circumferrent, stabula impleta sunt: ita in auratos currus, in pretiosissima aulæa, in pueros honorarios, in vxorum gemmas tota belli formido conuersa est. Haud multò post, nobilium istorum illustrissima egestas oculatioribus secretum Principis aperuit; exhaustisque opibus soli apud illas familias tituli remanserunt, à quibus nihil Princeps formidaret.

Patentiori consilio Cyrus Lydas, Xerxes Babylonios in ordinem coegit, cum vterque, exarmatis,

etiam tibiās, scorta, cauponas imperavit, ut in illud vitæ genus opes confluerent, & quod restabat animorum, ad instaurandas defectiōnes, otio & voluptate flaccesceret; delicati conflictus ars est, opprimere hostem deliciis, & Politici regiminis vtilissima fraus, subigere dignitatibus. Timendum munus, claritas, si confertur in exitium, si ad eos te sumptus adigit qui familiam diripiant, breui simillimam arboribus, quas nimia fertilitas exhaustit, ut vno conatu ederent quod in plures annos mortalibus vtiliter dispensatur.

Expectas ut ad imaginarios Marchiones reuertar? Quod in Italiâ calliditate Principum gestum est, hoc apud nos, non Rege auctoritate, sed quorundam nobilium insaniâ, quotidie geritur; suis enim titulis pereunt, non secus, ac ille senator qui olim multâ pecuniâ

dignitatem adeptus, rei familiaris inopiâ ita deinceps laboravit, ut publicè diceretur spoliatum fortunis hominem in senatum relegatum fuisse, ne bonâ satis stirpe genitus in sordido exilio consenesceret.

Ex hoc mihi præcipuè misera videtur istorum nobilium paupertas, quòd calamitosos iubet sub felicitatis larvâ imprudentissimi fastus pœnitentiam agere. Nunquam nisi secreti gemunt; & licet ad summam suarum rerum angustiam adducti, emergendi spem omnem amiserint, fingunt tamen fortunatiorum gaudia; quemadmodùm illi dæmones, qui non rarò ridere in obsessis corporibus videntur, cum nihilominus suâ illos pœnæ maneant, nec miseris à vindice Deo concedatur, vel levi quiete suos cruciatus intercalare.

Et illud quoque durum est, quòd nobiles istos ex merito vexari quisque

que existimat. Sicut enim voluptuosorum morbi , qui ab aliquo vitio ortum habent , miserationem non faciunt , ita qui ex luxu eger, suo dignus malo putatur , cùm ad illud sponte venerit.

Quàm fatuum suprà id quod cuique conuenit, velle extolli! Aliquæ statuæ ita factæ sunt, vt si ponas in sublimi, totum artificium pereat, aut omninò oculos effugiant ; ingentium operum est, ea altitudo, ad quam cùm illa peruenerint, ostendent se decentiùs. Ineptum quoque te erigi, si in eo statu malè tibi est ; si quisquis te conspexerit, superbiam damnat , quòd locum scilicet concupisti vnde aut non videare, aut turpiter notus fias.

Sed hæc fortè, ais, singularia sunt, neque Regni multùm interest, si nobiles aliqui non concessis titulis intumescant? Magnâ certè virtutis iniuriâ per omnes provincias hæc iam serpit ambitio.

Olim ad incitanda hominum studia fortibus viris coronæ dabantur, & licet frondeę essent, nec vlla arte spectabiles, illarum tamen diu pretium fuit, donec in vilissimos vsus delapsas erubuit virtus, & mutato mortalium sensu, quantum prioribus sæculis honori fuerant, tantum apud posteros contemptæ sunt. Ab Olympiis ad popinas transiere: quilibet ebrius suâ redimitus cernebatur; vt vina, sic & mancipia coronata sunt. Quid vir fortis ambiat potantium ornamenta, & seruitiorum notas?

Multum certè interest ne illi tituli, de quibus loquimur, ad indignos perueniant, nec ita cõmunes, sint vt illos excelsus animus despiciat, qui nisi insolitis, arduisque honoribus non excitatur. Militaris prudentiæ, eximiæ fidelitatis, laborum aut periculorum quæ tandem merces erit, si qui nihil vnquam præclarum ausi sunt, vel ab exerci-

tu festinantiùs rediere quàm accesserant , vt ignobili otio securiorem vitam ducerent , illâ imagine dignitatis conspicui sint ; quæ si rarior , nec facilè occupanda , emeritæ senectutis , & per varia vitæ discrimina Regi notæ , non indignum præmium æstimaretur ?

Tandiù non viluit in plurimis gentibus Equitum torquatorum ordo , quamdiù labor virtutis fuit illum honorem assequi , nec nisi ex præcipuis stirpibus admissi sunt. Ex quo vulgaris propemodùm effecta est illa dignitas , contemptissimi gradus nemo tulit in collo , aut veste , insignia , quæ olim prima nobilitas ambitiosè ostenderat.

Quis iam ad fortia conferat animum ? quis adeat pericula ? quis suis sumptibus volens militet , vt eo titulo honestetur , quem nunc habet quicunque vult ? Equidem miror ea confusione res apud nos agi , vt Regis officium quisque suscipiat,

cuius est illos honores creare. Nam
ut primus qui in nube ab aduerso
sole formatus est arcus, alios etiam
se obscuriores, minoresque, quasi
solem æmuletur, & ipse suo con-
spectu sæpius pingit, si ad iteratas
imagines aptam nubem inueniat;
Ita corona Principis, quæ authore
Deo eminentissimè fulget, inferio-
res coronas ubi vult facit; nec alia
datur in Regno potestas quæ præ-
miandę virtuti illos cõflet ornatus.

Nemo se præsidem vocat, nisi qui
præses à Rege creatus est, neque
vnquam dixerit aliquis, causidicum
suę togę priuilegio in illum gra-
dum, neglectâ maiestatis authorita-
te, posse conscendere, aut solo dun-
taxat titulo frui, quo germanus
splendor, & timenda reis potestas
significatur. Quid stultius quoque,
quàm si credat ex vulgari nobilita-
te aliquis, sibi licere, ob id solùm
quia nobilis est, ad arbitrium sume-
re dignitatum nomina, quæ apud

elevationes contemptum, apud æquales odium, & invidiâ generent?

Ab his ad alia quædam quæ proximè accedebant, sermo sponte delapsus est. Apud Latinos vocabula non habemus quæ plerisque gallicis locutionibus omninò respondeant. Aliquis domicellas appellauere quæ rectius à peritis Mitellatæ dictæ sunt, ab illo capitis ornamento quo generis nobilitas, nisi vsum licentia corruerit, non obscurè ostenditur. Illud nomen, olim clarissimū, iam apud Matronas prorsus viluit. Mirum est, quantā superbiâ dominæ majores vocitantur & suos titulos inflant, ne viris videantur modestiores, & in eo sexu timidior appareat immeriti honoris vsurpatio. Cadmæas etiam Archidominas habemus, inquam, ô Ctesia, quæ ex simpliciter mitellatis, statim vt placuit, erupere.

Subrisit ad hæc verba Ctesias; sed parum est, ait, grandius nomen

accepisse quàm quod cuique stirpi conueniat , neque modum superet. Maioribus lædor, ô Firmiane ! nec enim ferre possum tot matronas in auratis thalamis tanquam in templis , vt idola quædam conspici. Et ne existimes me in illam vanitatem plus iusto excandescere , aliquid dicam quo me fatearis de illâ re loquutum frigidius.

Diues , sed priuatæ fortis mulier (vt scias me de fœminis Principibus non loqui) cubiculum sibi construi curauit vndique auro fulgens, credo vt pretiosius dormiat, & suarum opum spectaculo eorum oculos perstringat qui ad illam accessuri sunt. Non æquatâ planitie superbum conclaue extenditur , eâ enim parte paulum assurgit quâ lectum posuere, sub arcuato, & quod longè cætera suo pretio superat, laqueari, ita recedentem vt te in alterâ cellâ esse existimes, si interponatur ianua quâ negari possit accessus , lumen

que illa pars, quæ ad capiendos somnos destinata est, per suas etiam fenestras accipiat. In eo loco mulier iam alto sole, & sumpto de more iusculo, decumbebat, iterato sopore, adipem suum multâ charitate fouens: cùm rusticus, cui literæ ad illam perferendæ traditæ erant, adfuit, ianitori domus eos codicillos ostendens, rogansque, ex domini sui præcepto, ut ipse qui tulerat, dominæ daret. Expectare per duas circiter horas iussus, donec illa sponte euigilans ancillarum vnam vocaret (nam dormientem excitare nemo audebat) tandem ex dominæ licentiâ conscendit cum seruulo. Superatis gradibus, ut primum aulæ conspexit in ampliori cubiculo quâ necessariius ad interiora transitus erat, dubitavit rusticus an ultra procederet: sed qui eum comitabatur, hortatus est, timorem deponeret; ad humanissimam dominam iri; nec aliquid in eâ domo esse quod timeri mereretur.

Certiori ergo vestigio , stupens licet, incedebat rusticus : sed vt auratum conclaue , in quo recumbebat mulier, ingressus est, nihil nisi diuinum cogitans , illicò facellum pertauit, & in genua prouolutus, grandioribus oculis, incertisque, quid magis, quid priùs mirarentur , omnia lustrans, Deum orabat. Verùm cito dominæ risu, seruique monentis cubiculum illud esse, non templum, à pietate reuocatus est, suosq; codicillos protendenti manū mulieri , vt imperatum fuerat , dedit.

Dum legit illa, vir agrestis ex stupore ad voluptatem sensim transierat , & obiectis familiarius fruebatur, interdumque inurbanè reflexis ceruicibus respiciebat quæ à tergo posita erant, ne aliquid prætermitteret, non ausus omninò auerti à muliere , cuius expectabat imperium. Perlectis codicillis, nō priùs hominem dimisit, quàm ab eo per jocum quæsuisset, aliquidne simile habe-

ret rus suum, & quid in mentem venerat, cùm primùm tanto auri fulgore percussus est? Ecclesiam credidi, domina, inquit ille; te autem quandã effigiem quæ religionis ergô in isto penetrali, inter tot opes, & holoserica, locata erat, vt ab intrantibus venerationem acciperet; sed excussus error, statim vt ex risu, motuq; corporis, quo nostræ carent imagines, agnoui te viuere. Potuitne illa sine pudore audire à rustico, quanto excessu ornaretur domus, quæ Deo digna habebatur, & crassissimæ simplicitati tam altas cogitationes infuderat?

Graue licet aurum, ad summos tamen parietes peruenit, ligna celat, & nouo vanitatis genere, metalla matronis quæsitæ sunt, vt superbè iaceant. O sæculum in illis ædibus aureum verè! sed & ferreum, vbi-
cunque egenus patitur, vidua luget, pupilli dirâ fame enecti desperant, vt radios ex illorum squalore sibi

superbia comparet ; & tot infelicissimi , tanquam ad fodinas damnati , tantas opes tantis laboribus eruunt , vt diuitum laquearia , non in cœli modum sparsis hinc inde syderibus , sed æquali per omnia claritate splendeant ; & mulier , *Amicta sole* , sic enim & aurum vocatur , dici possit duxisse suam noctem !

Quàm probrosum Regno , aliquid exteris posse ostendi augustius in priuatâ domo , quàm quod in Regiâ conspexerint ; & ita ciuē insolescere , vt supra Principem suum , in auratâ sede fulgeat ! Quid interest Thronus , an thalamus vocetur ? Maiestas est . Tolle nomen cui ex pudore par-citur (neque etiam vsurpari sineret potestas) quot matronæ auro circumseptę micant ; tot reginę volunt videri . Sed proh pudor ! Aliquas inueniri quæ officinas adhuc suas spirant , adeoque nihil ingenuum habent , vt si ad aulam accedant , in alterum orbem eas venisse existimes :

Multùm enim distat à maritorum
fortunis, subtilitas aulica.

Non benè auro velatur natalium
labes, istâ se magis luce prodit, &
inter tot ingentia, paruitatem
suam turpius reteggit stirps ignobi-
lis, vti felis ille Ægyptiorum, qui
pro Deo stolidissimè habitus, de-
formior in suo cultu videbatur,
quàm cum absque ornamentis to-
tum se, totum selem ostenderat.

Adeo omnem modum excessit
priuatorum luxus, vt benè sit tem-
plis, si altaria, diuitum fumaria æ-
quent; si vasa quibus propinatur
Christi sanguis, ad illorum pretium
accedant, quæ sibi in contumeliam
parauit istarum pecuniosarum va-
nitas; vt non sine fastu egerant,
quod natura verecundè emittere,
non docuit tantùm; sed impe-
rauit. Non satis est dapes argen-
to excipi, excipiatur & stercus:
Sordidiora quæque honorem suum
habeant, & quàm reuerenter

præstari debeant officia, ancillarum nares diues fœtor admoneat. Quantis opibus, putas, collum, brachia, articulos onerabit illa mulier, cui argenteæ latrinę subjiuntur, & matulæ seruiunt quarum pretio plures captiui redimi facillimè possent, leuarique ingens egenorum turba, si quod excrementis, membris Domini concederet mulier Christiana, & pauper, in quo Deus ipse toties egere se dicit, suâ dignior vrinâ haberetur.

Vis audire priuati huius fastus, immane ausum? referam. Pretiosissimas gemmas mercator quidam venales habebat, quarum fama mulierum verbosâ admiratione citò peruenit ad Regiam. Ingentiores, nitidioresque nemo vnquam viderat. Cui rectiùs vsui inseruirent insoletens ostendebat cùm magnitudo, tùm decor, coronam postulabant. Cùm ad Reginę conspectum vocatus mercator eas ex pyxide

eduxisset, interrogatus quid venderet, ea dixit quæ Reginam frigidissimam efficerent. Pretio conterritæ satis fuit, exquisitissimum illud naturæ opus spectare; mirari. Tanto enim auro, inquiebat, inuidiosas gemmas emere non placet, ex quibus deinde dicatur, me in vno torque provinciarum spolia complecti, ornarique ciuium malis. Non quodcumque pulchrum, est, Reginam decet; Est & Principū modestia; & in laudibus habetur, sæpè nolle quod possumus. Illud ipsum quod gemmas remiserat Regina, ad illarum ampliorem famam contulit; & quod stupeas, pecuniosissimæ mulieris, verum ignobili stirpe editæ adeò vanitatem accendit, vt profuso auro emeret quod ex modestiâ soluere Regina timuerat. Quis non iure irascatur quæstoris nescio cuius uxorem eos concupiuisse ornatus, & publice gestasse, quos Regia

maiestas vt nimios erubuit ?

Quàm superbè gemmis potita est mulier, quàm se putauit de principe suâ triumphum egisse, vbi illas tumentis collo circumductas conspexit in speculo ! Quàm despexit modestissimæ Reginæ timidas opes, sibi quàm sæpè gratulata quòd optanti tot nummorum nugas, facilius arca concesserat.

Nunquam rubet Chamæleon, qui cæteris coloribus obnoxius est, licet purpuram illi obijcias, & mulieres aliquas inueniri magis miror, quæ hoc animali omnino mutabiliore, ad sua tamen ornamenta, non erubescunt : vnde ortum ducant, quis antequam ditesceret, maritus fuerit, non meminere ; ad fastum sufficit, quòd aureæ sunt, & Mydæ digitos habent, vt quodcumque tetigerint, flauescant. Silente mox Ctesia, sic ego :

Singularis modestiæ verbū, quod mihi à nobilissimo viro aliquan-

do dictum est, ita hæret memoriæ
vt nunquam elabatur. Diues erat,
iuuenis erat, coniugatus erat; sed
nec opes inflauerant, nec corrupe-
rat ætas, nec illum vxor à studio
pietatis auerterat, quæ in eo ad il-
lud fastigium creuit vt iure digna
haberetur quam ipsi solitarij sus-
picerent. Nomenclatore non est
opus, vt quis fuerit ille vir, no-
ueris; cui enim alteri quàm Ren-
tio concessum est, tot simul bonis
frui, eâque morum sanctitate bre-
ues annos duxisse, quæ omnibus
nota, & maximè egenis, etiam post
obitum vt notior fieret, Typogra-
phos occupauit. In ea vrbis regio-
ne habitabat, vbi tum ego. Cùm
autem inuisendi hominis gratiâ ad
illius ædes me contulissem, nihil
in illis vidi quod damnaret vir mo-
deratus & sapiens: Domini tamen
sui stirpe dignæ erant, & fons
imagine Saluatoris conspicuus,
ne quid in eâ domo prophanum

conspiceretur , suas in subiectum aluenum aquas , etiam religiose videbatur effundere. Inter multa quæ de rebus pietatis mutuo dicebantur , excidit mihi vt illud ædificium laudarem. Scis quid responderit ? non semel, inquit , erubui me ita decenter habitare ; sum enim Christianus. O vocem verè dignam quam nulla deleat obliuio ! ô ingentes, etiam cum iacere voluerunt, spiritus ! Quis excelsissimam abiectionem non laudet, non suspiciat, quæ splendida quæque ita calcavit, vt indignam se crederet ?

Domum illam nullum aurum exornabat ; non iuncta ad gratissimum errorem specula, vt alia cubicula redderent , totos parietes contexerant : non chrystallo solare lumen admitebatur, ne per vitrum, vilesceret : non destinata musicis erat sedes sua : non hyberna, non æstiuatriclinia habebant illæ ædes : Peccatum, si quod fuit, sectus

Etus lapis, paucaque per ambitum
 òrnamēta; & tamen à viro nobi-
 lissimo dictum est: Pudet me habe-
 re; sum enim Christianus.

Eant nunc illæ mulieres, illi viri,
 quibus sua domus vilis est, nisi auro
 fulguret; & tamen haberi Chri-
 stiani volunt, cùm ita habitent; ha-
 beri Pij, quasi superbia non sit sub
 auro degere, & iacenti in tot tem-
 plis, in tot pauperibus Christo egre-
 gios adoratores suum fœnum reli-
 quisse.

Sed de istis satis: si me vnquam
 ad scribendum applicuero, quid-
 quid tu, quidquid ego in hanc ma-
 teriam diximus, prælo dabo: In-
 terest enim vt aliquis ineptissimis
 titulis, luxuique non ferendo libe-
 riùs insultet.



AMPHITHEATRVM

GALLICVM.

QVARTVM SOMNIVM.

OMnia hîc mixta : vita ipsa contrariis constat : Vix aliqua sincera voluptas est. Regio exercitu depulsis felicissimè hostibus, qui numero & ducum suorum solertiâ fîsi præclarissimam urbem Atrebatum, olim suam, obsidione premebant, vt infelicium armorum pudorem, successu meliore æquior fortuna dilueret, statim ad nos peruenerat fama victoriæ ; sed illo gaudio impermistè frui non tulit humana fors : In eâ quippè dimicatione perierat egregius iuuenis

nobis charissimus de quo multum sperare æquum erat, si nobilissimæ indoli licuisset, concessio diuturnioris vitæ vfu, in ea se extendere ad quæ nata videbatur. Patri senectute & plurimis dudum morbis confecto vnicus erat, nec restabat languenti, lugenti-que aliud solatium quo graues annos, & acerbiores his orbitatem subleuaret. Inde nobis occasio bella deuouendi, quibus tot funera maturantur; tot interdum exhauriuntur familiæ illustres, magno cum priuati, tum publici boni damno, & vrbibus ipsis infertur aliquando maior vastitas, quàm si maligno fidere inuecta pestis domos omnes peruasisset.

Nullus in bellorum insaniam acerbior fuit Ismenâ: sed Hermias, putas autem, inquit, Ismena, si dissidentia Principum studijs regna mutuâ pace coalescerent, protinus sanguinem sisti? furor is est,

Q ij

quem publica fœdera , scriptæque in ære ad stabiliorem fidem concordiae leges, compescere non possint. Feruet Gallicæ iuuentutis sanguis, suis concludi venis non patitur; & si à publico hoste vulnus non instat , quæruntur in ipsâ patriâ qui frigido odio , & sæpè nec læsi, manus suas cruentare non abnuant.

Hanc mihi in somnis vltimâ nocte insaniam adumbrabat nescio quod Amphitheatrum. Ingens erat, nullusque ad ianuam adhibitus custos qui intrantes prohiberet. Medium tenebat in altissimâ basi, gloriæ, vt videbatur, simulachrum , redimitum caput lauro, sed sordidâ, quam Mars æquior , & triumphalis virtus meritò erubesceret. Ante statuam magna gladiatorum strages; & qui spontanei certaminis lætior successus fuerat, hoc tantùm dabatur in audaciæ præmium , vt esset Idolo proximior. Ineptam felicitatem stupebant

alij; & dum functis tumulum negat delapsa cœlo vox, caueturque ne honestiores reliquias polluat damnatus cinis, superstitem nullus fit Deo aut sibi religiosior: Impetus manet, nec furorem istum apud ingenuos, famæque auidos, cohibet sordidum funus.

Vt siluit Hermias, cæteri expectabant quis primus in ferocissimam vésaniam loqueretur: neque enim somnium indigebat interprete; sed dum sibi inuicem ex nimia reuerentiâ prolixum honorem deferunt, adolescens quidam Victor nomine, qui recens ab eiusmodi pugnâ venerat, postulauit vt sibi liceret, antequam damnaretur, suâ causam agere. Et mox facultate impetratâ, vt se breui silentio collegit, ita exorsus est. Nemo omni ex parte innocens viuit; quilibet status suas syrtes, sua pericula habet, in quæ necesse est incurras, si ad illum accesseris; puto, vt

Quij

dum omnes ex diuersâ viuendi ratione variè labuntur, quisque alieni casus humanior iudex fiat, neque plus iusto succenseat his qui contagione suæ sortis à recto quandoque aberrant, quòd non omninò ad virtutis normam suos mores composuere.

Quæstores qui Regiæ gazæ præficiuntur, cupiditas allicit; & quanti sunt qui ex tactu non diteſcant? aurum istud, quacumque fluat, canali suo ex parte adhæret, & dum ad principem per tot ministrorum manus properat, prolixæ viæ, ipsâ sui iacturâ, pretium soluit.

Iudices plerumque reos facit, quæ maximè in cæteris commendatur, vrbanitas; quia dum placere honestioribus viris student, æquitatis sedem inuadit teterrimus legum hostis fauor, & calcatur ius, quod integritate muneris, & immotâ iudicum seueritate seruari

debuerat. Pericula ista virtutis procul à nobis sunt, qui aliud vitæ genus instituimus; sed aliud instat, honor, & apud viros militares recepta lex, vt qui iniuriam accepit, ferro vindicet. Fateor, mos is ex opinione est, nec absque furoris imagine in illum consentit obnoxia nobilitas; sed quid agat? ex propriæ stirpis genio, ipsaque etiam parentum educatione acris est, neque à puero aliquid tenaciùs memoriæ adhæsit quàm illud, apud nobiles nullam læsæ honoris nisi turpiter patientiam dari. Cùm autem inde frequenter apud nos odia exurgant, nec facile ab ipsis Iudicibus soluendæ lites (nam quis illorum properat si ex tarditate aliquid speratur emolumenti) quid mirum, si purgandis controuersijs adhibeatur ensis, & in lentissimi tribunalis officium sæpiissimè succedat ex præscripto honoris, partiumque con-

sensu , breue certamen.

Sed vita neci obijcitur, inquires: leuioris pretij res est vita; quàm honor, & vbi de vtriusque periculo agitur, malim ego illam in discrimine esse, quàm hunc vel leuiter periclitari. Quid verò interest, morbo, an ense soluar? Quod pugna penè non sensuro dabit, hoc a naturâ prolixè timuissim, interitum. Memento cadam, quem infinitis forsitan doloribus illa seruabat, si offensæ patiens, ad canos vsque perduxissem meam ætatem, vt annos lucrer, honorem abijciam? Non tanti emo longum dedecus, nec vnius certaminis fugâ claritatem illam subtrahi patiar, quam mihi maiores suâ audaciâ, suis periculis comparauer. Quod de pugnæ necessitate censeo, hoc me docuerunt antecessores mei.

At in pietatem pugnat hæreditarius error? vetustissimæ opinionis

nis successorem esse me non abnuo, opum successor, neque pudet à nobilissimâ propagine illud vitium traxisse, quod nisi habeam, deerit quoque apud æquales meos nomen virtutis; timido nimirumque vitæ suæ studio quisque insultabit, in fabulam vertar, & aut solus domi hærebo, quod molestissimæ vitæ genus est, aut pessimè cum cæteris agam, illorum excepturus iniurias, quoties placebit patientissimum militem infestare ludibrijs.

Cæterum, stupor ille animi ad indigna haud excarescentis, non famæ solius; sed fortunæ quoque certissima est iactura. Nam statim ac de vindictâ nemo timet, ad offensam ita quilibet pronus est, ut ex leuissimâ causâ plurimi hostes emergant, tuum patrimonium aut malignis artibus, aut sæpè etiâ non obscurâ vi eò audaciùs petitori, quò te nouerint eiusmodi bono-

rum insultationes ferre remissiùs. Bubonum instar , cæteras aues, quasi factò agmine , in te infilire statim videbis , nec multò pòst , infelicissimum nimix patientix lugebis spectaculum , pennis destitutus lugebis sortem tuam. Vt in florum custodiam quædam arbores spinas generant , quibus rapax manus læditur , quæ ad decerpandos non sapienter festinat , & coloribus intenta non aduertit periculum suum ; ita generosa Nobilitas , tuendis opibus , sapienter enseni adhibet , ideóque minatur , & ferit , quia mollem insectatur malè litigantium cupiditas , & arma meliùs in auxilium veniunt quàm ius ipsum , quod exhaustis solummodò subsidium præstat , & nimio emendum est.

Vultis vltrà ostendam quantum fortunæ noceat nimia illa nobilium in perferendis iniurijs.

bonitas ? Citò totâ regione spargitur , & vt primùm ad aulam peruenit ignauæ patientiæ fama , in prouerbium ita cedis , vt te cauillari non magis sit iocus , quam honos , dum quisque stolidam virtutem damnando , quâ notus es , suos profitetur animos , eoque tibi fit frequentibus facetijs acerbior , quò plus metuit tecum cenferi , si cachinno absteineat. Quomodo deinde promoueat suam fortunam ille ~~vir~~ vir , cuius circâ maiestatem tot repetitis salibus , fama proscripita est ? Ipso Principe iudice dignus putatur qui rus suum colat ; qui longè à publicis armis securitati suæ vacet ; cùm ad fulciendum generis sui decus , amouendamque contumeliam , priuata non sumpserit. Nam licet Principes edicto cauere videantur , ne singulari certamine nobilitas pereat , quæ ad

iustiora pericula , in patriæ vsus seruanda est , ipsi tamen , risu , contemptuque hominum illorum qui ex maiestatis reuerentiâ stringere ensen non sunt ausi , rescindunt quodcumque statuere ; nec illud creditur seriò prohibuisse Rex , quod aut silentio præterit , aut etiam præconijs ornat , quoties de aliquo refertur qui prior duellum obtulit hosti , vel accepit prouocatus.

Verùm si & de crimine agitur , quàm leue sit , ipsa Principum humanitas in concedendis gratijs non obscurè insinuat. In pugnam descendat aliquis , conficiat hostem ; de indulgentiâ certus aliquantulum latitat , quasi potestatem metueret tam faciliè placandam , quàm accensa est ; reum omnes laudant , tegunt , nullus iudex inquit.

Præterea vix aliquem ex viris nobilibus pium inuenies , qui vo-

eatus ad certamen hæreat , & de culpâ deliberet. Ab ipso altari ad ensem properare , adeò nouum non est , vt plerumque vel casu , vel etiam gloriâ , in pugna scilicet celebriorem famam , dies illi eligantur qui pietati sacri sunt. Credam ego inter atrociora scelera , vt vos Theologi iactatis , rectè censerî culpam illam , quam tot viri in templis frequentes , numinique ad dictissimi ineluctabilem prædicant , cuiusque toties sponte rei sunt , quoties honor cum lege diuinâ de authoritate litigat , cogitque generosos , ne abiectè pij habeantur , suisque indigni natalibus , ipsam abdicare innocentiam ? Nuper cum ad Christi morientis anniuersarium diem tota Ecclesia gèmeret , quidam Nobilis flexis genibus , pectore in humum demisso , nec sine gemitu , voluebat apud se domini sui mortem , non plus Iudæis quàm sibi indignatus , quòd toties

anteactæ vitæ erratis, hos cruciatus, hæc vulnera, Christo iam in cœlis regnante, redintegrasset; cùm subitò ignoti vultus nescio quis, pallio tractum submissè monuit, extrà vrbis muros expectari ab alio; qui petitus iniuriâ postulabat de vtriusque animis, & fortunæ felicitate ense decernere. Non excusauit Numini vir deuotus, quòd ad cædem festinaret; Illicò gemitus sedauit, quos diuino funeri dederat; & ne videretur coactus ire ad certamen, ori prælium citò annuente modicum etiam risum addidit, vt scias quàm libenter cùm iubet honor, & fama vel leuiter mutat, sacra res deferitur.

Quod optimi quique inter nōs agunt; hoc ego non faciam, & inuitantem amicum vt suo periculo miscëar, turpiter deferam scrupulosâ pietate? Tanto nobilium consensu mos hic firmatus est,

vt pondere legem ipsam non æqua-
uerit modò ; sed vicerit , & palàm
culpare audeat nemo , nisi qui se
ignobilem profitetur , aut in eum
ordinem adscitus est , cui non licet
à literatorum sensu discedere , ne-
que honoris subire pericula vnde
apud nos fama fit.

O quàm frustra , quàm indignè
nobiles erimus , si quoties eximen-
dus erit ensis , forenses viros , do-
ctores , & maximè solitarios qui ge-
neris claritudini non volitâ tan-
tùm ; sed professâ quoque obscuri-
tate renunciant , vocamus in con-
siliu. Quàm ludicra res , ad Theo-
logorum placita formatus miles ,
qui priusquam manum ensi admo-
ueat , trahit moras cum libris , vt
honoris præcepta , iræque ipsius &
vindictæ regulas ab illis percipiat.

Quid de exercitu sperauerit Rex ,
si ijs qui pugnaturi sunt , obtun-
ditur animus nimia patientiâ ? si
ferocitatem dediscere cogant edicta

Principum eos omnes qui nisi succenſi, & acres, nihil fortiter agunt quod hoſti noceat, neque minùs alienis vulneribus quàm ſuis parcere videntur, vbi collisæ acies viros petunt, à quibus abſint noxiſſimi tunc affectus, humanitas, & timor?

Duellū iſtud quod tantoperè conuitiamini, publici certaminis quaſi rudimentum eſt, quo ſtriſtos enſes ita videre, ita non timere aſſueſcimus, vt ad hoſtiles copias ſtemus impauidi, tunc cùm fulgentibus ſignis, tubiſque toto aëre præludentibus, nunciatur cadendum, aut vincendum. Nam quòd amorum magiſtri in ſuis domibus tirones formant quibuſdam præliorum ſimulachris, ad audaciam parum eſt: cùm illic enſes innoxij iſtum inferant, non vulnus, & niſi germanis periculis ad germana pericula non inſtituantur iuuenes, morſque ſæpè videnda ſit vt temnere eam diſcas.

Vt hæc dixit adolescens , in varios affectus abierunt qui aderant viri. A quibusdam laudabatur iuuenis quòd audacter, quòd non malè haud ferendi furoris patrociniũ suscepisset ; addebantque nobilissimi ingenij notas eò sermone deprehendi, vt sæpè ab noxiis stirpibus quæ profusissimæ surgunt, agnoscitur terræ genius, in vsus humanos facillimè vertendæ , si meliora semina accipiat.

Subridebant alij , quòd timidam doctorem , piorumque hominum prudentiam facetijs traduxisset , & in rationum locum quibus sua causa destituta erat , substituisset argutias. Ars certe (vbi æquum deficit) auxiliaris , & sæpè ipsâ ratione felicior ; nam vt iucundè ad animum perueniunt, neque sinunt illam voluptatem facile damnari quæ improbè placuit.

Cùm aliquandiũ nos ita tenuisset de illo discursu iudicium , vt

tamen adstantium nullus properaret refellere, indeque iuuenis confidentior videretur, tanquam suæ causæ actione eruditissimos viros in eas angustias compulisset; ut validis rationibus destituti, quibus monomachia damnaretur, mutos agerent; tandem sic ad illum Ismenas.

Meliùs, ô adolescens! fassus es ex furore esse ea nobilium certamina, quàm postea hanc insanix labem ab eiusmodi pugnis, non sat castigato sermone, remouere studuisti. Portentis illis persimilis videtur oratio tua, quibus sub capite humano ferina membra sunt: nam quod rationis primùm habere visa est, haud seruauit in progressu, turpiterque desciuit à seipsâ. Site concedente, genus quoddam amentix æquum est credere calorem illum, quo viri nobiles in vetitas dimicationes tam acerbè incitantur, certè tu rabiosi moris patronus; & quis te sapien-

tem dicat, qui amentes non excusas modò, aut tueris; sed etiam à te iustissimè damnatos, quasi iam optimæ sententiæ pœniteret, cum-
mulatis præconijs exornas?

Ais, ex nobilitatis genio furorem illum procreari: immo mancipiorum est, ita imperante more, in mutuas cædes ferri, & infando periculo sibi nomen quærere. In pulcherrimos impetus, cum ab hoste pulsatur felicitas publica, & in Regim tutelam instituta est nobilitas: putas ergo illâ inspirante fieri, quod fini illius tantoperè aduersatur, vt ex duello, mediâ in pace, plus præsidiorum amittant Regna Principes, quàm vel caderent manu hostili, si mixta Imperijs Imperia, in gentium perniciem rotis viribus agerent?

Nam quòd cæso exercitu, nobilium qui in eo cecidere, interitus latiori famâ spargitur, quàm eorum quos priuata arma conficiunt, inde

prouenit , quòd multa funera , si contingat in eamdem horam cadere , totamque vnus stragem locus accipit , animos nostros ampliori horrore ferit collectus cruor , totque stirpium simul ad suorum casus lugentium acerbissimi gemitus , non quòd maior sit iactura : cum vtique plures diuersis in locis perimat iniquissimus mos , & quam vna dies inter militares copias ostendit , paucissimi anni , non collatis certè signis , verùm damnabilior impetu , sæuitiam exhibeant.

Vides vt monomachia & nobilitatis instituta , ac leges omninò non conueniant? ad hoc enim , vt explicatiùs loquar , eximuntur à tributis aliqui , suisque titulis fulgent , vt ingentiores animos alant in patriæ laborantis , vt tu etiam dixisti , necessarium subsidium: sed patriæ negat mos perditus , quos ex leui iniuriâ neci obijcit , ac publicas vires sub ineptissimâ honoris imagine

conterit, tot sublatis nobilibus.

Fouet tamen hanc pestem infatuata nobilitas, ut vix absque eâ conspici ferat, arboribus illis non absimilibus quæ ut adhærentem muscum nutriant, proprio succo exhauriuntur, & noxia charitate perdant ramorum venustatem. Neque enim nobilitatis pars est ardor iste quo fertur in vetita certamina, sed vitium superueniens, quod si tollas, validior erit, ac pulchrior.

Verum, ais, à puero in hanc opinionem erudiri viros nobiles, nec honeste deponendum quod traditâ veluti lege, accepere à parentibus. Dic tû quoque, ô adolescens, seruandos esse morbos in maiorum reuerentiam, si, ut plerumque fit, hereditariâ tabe in posteros fluant, nec licere aduocare medicos, ut inditam stirpi valetudinem curent: Eadem enim est ratio; & sapienter non dixeris plus animi vitium,

quàm corporis imbecillitatem ex
successione debere existimari. Esto
hanc te auus, te pater insaniam
docuerit: dediscere errorem, pul-
chrum est: nec credo te in Sym-
machi sententiam iturum, qui Ro-
mam fieri Christianam ideò do-
lebat, quòd cultum alterum per
tot annos religiosè tenuerat, ac
inanissima numina olim venerati
essent qui illam condiderant.

Ingès planè tibi gloria, si te ab illo
furore absolueris, quo tui maiores
laborauere: si melioribus consiliis
incumbas, nec indignam nobilitate
existimes illam animi fortitudinē
quæ in temnendis iniuriis emicat:
tela non sentit: suos denique hostes
macerat, dum contemptu, aut ipsâ
inimici conatus dissimulantia illis
adimit, quæ maximè quærebat,ur,
nocendi voluptatem. Eâ arte ita-
iam plurimi duellum vitant, vt nō
sine ultione patientes sint: nam
quod ex animi præstatiâ vulnus nō

admisere procul dubio hostis accipit, & in iaculantem, si durum quid: nec penetrabile naſta eſt, ſagitta retorquetur.

Temnebat hæc omnia iuuenis, & motu capitis indicabat ſe in propoſito manſurum, niſi validioribus argumentis moueretur. Ad quem ita Iſmenas: te igitur mea philoſophia haud ſectit, ô adoleſcens? diſcedes obſtinatus? Cùm ille ſimpliciter diceret ſe de famâ fortunaque præcipuè ſollicitum, nec poſſe adduci vt probroſam, noxiamque ſuis facultatibus patientiam coleret, nouis viribus Iſmenas reluctantem adoleſcentis animum ita adortus eſt. Aliud omninò in te aduerto, ô iuuenis, quàm quod vno conſenſu ſapientes tradidere, nempe in ignota neminem ferri, neque priùs concipi amorem, quàm concipiendum aliqua lux oſtenderit: Ecce, famam ſectaris, ardeſ, cùm tamen ignores quid fama ſit.

De illa putote loqui, quæ claritas à philosophis dicta est, & id efficit, ut sideris instar luceat, quisquis illam est adeptus: audi quid eam definiant. Claritas est, inquiunt, bonorum virorum amica, & fauens opinio. O te deceptum qui optimam famam quam dare nisi boni viri nequeunt, à fatuis corruptisque morum, & opinionis prauitate hominibus expectas!

Tene ex duello æstimant qui verè sapiunt? qui iræ, cæterisque cupiditatibus modum posuere, qui consulto numine, agunt omnia, nihil furore aut impetu? qui in suos conciuēs benefici, parati sunt ferre potius, quàm inferre iniurias? Hos si habes laudatores, tua tibi constat claritas: istorum enim est dare radios qui splendidum hominem spectabilemque efficiunt. A tenebricosis dari tibi lumen autumas? falleris: suâ te nocte vestiunt quicumque ex cæcâ audacia,

cia, & iniquo certamine commendant.

A malis laudari, probrum existimauere veteres: stat adhuc Platonis epitaphium quo prohibetur eiusmodi de illo Panegyricus; ne si contingat à prauis optimum virum celebrari, fama ipsius contaminato præconio laboret. Et credis perditissimorum hominum suffragio posse te in egregium nomen assurgere, cum extolli ab illis, etiam dum præstantissimas virtutes commemorant, propemodum sit meriti ipsius contumelia?

Sed quid, oro, tantopere in iis prædicant quos singulari certamine coisse referunt? fortitudinem, puto, animos, solertiam? ne te nomina decipiant: nulla extrà bonum virtus est: ferocitatem voca, furorem, vt & casum, quidquid in vetito certamine roboris aut felicitatis aduerteris.

Cæterum hos animi motus, suc-

cessusque ipsos comitatur notissima infamia: Ecclesiasticis fulminibus subiacere: inter fideles ad sacra haud admitti, tanquam mutatâ religione Christum abieceris, nec te Christus iam agnoscat. Quandiù nefario crimine teneris; stas procul à templis, aut si in illa pedem inferre cruentus audeas, ipsa tibi pietas, noua culpa fit, quam & ablui necesse est, quòd religiosum locum inconcessum tibi, inuisâ præsentia, ac profano cultu violaris.

Sed quid, si contingat te in illo certamine mori? Iacebit insepultû cadauer, donec iudices pronuntient quàm sordidè tegi debeat: nam quæ viuo gladiatori templa iure occluduntur, neque patent excreandis cineribus. Inter sacerdotum pro cæteris functis orantium quotidianas preces, peribit tui memoria: neque amicorum ullus, si sapit & Catholicus est, te gratum Deo, te salutem consequutum fuif-

se cogitabit in mœroris solatium.

Vis & de fortuna agam, cui tantopere times ? quod in mentem venerit, breuiter dicam. Quantos vidisti qui duello in maiores opes creuerint quàm quas dederat paterna hæreditas, aut denique collegerat familiaris diligentia ? immo, da qui perempto hoste non multùm ex suis facultatibus amiserit, dum mutare sedes, & timidè errare cogitur, donec fortunæ incommodo (negotiorum scilicet quæ aliàs grauitè vrgent, desertione ; dissipatisque in deprecatores, aut in iudices ipsos pecuniis) fatis sit à crimine tutus.

Quid memorem in fiscum Principis toties congestas nobilium opes, qui vetante potestate, pugnam inierant, ne quid magis suo Regi, quàm opinioni, ac famę detulisse viderètur ? gemunt adhuc variis in locis sub hac inopiâ familiæ illustres quotidianis calamitatibus edo-

ctæ, quid æstimare debeant, quid iactare parentum væsaniam.

Sed si patiens ero, ais, si ense (væ moris est apud nos) non amoueo iniurias, aut fabula omnibus ero; aut præda. Indecorum ducis; te legum, tetricum tribunalium authoritate honorem ac fortunas tueri. Ipse Rex quoties lædi se à subditis arbitratur, leges inuocat: ius suum à iudicibus, supra quos tantoperè eminet, discuti vult, ac statui, vt non erubescat priuatus, quod nullo pudore patitur quem supra leges ipsas suum fastigium erexit.

Præterea multi sunt nobilium qui se sacris mancipauere; multi qui studiis forensibus nati, inter magistratus recepti sunt. An hos omnes dices patere iniuriis, quod solis legibus teguntur; quod mollius consilium sequuti, vbi vrget contumelia, aut facultatibus hostilis sæuitia imminet, ferro abstinent? Immo securè agunt, vt

& ciuium cæteri, qui non ense sed fascibus tutantur suas opes. Forum habes ad quod honestè confugas : quidquid subsidio indiget, hoc protectore seruatur, honos, quies, fortunæ.

At tardè finiuntur lites. In commune malum inueheris : fer, quod & cæteri : onus leue est quod omnium humeris incumbit : quod gloriæ, quod securitatis, quod opum habiturus es, eme patientiâ.

Non vltra Ismenas : nam & audire Hermiam volebat, qui suo somnio totam hanc nobilium insaniam adumbrarat. Cùm ergo in illum humaniter, addito silentio, & manus osculatione aliquantulum respexisset, non ægrè obtinuit vt ita loqueretur.

Monomachiam dixisti, ô adulescens, haud graue crimèn esse, indeque optimè concludi, quòd Principes facillimè placantur, cùm in ipsorum edicta, eo modo pecca-

catum est. Vt sint indulgentissimi, quid hoc ad atrocitatem sceleris? An parricidium inter leues culpas computabis, si Rex summa potestate usus, & misereri facilis, illud debitis suppliciis exemerit? Ex indulgentiâ Principum si crimina æstimas, omnia penè absolues. Incestu suos populares inquinari non tantùm patientissimè tulit Regum aliquis; sed & omnibus vt impunè esset eâ maculâ in naturam insultare, suam ipse sororem duxit. An propterea non immanes nuptiæ, quòd eam licentiam fecerat Princeps, & in maiorem subditorum audaciam primus quoque pudorem abdicarat? Agunt, quod volunt, Reges, sed constantissimè sua manet singulis sceleribus enormitas, licet grassari sinantur, quietè agant, de legibus triumphent.

Quia iuuenis es, neque tuum sanctos Patres, qui nobis familiares

sunt, peruoluere, apud Hieronymum hæc verba non legeris. Inter scorta quoque in fornicibus, & pueri steterunt, publicæ libidini expositi; donec sub Constantino Imperatore, Christi Euangelio coruscante, & infidelitas vniuersarum gentium, & turpitudine deleta est. Peto, adolescens, an ex priorum Principum indulgentiâ scelus istud quod Constantinus seuerissimâ lege sustulit, aliquid suæ atrocitatis amiserat? An minori dedecore peccarent, qui nullo terrore, nullis pœnis coercebantur, ne peruersè sexus virilis in seipso infandam voluptatem quæreretur? Omnium eadem est criminû ratio, non ex mulctâ, quâ sæpè carent, aut Regum facilitate ac fauore; sed ex ipsâ sui naturâ pensanda sunt.

Ex suppliciis tamen, & Principum irâ si vis tuam nosse monomachiam, memineris quot Pontifices maximi illam damnauere, quoties

anathemate percussa est. Tanta censetur pugnae singularis immanitas, ut ad ipsos spectatores Ecclesia meritum supplicium extendit. Satis ad fulmina; vidisse illam insaniam, quam animis, odio, manu exercent sceleratissimi lanistae: quid certamen ipsum, si damnatio est, si sacramentorum oratio, adfuisse certamini?

Verum de indulgentiâ Principis ne tibi iam tantum gratulare. Nuperrimè lex in dimicantes lata est, quam qui soluerit, stirpis labem, iacturam bonorum, & si capi potest, ipsum funus non effugiet; ad hæc enim se Rex sacramento adegit. Vnum restat ad utilissimi edicti complementum, ut delatoribus pecuniâ, mulcta iudicibus decernatur, qui in illud crimen vel officiosè vel languidè inquirent. Promptissimos ad vindictam habebimus, si ex gratiâ, quâ sæpius peccant, periclitetur dignitas,

fas , & folio suo deductus aliquis ,
cæteros admoneat , non plus ser-
uatuos esse suum decus , quàm
curabunt in eiusmodi gladiatores,
ex Principis iussu , & sui muneris
conscientiâ , vltionem obseruari.

Addebas maximè pios ex vobis,
nunquam , si vocentur , certamen
detrectare. Pios dicis quibus an-
te ipsa altaria propositum manet ea
agendi quæ diuina lege sub tantis
comminationibus , prohibita sunt?
Pium vocas furiosum illum , qui
fletus , quos , vt ais , diuino funeri
dabat , tam citò absterfit , vt san-
guinem funderet ? Cùm demissus
videbatur Christianè orare , ac
profusis lachrymis gratiam pro-
mereri , comædum agebat , illu-
debat altaribus.

Numini addictos ne dixeris , qui
ab legē diuina abrasere de non per-
petrando homicidio mandatum , &
ad cædem expediti , omni loco ,
omnibus horis parati sunt proferre

T

quid in animo habeant. In intimo pectore perpetuò occulunt quòd eruat occasio; neque tunc propriè fiunt scelerati, cùm vocantur ad pugnam; sed apparent quod semper fuere; prodit enim tum nequitia, non concipitur. In ea tamen mentis dispositione, tanquam Deo essent acceptissimi, sacris nostris vtuntur, non inani tantummodo; sed noxia quoque religione, quòd scilicet cruenti ad illa accesserint: ipsà se pœnitentiâ inquinant, damnantque miseri, quippè sincera haud est; & cùm more Christiano Dominum suum accipere, horret Christus, æternúmque duraturis ignibus destinat hospites suos. Ea est planè nobilium Religio, quos dicebas & promptos esse ad singulare certamen quoties postulantur, & pios. Nisi candidiùs, ac posthabitâ famâ quæ ex eiusmodi præliis apud fatuos emergit, Deum colant, nulla salus speranda est.

Quid, oro, agent isti, cùm in mortis angustias improuiso ictu deuenerint? Honorem, famam, vt quædam sæculi idola dum adhuc vigerent, coluere: ecce quid minatur Deus, en verba indignantis, furentisque; vbi sunt Dij eorum in quibus habebant fiduciam? surgant, & opitulentur vobis, & in necessitate vos protegant; tunc cùm fusi sanguinis, ac quæsi toties periculi pœnas reposco, implorate famæ tutelam, cui & aliquando homines immolauistis, & si quid aduersus me valet, honorem inuocate. Rumori vixistis, non mihi. Sic iam ille destituit suos cultores? videte quod ego sim solus, & non sit alius Deus præter me. Sed dum his immoror, concionatorem agere me non sentio; decentiùs, vtiliùsque, cùm plures nobilium aderunt, hæc in templo, si volet, Firmianus dixerit.

Ad te reuertor, adolescens; Iustæ

T ij

militiæ rudimentum Monomachiam vocauisti : Non istud Romani censuere : nunquam enim apud illos in armorum documentum hæc carnificina probata est. Ad pugnam ne rudes accederent milites, longo ante tyrocinio exercebantur ad palum. Nunc tanquam caput peterent, nunc crura, nunc polites, adumbratum hostem eâ solertiâ ferire vnicuique studium erat, vt nulla pars, quam tactam vellent, militum animos, ictusque frustraretur.

Scopas (vt ex Vegetio accepimus) hoc est fruticum vel straminum fasces, pro signo funditores ac sagittarij ponebant, vt sagittis aut faxis ex arcu vel funda destinatis, sexcentis pedibus remoti, signum illud attingerent; certi haud deterius iacula, & lapides in hostem missuros, quoties verò certamine liceret experiri dextræ fidem.

Vt versatos equites Roma habe-

ret, ligneos quoque equos in adolescentum tyrocinium, hyeme sub tecto, æstate mediis in campis ponebat, quos inermes, dum consuetudine proficerent, deinde armati cogebantur ascendere; tantaque huius exercitationis cura erat, ut non solum à dextris; sed etiam à lævis partibus, & insilire, defilire condiscerent; euaginos quandoque gladios tenentes, vel contos, ut quod continua meditatione extrà bellum omne fecerant, id tanquam ludo, alacres in præliis agerent. Tu sanguinem humanum ipsa in pace fundi vis, ut crudelitatis opus sit istud nobilium ingenium quod in bello requiritur? neque putas satis animorum habituros, qui extra discrimen, armorum disciplinam didicere! Militaturis nobilissimum ignem sufficiunt tympana, tubæ, arma ipsa, equorum hinnitus, sociorum qui iam hæc videre, alacritas, gene-

roso clamore hostes laceffens , ac victoriam appellans.

His exemplis , inquit adolescens , his rationibus dedo me ; sed si quis mihi insultabit , si ferum non ex condicto ; sed ex casu aut furore in me stringet , nihil agam , cædi me patiar ? vt ictus deuities , da & tu quoque , si lubet , inquit Ismenas ; non enim eo vsque imperatur patientia , vt perire præceptum sit. Ita omnes senserunt , & iuueni , si peteretur , pugnae potestatem fecere.





CHIMÆRA.

QVINTVM SOMNIVM.

HAud equidem miror hodie me à somno surrexisse fatigatum (referebat Hermias) longum iter egi dormiens; nam quanto terrarum interiectu distat à Gallijs Asia minor? & tamen ab illâ Regione recens sum, necdùm benè recepi vires meas, ex quo suscitatus patrios focos reuiso.

Interrogatus deinde quid in câ peregrinatione vidisset quod referri mereretur: nihil, inquit, mihi mirabilius visum monte illo cuius multiplices incolas sub monstri specie pugnantes naturas vno in corpore admittentis, olim lu-

dentes poëtæ figurauerunt. Non altitudine tantum. Suâ sedet rerum varietate præcipuus est inter cæteros iste mons; nam & lætissima pascua habet, & conceptis ignibus feruet intus, vt stupendum planè sit, sub amœno & viridi tantum calorem delitescere. Haud longè à monte hoc semotus Philosophabar, miratus non semel flammeum verticem & inter perennes incendij minas armenta securè pascentia, cùm ex eacumine montis repentè ad me delatus est rugitus leonum; nec multò post, geminato horrore, sibilus quoque serpentium à radicibus. Ex his intellexi quidem Chimæram, vbi Leones sub ipso penè incendio altiora tenent, medium capræ, imum angues, non malè hoc versu designari,

*Prima leo, postrema draco, media
ipsa Chimæra,*

Sed & timui ne me nimis de Poëtæ

tarum ingenio sollicitum mora perderet, & vna mihi securitas visa est si fugam capefferem. Ita elabenti, pauentique non sufficebat præceps cursus, dumque exhausto spiritu, sæpiùs cogor gradum sistere, bestiarum imagine plenus, tanquam suo iam impetu mea vestigia premerent, ipse pavor somnum excussit.

Vnde autem mihi hæc Chimære repræsentatio vix possim conijcere, nisi tu forsitan causa sis, ô Firmiane, cur ista somniarim. Nam si meministi, pridie dicebas aliquorum hominum vitam contrariis coalescere; in illâ enim plura inueniri quæ ita inter se discreparent, vt non magis monstruosum sit in vnum corpus conuenire diuersas animalium species, quàm in vno viuendi instituto sacros mores cum prophanis temperari.

Ista dixisse satis fuit, vt cæteri Chimæram hanc morum exagi-

tarent : & quia dicebar pridiano discursu dormienti Hermiæ imaginem illam excitauisse, ex qua deducenda erat disputatio : ita primus in id argumentum loquutus sum.

Synagogam & Ecclesiam nec tibi non posse, magnâ prorsus veritatis fiduciâ, ipsi Petro Paulus ostendit, cùm de circumcidendis Gentilibus ageretur qui baptismum susciperent. Satis enim oneris Christiano fore, si mansuetis humeris ferret iugum Domini sui, nec æquum videri etiam in fundendo sanguine, extra martirium laborare patientiam : sub eo pondere per multa sæcula suspirauisse maiores : nec melius insinuari populis aduentasse tempus gratiæ, quàm si ille mostolleretur, cuius etiam causâ, iniuriosa gentilitas quoscumque Circuncisio cute minuerat, vocabat recutitos.

Christianum Iudaisantem, Chimeram putauit prudentissimus

Apostolus; neque tulit monstrum illud in Ecclesiam admitti, ne in vno cultu viderentur conuenire contraria. Vacuos sed spei nostræ benè ominantes arborum flores, excludit posterior fructus: delet solutio cautionem; optima quidem suis temporibus Synagoga, verùm prodesse desiit vbi Ecclesia nata est, & cum vetustate promissionum stare non poterat nouitas Euangelij.

Ista ne sociarentur tantâ curâ prouiderunt Patres vt sabbathum seruilibus destinarent, quieti diem illum quem dominicum dixere, ne simul vacarent Christianus & Iudæus, & ex communi otio crederetur in eosdem ritus consentire qui in tantis discrepabant. Quantâ autem diligentîâ cautum est ne Iudæorum pascha cum nostro celebraretur, quantisque, non dicam studiis tantum, sed & impendijs, vndique conuocati Astrologi modum docuere quo nunquam dare-

tur temporum ille concursus, illa solemnitatum inter nos, Iudæosque consentio.

Maiores tamen fuit antiquorum Patrum zelus ne Gentilium instituta & mores in Ecclesiam reciperentur: quippe in hoc quoque negotio Chimæram timuere. Quid simplicius quàm coronari oleastro, hedera, lauro, in publicæ hilaritatis significationem cum ad illam triumphum, totaque vrbe structa conuiuia vel mæstissimos quosque cogerent?

Coronis tamen dehonestari Christianum caput existimauerunt veteres, quod ille mos ab idolis derivatus Christi seruis non conueniret, cuius vertex spinis obsitus tot imitatores debet habere quot illum recipiunt & adorant.

Molles illas coronas dixerunt aliqui à candidatis diaboli fuisse vsurpatas, neque propterea licere Christianis in se adumbrare quod in

creatoris iniuriam ſcleratè geſtum eſt. Petrum ſententiâ ethni-
cochriſtianus Chimæra erat, nec
ferenda Ioui nec Chriſto, cùm in
illâ viuendi formulâ vterque lu-
deretur.

Ad noſtram tamen ætatem au-
dacia illa quodammodò videtur
perueniſſe : quâ ratione hoc fiat,
dicam. Certè Chriſtum occidit
mundus, ipſe mundum proſtrauit,
adeò illi inſenſus, vt nec pro eo
preces ad Patrem effunderet : aliud
enim homo, aliud mundus, ſiue
ſæculum, & qui pro nobis omni-
bus dignatus eſt mori, pro ſæcu-
lo nec ſtillam ſanguinis fudit: Cùm
iſta conſtanter ſe oderint Chri-
ſtus, & mundus, quæ Chimæra,
amborum cultum ita velle con-
nectere, vt qui Chriſti videtur eſ-
ſe, videatur & ſæculi ?

Hoc in Iuda deſertore Ambro-
ſius horruit, in duplici enim men-
ſâ epulabatur proditor, cùm &

illi in escam Christus corpus suum sanctissimum daret, & dæmon cogitatus illos subministraret quibus anima crudelis delectatur & pascitur.

Frequenter adesse in templis; ad sacram synaxim accedere; interesse concionibus, laudabile quidem est; sed quæ morum concordia, simul ambitiosè tegi, capillos tot modis laxare, coërcere, inflectere, vt inde formosior vultus virorum oculos alliciat? Ad quidem tanta diligentia? cur laborat in vestibus, in comis, in cute, mulier, si non quærit conspici? Si pudica est, cur tam cômpto ornatu, tamque inquieto alios prouocat ad libidinem? O Chimæram! castitatem profiteri, & agere vt cæteri deperdant: tentationibus viam aperire cùm depellimus: Christo vniri, nec auerti à sæculo!

Neminem duobus dominis seruire posse docet Euangelium: sed

hoc ad maiores; hac enim tempestate artem inuenimus quâ quis Christi sectator fiat, neque mundum oderit, & in promptu festiuatio quæ huic Chimæaræ suffragatur. Certè à Deo sunt ornamenta hæc, aurum, gemmæ, capilli, qualemcumque formam illis dederit vel ferrum, vel, mitiore tormento, variè distributus funis, matronæ caput totâ nocte circumligans. Creatoris ergo contumelia videtur, damnare opera ipsius: & quòd Christiano crimen, modo vanitate abstineat animus, illud gestare, illud ostendere quod concessit prouidentia?

Verùm quid Tertulliano respondeant? sic enim & idololatria excusabitur; quia illud omne quod inanibus Diis vel cremat, vel effundit, vel mactat, à Deo est, & merum, & victimæ. Eâdem ratione & circi furor, & arenæ crudelitas, & spectaculorum turpitudine,

immunis erit crimine , quia Deus creauit equos , tigrides , pantheras , eâque voce vtitur in theatris obscœnus homo , quam à Deo accepit. Meritò celeberrimus author , operum Dei præposteram tractationem damnauit in pompaticis illis , vt vocat , mulieribus quæ ad negotium vanitatis illis rebus abuti consueuerunt , quas idcirco contulit Deus vt in abiiciendis , quoties superfluæ occurrerent , Christiana modestia commendaretur. Creatæ sunt vt lubenter illis careremus , & contemnendi ornamentum fieret , omni cultu apud Deum speciosior , augustiorque , priuatio.

Quis ferat , tot mulieres frequentissimè ad synaxim admitti , suæ formæ nihilominus adeò mancipatas , vt si quid ad ornatum desit , maritorum parcimoniâ , vel effuse conquerantur , vel ipso tumore elingues non priùs placidæ fiant,

fiant, quàm quod ineptè petatum est, ad familiæ pacem maritus concesserit?

Pias dicunt, & tamen nulla illis imago charior eâ quam vident in speculo: illi operantur, illi supplicant, tardè semper Christum colentes, licet in hoc quoque appareat diligentia; cùm verè quidquid thuris Deo tribuunt, residuum sit suffitus illius quem sibi priùs adolevere.

In sacris multæ sunt; sed & simul durissimæ ceruicis, quam nemo ratione ac consilio expugnare queat; iniuriarum memores: domesticis ipsis sæpius grauissimæ, ut nulla pax cum eis sit, nisi cùm absunt: & necessariò instauranda sint prælia mox ut à templo, ubi dulcissimas vidisti, in domum feroces rediere. Quia altaribus familiares, nec adulterij probro famam suam maculant, titulo pietatis inflatæ, ius habere ad rixas

credunt : quidquid voluere , nisi ratum est , à se ipsis longo murmure sæpè & lachrymis , exigunt pœnas , si aliis nocere non datur , ne vindicta pereat.

Nouam mihi hæc vitæ Chimæra (quæ etiam virorum est) cogitationem inijcit , & ni fallor probabitis. Thebanorum fratrum odia adedò constanter perseuerasse referunt , vt simul cremari post mortem teterrimi hostes sine rixâ non potuerint. Ex amborum contactu quasi hausta antipathiâ ignis à se ipso diuidebatur , & quæ flammæ pars cadauer vnus corripuerat , ne in ipso rogo conuenisse viderentur inimicissimi fratres , recedebat ab altero. Non acrior certè inter hos alienatio viguit quàm quæ inter (vt Paulus loquor) veterem hominem , nouumque inuenitur : simul enim consistere nequeunt : in mutuam cædem armati , vel vi , vel insidiis certant , nunquam fœ-

deris aut eiusdem flammæ patientes : nam qui nouum hominem adurit ignis diuinus , veterem fugit vt sordidam materiam , nec vlla re magis dignoscuntur pugna- ces, quàm dispare incendio. Am- bos tamen homines in vnum quasi corpus coijssè dicas , si plurimo- rum institutum, moresque perpen- deris. Iterato sæpius diuinorum vsu sanctitatem profitentur , nec sæculi tamen ineptijs aut cupidi- tatibus renuntiant : concionato- rum æquè ac mimorum auditores beneuoli : sequi faciles , siue ad monasteriâ , siue ad publicos Ec- clesiæ ritus , siue inuitentur ad choreas.

O Portentum nostræ ætatis ! quis veterum Patrum vnquam credidit tam dissimilia vniri po- tuisse ? O quàm longè recesserunt ab illo domini consilio chi- mærici homines ! nolite possidere duas tunicas ! obsoletam, laceram,

turpem nouo indumento cumulare ; spoliari enim prohibitis non sustinent , vt optimis contegantur : & ita amant mutari vt maneant quod semper fecerant , sæcularium scilicet affectuum fidelissima mancipia ; & in ipso Christi obsequio (cui se dedere) vanitatum sectatores. Hos tamen ad sacras epulas singulis aliquando hebdomadis non pauci sacerdotes admittunt , cum ista vtique non erint ; vt iam plurimorum opinione actiorem vitam non postulet mysteriorum frequentior vsus , satisque sit , vt quis sæpè ac laudabiliter dominicæ carni consocietur , à grauioribus culpis abstinuisse.

Non ego plura : tum Ismenas in seuerissimâ materiâ , hac die multo me iucundior. Nostro sæculo , inquit , illud Isayæ vaticinantis videtur impleri , erunt praua in directa & aspera in vias planas :

plurimorum namq; Theologorum charitate prouisum est , vt quidquid arduū habebat illa via quā ad cœlum maiores peruenere , ad faciliorem incesum sub nostris vestigiis complanaretur. Strictam quoque laxauerunt , vt commodè posset adiri , & toto opum comitatu circunsepti diuites ad felicitatem illam gradum facerent quæ prius tantummodò impedimentis carnalibus nudos , ac omnium rerum inopes solebat admittere. Iam securè agamus , Cœli fores dilatatæ sunt : antiquis dictum est, contendite intrare per angustam portam: nobis : nihil tale conemini : Christiani estote , neque propterea à pompis, si ita mos voluerit, à saltatione , ab epulis lautioribus , à comœdis , à iugi ludo abstinete : ab his omnibus vos excipiet citrà scandalum , iam dari facilior Eucharistia.

Quia res seria agebatur , eleganti-

V iij

tem ironiam cā vrbanitate interrupit Hermias , vt Ismenas ipse probaret se ad fortiora inuitari. Ita est , inquit , Ismena , pastus ille cœlestis vocabatur olim cibus grandium , nunc quilibet paruulus ad arbitrium degustat : neque obest huic cum Christo familiaritati , vita vulgaris. Sed quid verè de Chimærcâ istâ sentias quam modo Firmianus insectatus est , libenter à te audiemus : non enim illam satis nosse videris , nisi acerbius exagitandam autumas quàm iocis ac scommatibus.

Ergo , inquit Ismenas , ne puter in hac materia alium à vobis sensum induisse , à risu temperabo : licet fortè rigidis sermonibus aliquid non ineptè successisset , quod me tamen cogitis prætermittere. Dum se colligit vt validius feriat , grauißima dicturum reuocauit à proposito Herminias ipse , ne cæteris illam voluptatem tolleretur cuius al-

ter desiderium fecerat: & mox iterum atque iterum rogatus, ita Ismenas orsus est.

Multum placet quod de falsis germanisque Oratoribus scripsit græcorum omnium festiuissimus. Iuuenem fingit eloquentiæ cupidum, sed ignarum viæ quâ ad illam peruenitur: nam duæ, sed contrariæ occurrebant, & incertus cui se committeret adolescens, hærebat in biuio. Flexuosa vna saxosaque; nec impunè ferenda, spinis vndique surgentibus. In huius aditu senex videbatur, placido vultu, qualem Platoni fuisse referunt: intonsa barba promittebatur in pectus; & his consentiens vestis, modesto nitore præferebat sapientiam.

Adolescentem inuitabat quidem tanta species vt viro loqueretur: verum prohibebat reuerentia; quod vt senex aduertit, suauiter in illum intuens, si quod iter institui-

sti, ô Iuuenis, inquit, habe me pro Mercurio. Hic enim sto vt inscios viatores ego peritus viarum meo consilio dirigam. Ad quem ita adolescens : Diu est quod ad eloquentiam iter facere constituo ; quâ certius via eundum sit : Igitur doce, Pater , neque sine ad honesta properantem irritio labore aut periculosis erroribus implicari. Ilac itur ad illam , refert senex ; viam digito indicans quæ saxosâ asperitate totque spinis ardua erat. Hac contendit aliquando Tullius , hac Demosthenes , cæterique qui facundia laude apud Latinos, Græcosque floruerunt. Vt optatum finem consequaris , tibi sumendus est animus, ô adolescens ! nam plurima occurrent quibus laceffatur patientia. Incedendum erit non per diem tantummodò , sed etiam cum cæteri mortales somnum petent : nec de comitum solatio multum sperabis sæpè omni consortio destitutus :

tus : hæc enim via nostris temporibus infrequens est , vt tu vides, quam si constanter teneas , in ipso extremo , fatigatus , & iam dignus qui quiescas, habebis eloquentiam.

Ex aduersâ parte via erat , trita magis nec viatoribus iniucunda, in cuius initio hæserat vir quidam florenti veste conspicuus. Hic cùm adolescentem vidisset colloquentem seni , primùm risit , quòd ab homine cui sua ætas omnem venustatem ademerat , peteret de eloquentiâ consilium , tum sic ad iuuenem. Quid cum sene isto tempus conteris ? Multi eodem animo , quo tu , ad illum accesserunt ; sed quàm pauci verboso fidem habuerint , ex ipsius viæ solitudine conice quam tibi necessariò tenendam ineptè proposuit. Nam quis , nisi mente captus , tanto labore , tantisque sudoribus velit eloquentiam adipisci ? Antequam ad illam perueneris , aderit sene-

ctus : & quis fructus sero eloquentem esse, id est, posse benè fari, cum vicina mors adeptum te quod concupieras vocabit ad silentium ?

Molliori itaque via vteris , sed & breuiori , si me audias , ô adolescens ! pro spinis enim flosculos habebis amœnissimos : vbique occurret quod placeat : ibis non quidem quàm Cicero atque Isocrates, sed quàm pergunt hodie optimæ fortis viri quidam , quibus exigua literatura , & placendi fœminis singulare propositum. Hos omnes habebis socios , qui structuram ac suauitatem verborum magis quàm rationum vim aut altos orationis sensus ponderant : & quàm putas iucundum in eos incurrisse homines qui tanto successu venustis studere ?

Fictionem hanc quis non dicat veritati consonam in eâ materiâ quam tractandam suscepimus ? Quippe iam duplex esse videtur ad

æternam felicitatem via : arctam
 & asperam ostendit Christus, quam
 & ipse tenuit : vestigiisque ipsius
 inhærentes Apostoli crediderunt
 nisi arduis & naturam, vbi inso-
 lescent, seuerè prementibus, ad cœ-
 lum perueniri non posse. Hoc vno
 animo censent vetustiores Theo-
 logi, nec benè dici Christianum,
 qui à pompis huius sæculi non ab-
 stineat. Theatra, nimios vesti-
 mentorum cultus, capillorum in
 tot vndas ac serpentes deciden-
 tium operosam artem condem-
 nant : illos si consulas, dicent,
 viam carpe strictiorem : nam quæ
 latè sternitur, impruidos ducit
 ad certissimum interitum.

Ad hæc si trepidat animus, ha-
 bet mitiores Theologos qui pauen-
 tem subleuerit : ea omnia conce-
 dent quæ alij negauere, saltatio-
 nes scilicet nocturnas : ludos tan-
 quam in animi laxamentum neces-
 sarios, quibus tamen damnum fre-

quens ac proinde mœstitia comparatur : opulentam , laxamque vestium superbiam , pretiosa monilia , graues lapillis inaures , quotidiana conuiuia , tortiles comas ; denique comœdiam , ne quid desit Christianæ remissioni , possitque in colendo Deo iustè conqueri natura delicatior , se vetitis nimium premi , quam facilem ad pietatis officia habes si illi hæc omnia induleris. Doctrina hac effectum est vt Chimæram haberemus , de qua inter nos sermo ; monstrum illud vitæ dico , contrariis ita compactum vt iudicare nequeas vtrùm magis ad Christum quàm ad sæculum pertineat.

Versatili prorsus ingenio erat Alcibiades qui Athenienses delicias ad arbitrium poneret, vbi proferenda erat in grauiore populo Spartanea seueritas , ex locorum varietate , vt de polypo dicunt,

colorem mutans , solutus cum voluptariis , cum sobriis parcissimus. Mulierem noui eâ morum industriâ flexilem ut cum monialibus penè sit monialis : Verùm cœnobij septa egressæ illicò redit ille fastus, illa vitæ mollities quam omnino in claustris videbatur exuisse. Ut imitatrices haberet sui instituti, hanc quoque viuendi rationem suas filias edocuit : alternis piæ sunt , alternis sæculares : nam lucente sole , si dies festus agitur, verbum Dei libentissimè audiunt : nocte minorum ineptias , à se ipsis iam alienæ , cum cæteris auscultant : partitis eâ prudentiâ officiis , ut Christus habeat quod suum est, neque mundus, quem & ipsæ religiosè colunt , suis destituatur honoribus.

Acutè Virgilius scripsit diuisa fuisse tempora inter Iouem & Cæsarem , quòd nocti pluuiæ successisset serenus dies spectaculis ap-

tissimus. Ita agūt hodie plurimi, vt Deo suas partes concedant, sæculo suas, qualis fuit ille cui alter venustissimâ insultatione suam Chimeram exprobrauit. Mane repetitis prolixâ religione precibus altaria fatigauerat, & etiam sumpserat Eucharistiam: post meridianas epulas, ludo se oblectarat cum amicis, ne inurbanus videretur: tandemque rogatus ab aliquo, in illius domum sub noctem concesserat vt Comicos actores audiret qui nuper ab Italia venerant, inter peritos suæ artis, vt dicebatur, eximios. Non tulit hanc vitæ mixturam aliquis, & vt versicolor homo quid peccauerat agnosceret: felicissimum me, ait ille, cui vna dies contulit vt tertio in te sic incurrerem: nam mane te vidi cum sacram synaxim acciperes, multâ certè cum pietate: ludentem post prandium: nunc vero vt iucundè claudatur

dies quem inchoauerat religio ,
musicis ac mimis operam dan-
tem.

Ad hæc verba excanduit vir am-
biguus ; mox in ultionem iniuriæ ;
& opportunè aduenisti , inquit ,
nisi enim adesses tu comœdia cu-
ius est exhilarare animos audien-
tium , histrione caruisses. Nec
contentus hoc stimulo , addidit ,
indecorum prorsus esse , immeriti-
tis cauillationibus hominem pe-
ti , qui remissionis honestissimæ
gratiâ , inuitatus , nec absque suo-
rum Theologorum consilio ad il-
lud spectaculum accessisset : sed
tumidum sibi que placentem , quod
tam bellè amouisset contumeliam ,
illicò compressit expedita respon-
sio : vt Eucharistiâ pastus , inquit
alteri rectè hîc adesse videreris ,
Lesbiam regulam consuluisti. Ne
iurgarent vltteriùs , obstitit qui
mox in theatrum prosiliit primus
actor , & maximè nobilis viri sic

breuiter dicentis autoritas : suus
cuique rei locus sit ; finite , quæ-
so , lætari nos ; neque enim tem-
pus est quærendi quid rectius
Theologi sentiant : graues nobis
erunt comædi si hîc admittitur
conscientia. Cùm ista referret Is-
menas , risu omnes soluti sunt :
statimque in Hermiam vno quasi
consilio respicientes , silentem in-
uitabamus vt aliquid in somnium
suum diceret.

Grandis mihi Chimæra vide-
tur , inquit ille , reformatio mo-
rum deterrimæ hæresi consocia-
ta. Neque putate me de Caluinia-
nis loqui : absit enim vt reforma-
tores dicam qui non fidem tantum
sed & mores ita deprauarunt , vt
sacerdotibus cœlibatum ; mona-
chis sua vota , suos cucullos ; om-
nibus denique pœnitentiam ade-
merint. Vt quisque liberius pec-
caret noluerunt reuelari illa vo-
luptatum probra , quæ integrita-

ti Christianæ vt & Deo semper audaciùs iniuriosa sunt, vbi frænum verecundia deest, quod compescat insaniam. Sustulisse pudorem vitiis, ieiunia corporibus, vt duplici pastu incitata, in libidinem acriùs exardescerent, non reformatio morum est, sed corruptela vitiorum.

Quis prostitutam rectiùs appellauerit Ecclesiam quæ virgines habet Deo sacras, illasque ad nobile consilium prouocat, an disciplinam illam salacem cuius documenta si audiantur, id efficient vt credat orbis Christianus, extrà coniugium non posse diu pudicitiam conseruari, cum tamen & ipsa tot viduas anus habeat, tot nubiles puellas, longo cœlibatu, plusquam volunt totis aliquando vrbibus notas; tot denique sine vxoribus viros, quos omnes noxiis ignibus aduri necesse est, si diuturna non datur nisi in

coniugio castitas , & periculoso instituto se inuoluunt illi omnes qui solemnī voto eam vitæ formam profitentur , quam Paulus omnibus Christianis, ne pauci in eam contenderent , vt sibi exoptauit.

Igitur de Calvinianâ insaniâ fileo. Alia est quæ etiam reformationis famâ nota perniciem suam cautiùs tegit , vt qui illâ afflatus est, omninò sit alienus ab Ecclesiâ , & tamen simul videatur Catholicæ modestiæ sectator constantissimus. In meam sententiam faciles ibitis , si quod mihi accidit, anno præterito nonis Martij, nunc referam. Heliodoro socio iter aggressus, contigit vt ab instituta via , aliud cogitans, nimiumque comitatu illius delectatus , longo errore abducerer: nec obortâ nocte iam spes erat ad illum locum perueniendi qui nocturnæ quieti destinabatur ; ma-

ximè cùm nulli tunc occurrerent viatores qui deuios in amissum iter restituerent.

Dum incerti in eâ oculorum mentisque caligine equos incitamus iam ad omnia pavidos, & quid sperandum sit aut timendum expectamus à fortuna, murorum ambitum cernimus, inter tenebras suo se candore prodentium : nec dubitauimus præpotentis alicuius viri esse qui in suæ domus custodiam & dignitatem generis, tam celso, decoroque construxerat.

Ad fores mox facilè deuenimus ducentibus muris : & vt eas timidè pulsauit Heliodorus, statim adfuit qui stratum in ipso aditu posuerat ; verùm non aperire facilis, ianitor, donec sciret qui peterent admitti & certior referret ad dominum. Quærenti respondit Heliodorus, duos equites esse qui aberrauerant à viâ, neque possent grauis cœli iniurias

declinare , aut ferarum occursum syluis vicini, nisi Christianâ charitate in eas ædes reciperentur. Ignorantem vocem , eâ horâ , non tamen rigidè excepit ostiarius , vt iam de domini humanitate animum subiret opinio. Mox ab hero reuersus, cum duobus famulis qui faces præferrent , ianuam soluit.

Nos amicos, nos affines putares, tanta fuit omnium in novos hospites gratulatio. Dum curandos equos sollicita diligentia equarius deducit ad stabulum , in triclinium intramus : nec passus nos ad se accedere dominus , alacer & toto vultu mansuetudinem præferens obuiam venit cum vxore ac liberis , multum lætatus , aiebat , quod hic error tanti meriti viros ad se perduxerat , dignos omnino quos & ipse multis erroribus quæreret, si ductore destitutus , à solo casu sua esset expectanda felicitas.

Quid vrbaniissimâ humanitate

dignum referrem, non inueniebat animus, ne tamen silentio beneficium exciperé, dixi breuiter: amicam tempestatem eam haberi, quæ ad meliores plagas classem appellit quàm quæ ex nautarum voto petenda erat; neque nos verè deuiasse, qui tot virtutibus illustrem domum, ventis iactati, pro portu haberemus. Illo postea nos ad ignem inuitante quem addito pabulo grandem excitari iusserat, modico tempore inter lætissimos sermones depulsum est quidquid iniuriæ nobis frigida ac madida tempestas intulerat.

Interim dapes festinanter parabantur hospitibus; nam familia iam à cœnâ surrexerat, nec expectatus aliquis solitam horam præterire coegerat sui instituti tenacissimos. Allatis epulis, præcipuum condimentum fuit, pietas; & mirante me virgines aliquas impediri in conficiendis vestibus,

dum aliæ varia vnguenta igni ad-
mouent ad ægrotantium leuamen,
subridens mulier nobilis, dixit: ex
quo didicisset à sanctissimis viris
diuites à Deo institutos vt curato-
res essent pauperum, quantum po-
tuisset egisse se, non vt suis tan-
tùm facultatibus; sed & suo labore
ac filiarum operâ subleuarentur.
In his tempus meliùs teri quàm in
comparandis illis omnibus quæ ad
cultum corporis pertinent, vel ad
copiosæ supellectilis inanem su-
perbiam: neque enim petiturum
Christum an vestis aut domus ful-
serit; sed an egeni habuerint quo
alerentur & nuditatem suam con-
tegerent.

Sed nec à labore abstinebat illa,
cùm hæc diceret; nam sericum ve-
lum quod propediem, in solemni
festo, altari inferuïret, necdùm
ad oras circumductum aurum ac-
ceperat, diligenti pietate perfici-
ebat.

Inter hæc puer adfuit egregio vultu, suæque ætatis blanditiis venustissimus, à quo cum quæsiuissem anne Catechismum didicisset (hoc autem petebam quòd in eâ domo nefas erat , de sacris non loqui) statim iussit mater amoueri filium : tempus enim quietis adesse ; eamque ætatem ita disponi vt faciliùs cibo quàm somno careat. Verùm ille puerili vanitate incitus , recitare cœpit quod memoriâ continebat , repugnante matre sciri ab ignotis , alios sensus suæ familiæ esse , quàm quos Roma profiteretur.

O Portentum reformatæ vitæ simul & hæreseos ! Catechismus erat ille quem nuperrimè supremus Pontifex damnauerat. Recedente mox puero , petiui à matre an sciret eiusmodi doctrinam à Catholica veritate aberrare ; sic enim ex cathedrâ pronuntiasse Pontificem ? Quæ verò illa cathedra, in-

quit mulier, an lignea, an lapidea? Cuius enim naturæ sit, vix Doctores vestri explicuerint. An Papa quæ credenda sunt declarare non poterit, nisi sedeat? Plura dixit in Pontificem, neque culmen illud reuerita, accusabit inscitiae ac temeritatis quòd doctiores se perculisset illâ sententiâ, & non aduocato Concilio in fidelium mentes tyrannicum dominium vsurparet.

Ab his transiuimus ad alia, consultò de variis fidei rebus quærente me, vt illa ingenia, sinus illos, vbi tanta delitescabant, penetrarem profundius. Aliter quàm nos de pœnitentiâ loquebatur mulier de indulgentiis, contemptim: aquam illam cui sacerdotalis benedictio superuenit, irridebat silens, vt & quosdam alios Ecclesiæ ritus, quibus non adumbrati Catholici adhibent reuerentiam. Sanctos verò, ipsamque Virginem

nem Mariam licet apud Deum potentes, aiebat tamen frustrà precatores adhiberi, si facilem accessum habemus ad illum qui neminem (modò verè doleat) propulsare consuevit. Nescio quid de Eucharistiâ subobscurum fari incœperat; sed vxore cautior maritus, dicentem ita auertit à proposito, vt videretur de solâ hospitum quiete laborare.

Igitur in paratum conclaue iussit faces inferri, vbi iam ignis maturè in fumario accensus tardiores expectabat. Illo deinde comitante, præuiam lucem sequuti, mox vt nos excepit, multo cum honore, locus quietis, optimam noctem mutuo nobis optantes, separamur in crastinum.

Liberioribus colloquiis solitudo debebatur: & iam te vnicum habeo, inquam, ô Heliodore! Putasses in eâ vitæ reformatione, in eâ languentium ac pauperum curâ

tantam superbiam inueniri vt nollet decretis summorum Pontificum acquiescere, credatque, non quod vniuersa Ecclesia; sed quod sibi paucorum hominum erudita cæcitas infudit, de quâ Dauidis illud optimè dixeris. Nox nocti indicat scientiam?

Vidisti vt illa mulier obliquâ cauillatione damnauit Ecclesiæ mores, de quibusdam malè sentiat: de aliis dubitet? Animum in multis aperuit risus, & ad domesticos nutus illi frequentissimi dum ego de Catholicâ veritate loquerer. Iuxta Asphaltitem lacum dicunt reperiri arbores inaniter fecundas; poma enim habent oculis quidem iucundissima; sed si manum admoueris, in cineres abeunt. Solidior non mihi videtur probitas ista quæ verâ fide destituitur: & certè, ne tam bellis coloribus incautos aspectus eludat inuoluta opinio, iuuat ex tactu cognouisse.

Quid in illa domo vidisset sic narrante Hermiâ solus non mirabatur Asterius : cur enim stupeam ? inquit, in Chimæram istam sæpè incidi , utinam & cecidissem ! verùm fortior me requiritur aliquis Bellerophon qui triforme monstrum felici dimicatione perimat.

Vario prorsùs genio ducitur illa bestia : nam vbi clamore agendum est, rugit vt leo : vbi mitiùs, & luxuriantem ad communia pascua necessitas adigit, capram agnoscas : & mox serpentium more varios in orbes flectitur, acceditque silentio, si in suos profectus calliditas, facillimique corporis lapsus utilior iudicatur. Quid terribilius illâ sectâ, dum putat nunquam eò audaciæ processurum Pontificem, vt decernat quid credendum sit ? quandiu visa est timere aut delibere potestas, totus aër audacissimæ disciplinæ personuit clamori-

bus. Non multò pòst vt sensit ictum , furore compresso obmutuit , tulitque ad conspectum orbis durissima sibi vincula , quasi sponte ductorem sequeretur. Quàm lubricè nunc pergat , nodis viperis non suspiciosos animos implicet , infundatque in venas noxiosissimum virus, vix credat qui non vidit.

Nam quæ maior solertia , quàm fingere sublatum omninò fuisse monstrum illud : iure pro pueris habendos qui trepidant ad immanis bestię memoriam , quasi dentes haberet & ungues , quod iam nullum est : ita fatuos quidquid terribile cogitauerunt , metuere , nec se in propriis focis , vbi amica sunt omnia , securos arbitrari ?

Intercà tamen reuocato strictiùs : fœdere ; peruicaciã ; colloquiis ; libellorum sparsâ corruptione , peccantium error fouetur : & quò faciliùs serpat , in egenos liberalis

prodit ; dulcissimus in mulieres, elegantia sermonis : ad pecuniarum verò comparisonem quas sibi nouit necessarias , in diuites urbanus : denique non ex Apostoli spiritu ; sed ex malitiæ ingenio, omnibus omnia fit , vt omnes decipiat.

Non plura in hoc somnium dicta sunt , licet grandis materia ad ampliora prouocaret : nam petebatur Asterius , & illo abeunte , soluta est dissertatio.





REGINA OPINIO.

SEXTVM SOMNIVM.

BReue quidem hoc somnium, multa tamen in illo sunt quæ Lectorem moneant, & attentum desiderent.

Quis Principum ampliores terras obtineret aut fideliori obsequio coleretur, quærebat apud se, compositus ad quietem, Hermias, cum subitò somno oppressus est. Tot Regum refertus imaginibus, nihil nisi regium cogitare poterat dormiens, neque mirum quòd Reginam Opinionem sibi finxerit, imperioso ore, iudicandi, uiuendique leges omnibus dantem.

In altissimo solio confederat, sed videbatur instabile, ut si quis validè concuteret, citò tota rueret cum suo cultu maiestas: verùm nemo in eam audebat, quòd sacra res ac timenda crederetur. Circa eam variæ fortunæ atque ætatis numerosa multitudo, ad contraria facillimè propendens, expectabat quid decerneret. Illa, quia princeps erat, ex usu principum quosdam gratiosos habebat, quosdam aversos, nec fatuis destitutum erat latus qui mœstam oblectarent: nam iubente illâ, aliqui utres vento plenos labris & ore premebant, quasi nutricum vbera suggerent, moxque inflati mirabantur latitudinem suam: & hos turba vocabat viros amplissimos.

Neque minor erat voluptas quam ex aliorum ineptiis capiebat: verùm ut sat vacavit iocis, visa est ad seria conuerti, iussitque sua promulgari statuta quibus à

nemine reclamaretur. Sed dum silentibus vniuersis, legit præco, probanturque magno adstantium assensu infulsissimæ leges & ex parte etiam durissimæ, subito comparuit armata Pallas, ad cuius conspectum cum fugisset trepida opinio, mutatis omnium animis, ex communi suffragio Dea conscendit in solium, eaque sapientiâ sua decreta proposuit multitudini ut cerebro Iouis natam nemo prorsus ambigeret.

Somnium hoc non pronuntiavit quidem Hermias; sed absenti mihi significauit per epistolam, quam cum ostendissem Asterio, in hunc modum rescribere ipse voluit, tanquam ad se mitteretur.

Ex hoc me liberalem scias (Hermia) quod cum ad me non scriberis, tibi soluo quod non debeo. Multi sunt eo auaritiæ genere sordidi, ut facilius amicis pecuniam dent quam epistolâ: quod pendere
Firmianus

Firmianus instituerat , læta manu tribuo nihil tale à me expectanti, id est illo cessante ; lubens sic euoluo tuum de Regina Opinatione somnium.

Optimè Reginam vocauisti , latè enim dominatur opinio , neque orbe minus est imperium illud cui tot gentes , tanquam in suum malum conuenissent & decipi placeret , tam libenter obtemperant.

Thronum eius dixisti instabilem esse , quia per se non stat opinio ; vaga enim res est atque volubilis , & idèò illam à scientia distinguebat Plato , quòd scientia firmissimo vinculo hæreat menti , opinio autem insit in animo , non adhæreat ; facile enim inde euellitur quod leuiter admissum nec iudicio sancitum est , nisi obstet peruicacia ; nam ubi voluit , nihil est opinione stabilius : & frustra Socrates laborauerit, licet se à Deo missum iactitet vt obstetricis offi-

cio defungatur , & ab animis auellat adulterinos illos opinionum fœtus quos peruersè conceperunt. Itaque mutabilis est ex natura sua opinio , & vitio nostro constantissima , quod sæpè euenit , & maxime videtur in populo.

Puto te audiuisse de muliere illa Senonensi in cuius utero puer plus viginti annis mansisse fertur, seruata figurâ in saxum versus , & toties matrem ad partum statis doloribus prouocans , quoties nonus mensis occurreret. Prodigium non existimo infantes in parentum alio lapidescere , neque per tantam annorum seriem ad ortum usque perducī : nam si animos non corpora respexeris , quotidianus rerum humanarum iste cursus est, ut semel admissa communi errore opinio , tractu temporis potius solidetur quàm exeat ab animo.

Quibusdam opinio propitia est, quod illius beneficio felices sint:

quemadmodum illi contigit qui triremes Atheniensium suas putans, tantâ lætitiâ fruebatur, vt restituto postea conuenientibus remediis cerebro, grauiter de medico quereretur qui tantam classem, tot opes, iucundissimè insipienti, importuno poculorum vsu ac nimîâ charitate rapuerat.

O te sapientem! Hermia; nam quicumque veris animi bonis destitutus, inaniter exultat; quia cæteris potitur quibus non efficitur melior, neque egestatem suam nouit, opinione beatus est.

Alij etiam sunt quos non sua quidem opinio beat, sed aliorum. Modica est aliquibus literatura; quia tamen eruditionis supercilium sumpsere, libros habent, authores non ineptè citant tanquam sibi notissimos, & quod scientiæ deest, obuelant sagaci silentio, sæpe doctissimorum virorum famâ claros videas, nec raro dignitates etiam

consequutos , tribunalia , præfeturas Ecclesiarum , quas alij iustius & ex meritorum præstantiâ habuissent ; si fauisset opinio.

Miror certè , veteres qui fortunam inter sua numina coluere, opinioni, quæ tot bona largitur, non obtulisse victimas. Ordine fortunam antecedit opinio vt famulam domina , iubetque sequacem tribuere quodcumque siue opum , siue dignitatum suis alumniis deferri constituit : & tamen cùm altaria & sacrificulos habuerit fortuna , supplicesque qui auersam religioso cultu placarent , opinio , quæ gradu prior est , sine templis & sacerdotibus fuit ; neque vnquam aliquis, quod sciam, obsecratione studuit eam sibi conciliare cuius suffragio tam fauste ditescunt pluriimi, etiam sine merito , fruunturque præcipuis honoribus.

Quàm sit autem noxia quandoque opinio , dicam. Multi defectu

patientiae dolores sibi geminant: grande enim onus est, leuissimum licet, quod omninò inuiti ferimus: alio modo vis? Sarcina non ex se rectiùs aestimatur, quàm ex animo: si non facilis, at saltem tolerabilis est, si portatur viriliter. Verùm vbi credit eger aut calamitosus se morbis quibus afflicatur, aut ærumnis imparem, ex eâ cogitatione fit maiorum illorum accessio quæ neque natura, neque fors induxit, licet in vtramque miser totos questus effundat, tanquam nihil suo auctori nocuerit vana & crudelis opinio.

Distinctione vtar: quædam mala sunt quæ tantummodò patimur: alia quæ & patimur & facimus, aded tamen ignari vnde venerint, vt extrà nos quæramus artificem. Aliquis accepit iniuriam quæ nec ictum intulit corpori, nec nocuit facultatibus: caruit honore quem sibi deberi existimabat: cùm salu-

tationem expectaret, ab alio contemptus est: indè se grauiter læsum dicit alienâ malitiâ, cùm tamen sensibus fortunisque integer, idem homo sit qui fuerat, antequam negatione honoris se petitem quereretur. Vulnus istud, opinionis est, non iniuriæ: qui illam contemnet, aget quietus, nec de vltione cogitabit quâ suus dolor sanetur, cùm nullum admiserit, & frustra quærantur remedia, si absit quod curandum est.

Constantini imperatoris effigiem marmoream in seditione furens populus violauerat: nuntiatum est Principi & clamantibus aulicis Cæsaris vultum eâ plebis insaniâ conceptum fuisse, scelusque illud mereri quidquid in Maiestatis reos æquissimæ leges statuerant: videamus, inquit Imperator, an verè sim vulneratus: tum manum vultui admouens, aliquem mihi nocuisse ex tactu certè non

agnosco: errauit populus cùm in illo signo putauit lædi potuisse Principem suum, ego magis si crediderim: non ita seruo opinioni, vt ex illius arbitrio miser fiam & plagas accepisse me existimem quibus solum marmor affectum est. Proinde remisit iniuriam, nec pro saxo doluit, licet ex arte Maiestatem adumbraret.

Multas irarum causas amputat qui ab opinione liber est. Aded nos delicatos præstat, vt remota sentiamus: vt cùm nostri iuris esse possimus, pendeamus ab altero, & precariâ quiete fruamur, dum in argumentum doloris illud omne conuertitur quod contra nos loquuta est aut tentauit inuidia.

Stultius est tamen mediis in opibus se egenum arbitrari, eo quod aliqua defunt quibus celsior fortuna ab aliis ambiciosè distinguitur: sic enim opinione paupertas fit, vbi non est, & vocatur inopia, men-

ſam tuam non extrui Principum
cibis : ad ea te cogi quæ nec pere-
grina , nec cara ſunt : plures ſervos
te non habere quàm quos noſſe
queas , aut in villis multiplices
domos inutili luxu ornatas , quæ
dominum ſemper expectent &
nunquam excipiant. Quid opinio-
ne crudelius ? Illud agit vt tenui-
tate laboret cui nihil deest præter
ea quæ maiorem tumultum effi-
ciunt.

Quod de viris ampliffimis ſcrip-
ſiſti æquè iucundum ac verum eſt,
nèque miror tuæ Reginae placuiſ-
ſe fatuos iſtos , qui vento diſtenti,
tanquam cæteris anguſtiores , ſe-
ipſos ſuſpiciunt , totaſque vias, ve-
lut phalerati quidam equi , ſuo fa-
ſtu complent, ne aliis locus ſit. Ni-
ſi latos effeciſſent ſui vtres, non cu-
rarent adeò ſpatioſas domos ſibi
conſtrui , vt inſpectâ fabricâ quiſ-
que facillimè poſſit de dominorum
tumore iudicare.

Quæ sit aliorum infania , dicam breuiter ; neque enim librum scribo , sed epistolam. Imperante opinione , in dies vestium forma mutatur : qui ad coxendicum initia penè descenderant thoraces , mox velut pœnitentia erroris , reuocantur ad humeros : Byssina quæ circà collum tantummodò luserant , hodie tibiæ quoque ornamenta sunt , ocreis miscentur , ut iam nemo nisi ad crura linteatus , equitet. Lunatos aliquando calceos vidimus qui mensuram pedum enormiter excederent : aliàs , quadratos , contractosque quibus premerentur ungues , & dolor fieret incedenti : sed nefas est , indecorum aut incommodum ducere quodcumque iusserit opinio.

Pauca hæc de amictu dicta sint , ad corpora ipsa veniam. Hodie syluas æmulantur virorum capilli ; veniet tempus quo asperos calamis agros adumbrent , postquam alta &

matura seges messorum manu præcisa est. Quæ nunc venustatem capitis commendat opinio, suadebit utilissimè deponi quod sine sudore, aliisque incommodis sordidioribus foueri non potest; ita tamen ut iterum velit syluescere quod ut superfluum, noxiumq; damnauerit.

Durius est in fœminas istius Reginæ imperium. Frontem expilant cum opinio suasit formam augeri eo cutis supplicio, nec eleganter comas emergere, nisi multum recesserint. Postea labor est ut à superciliis modico intervallo separantur & melle ac vnguentis sollicitatur capillus ubi primum noluerant. Nunc compresso corpore penè euiscerantur ut graciliores appareant, si exilitati pretium fecit opinio: nunc spissis, duplicatisque vestibis, etiam æstate, se contegunt, cum primum placuit, quæ prius contempta fuerat, corporis forma crassior.

Quam Palladam vocas è cerebro Iouis natam , ad cuius accessum opinio fugam adornat , ego rationem dixero siue sapientiam : sola hæc enim ab opinionis tyrannide miseros mortales eripit , ostenditque quid sentiendum & quid agendum , vt homo nihil leuiter credat , aut ineptè moliatur.

Illud tamen non egerit ratio nisi armata ; nam debilis non habet vnde Reginam Opinionem è folio suo deturbet. Etiam infantes comprehendit hominis definitio ; sed quia in illis organorum defectu ratio inuoluitur , illóque humore laborat quem ad corporis augmentum copiosè ministrat sagacis naturæ prouidentia , vix aliud præter animal in infantibus deprehendes : nam quod rationale vocamus , sensim quidem emergit ; sed quot nugis impeditum ? in illis plures anni insipienter effluunt , & septimus nondùm benè crepundia

amouet vt aliis ineptiis detineatur , donec tempus illud venerit quo pateat quàm laboriosè quàmque tardè homines sumus.

Illa tamen mora , quia lex naturæ est , nec ab eâ mortalium vllus absoluitur , nemo mihi iure exprobrare potest quòd antequam in me pueritia adoleuisset , ligneos equos conscenderim & rudi simplicitate crediderim illa omnia quibus pueri luduntur à maioribus : necesse est enim vt debilis & inrudita ratio tam falsis quàm veris assentiatur , si facili nec suspiciosa ætati iocosus aliquis aniles fabulas exposuerit.

Sed pudor est , prouectæ ætatis homines adeò puerafcere vt mirentur quidquid suspiciendum proposuit opinio : piscium putamina : verrucas concharum ; sic enim gemmas vocat Tertullianus, illudque omne quod ad euacuanda mar-supia tantis periculis quæritur.

Adamas qui hominum æstimatione cæteros capillos longè superat, vitrum est, sed solidius: vt tam carè emeretur firmitas ista, suasit opinio, voluitque vrbium pretia in pellucido saxo sæpè contineri, vt vno lapide diues mulier, tanquam de orbe deuicto triumphans, circumferret prouincias.

Vt ista negligat aliquis, necesse est discedat à puero: idemque censendum de honoribus qui multùm appetuntur, quia fulgent, nec minore stultitiâ comparantur quàm gemmæ & adamas, quoties ingenti pecuniâ splendor iste emendus est. Tecum sentio, Hermia, nisi potens ratio sit, opinionem non detrudet, tot annos assuetam imperio, tot acceptam suffragiis.



CH A O S.

Illud optimè Lucanus his ver-
sibus descripsit.

Omnia mixtis :

*Sydera syderibus concurrent , ignea
pontum*

*Astra petent , tellus extendere littora
nolet ,*

*Excutietque fretum : fratri contraria
Phæbe*

*Ibit , & obliquum bigas agitare per
orbem*

*Indignata , diem poscet sibi , totaque
discors*

*Machina dinulsi turbabit fœdera
mundi.*

Isto carmine factum est vt Her-
mias qui recens Poëtam legerat ,
eandem concussæ naturæ deprava-
tionem in somnis conspiceret : nec

alia nobis proposuit præter illud, an scilicet in res humanas aliquando caderet eiusmodi perturbatio; ad quem ego sic, inuitatus à cæteris.

Quid sit nox non concipio nisi priùs nouerim quid sit dies, neque puto cæcos ipsos qui ad tenebras à naturâ damnati sunt, de illis rectè sentire: ea enim notitia, qualiscumque sit, ipsâ luce formatur, quam si non expertus est oculus, frustrâ nititur pulcherrimæ ac iucundissimæ qualitatis absentiam comprehendere. Similiter, quid sit Chaos intelligam, si capiam quid ordo sit: quia verò definitur; suum cuique rei locum tribuens dispositio, vbicumque iustissimus ille rerum situs turbabitur, necessariò admittetur, Chaos quo nihil tetrius aut deformius.

Quator disparis naturæ liquores in vitreo globo aliquando miratus

sum , eâ corporum positione & varietate colorum vt referrent elementa. Qui enim in summo constiterat tanquam leuior , ruber erat , nitidusque , nec ab igne dissentiens : sequebatur alter eximio candore pellucidus : huic tertius subiacebat eâ prorsus viriditate quam videmus in pelago , & qui obscurior cæteris turbidusque , suo pondere ad ima descenderat. Ordo hic impermistè seruabatur , & quia in eo videbam imaginem vniuersi , recordatus sum Claudiani illius ,

Iupiter in paruo cū cerneret omnia vitro
Risit.

Conuersusque ad amicum cuius industria fecerat vt in tantillo tanta conspicerem : certè , inquit , etsi tuus ille labor nondum à Poëtis celebratus sit ; tamen , quod ad gloriam multum est , Archimedem æquauisti : tum ille concusso globo , diuersissimorum humorum concordiam,

concordiam, ait, iustissimamque collocationem miratus es, ô Firmiane! vide nunc quid sit rerum Chaos & quàm malè natura habeat si misceantur vniuersa. Motus ille ita subuerterat ordinem ut iam non varij liquores viderentur; sed ex eis prauum aliquid & oculis iniucundum, donec quiete concessâ, sibi quique sensim restitueretur, seque ab aliis expediret qui permixtum corruperant.

Commodè sedem suam feruant elementa: ignis sub concauo lunæ seipso nutritur: aër spatium illud omne occupat. quod ab inferiore superficie ignis ad nos usque interiacet: aqua super terram extenditur: illa, tanquam fundamentum orbis, immota manet, cæteris circum pro variâ cuiusque sorte, perennè fluentibus: ignis enim ad proximi cœli legem voluitur, labitur aër, & aqua non genio minùs quàm ventorum quos

admittit & sequitur, instabilis est. Chaos erit si descendant leuiora : si cum suo elemento arbores ad Cœlum se transferant & nouâ tempestate actum pelagus ripis suis non patiatur contineri. Confusionem augebit syderum casus & lites, non vt nunc fit ; nam & occidunt & pugnant : sed si in pontum, vt canit Poëta, se tanquam noui pisces præcipitauerint, & Luna non ferat ipsum Solem, à quo habet vt luceat, suo cursu definire dies & annos, vt illa mutabili vultu menses solet nuntiare.

Iam ad tuam quæstionem venio, Hermia : petis an in res humanas aliquando cadat eiusmodi perturbatio ? Ita est : nam id in regnis non rarò videtur, in familiis sæpè, in personis frequentius. Triplex ergo Chaos datur, politicum, domesticum & singulare. Vt faciliùs enodaretur ista materia, debuit præcedere distinctio, nunc ordine

& viritim , vt dicunt , agendum est de singulis.

Optimus Regni status is est, cùm inferiora subduntur superioribus & quæ cæterorum sortem excellentiâ suâ superant , inter se consentiunt : sic enim elementaris natura suis continetur finibus , & astra concordiam seruant , qualitatibus eâ ratione sociatis , vt si quid in vno vehementius sit & ardentius, aliorum amicicitiâ ac nexu salubriter temperetur. *Æquissimus* ille rerum ordo , cùm is cui commissum est imperium , legem dat, non accipit ab alio : suæque dignitatis memor, idest, se Solem sciens, *Zodiaco* non digreditur , neque sinit suas domos, ex quarum situ & conditione in subiectum orbem varius est, ab aliis syderibus vsurpari.

Nullum vnquam turbatius Chaos fuisse arbitror quàm quod temporibus *Caroli sexti* in *Galliis* visum est. Dum in *Britanniam* Rex

suas ulturus iniurias, cum ingenti exercitu proficiscitur, repente occursum phantasmatis ita demens effectus est ut mox in subditos suam videretur insaniam effudisse. Solem tum habebat Gallia; sed qui non moueretur neque diem suis daret: ingens malum, dignitas manserat, radij defecerant: hinc cæterorum syderum concertatio, dum singula vicem Solis implere ambiunt, nec sustinent, lucem, quæ nouo ordine in terras effundenda erat, simul ab omnibus proficisci.

Atrox prorsus luminum pugna, quâ factum est: ut ex præcipuis vnum, quod Soli vicinius erat, non modo aliquid splendoris amitteret; sed valentioris impetu penitus exstingueretur. Maior tamen perturbatio fuit, cum illud cui maximè Cælum debebatur, ipso Sole & Lunâ authoribus, exturbatum est, ut expulso succederet.

Gallicis rebus infesta lux, suoque aspectu eam vastitatem inferens quæ nisi virgineâ manu, stupendisque miraculis amoueri non posset.

Dum sic decertant sydera, haud quictior tellus assurgit, locumque postulat indebitum sibi, neque luminibus ipsis subdi patitur quæ prius, dum staret adhuc rerum ordo atque felicitas, immobilem rexerant. Nullis legibus coercerantur elementa & ut licentiùs furerent, terminos omnes abstulerat dirum Chaos: suas metas mare fastidiebat iam rupibus altius & cœlo minabatur tempestates.

Hæc in Galliis aliquando gesta sunt & quoties miscentur officia: discordant inter se Principes, amplioris potestatis desiderio, vel peruersa cupiditate volunt Majestatem experiri: rebellat plebs, ad consuetâ onera se adigi non ferens, ambitque timeri quæ priùs tranquillè iacuerat: Chaos est, illi

prorsus simile quod Lucanus descripsit, Hermia, & tu vidisti per somnium.

Ideò qui prudentissimi Reges fuerunt, ne mala hæc in publicum admitterentur, subditos Principes non siverunt nimidū erigi, neque concesserunt iam copiosis opulenta matrimonia, ne tot riuus in vnum alueum confluentibus, regno timeretur illa vastitas quam latè iacentibus agris inferunt stagnantes aquæ, nec riparum patientes. Curauerunt etiam ne tot arcibus in eadem Prouinciâ, totque ciuitatibus præessent, haberentve ex affinibus rectores vrbium qui noxiâ charitate ducti, vbi postulare sanguinis necessitas, sp̃r tâ fide quæ debetur Regibus, iniqua molirentur. Eadem regnandi solertia strenuos viros habuerunt in Prouinciis, qui Proregum cœptis inuigilarent, & dignitatum concursu frangerent eam potestatem

quæ cohiberi vix potest, nisi habeat æmulum.

Ita coactis ad officium Principibus viris, si quando populus vel sponte, vel sollicitatus insurrexerat, sub ipsa seditionum initia iuebatur miles diligenti sæuitiâ furemtem comprimere: faciliùs enim impeditur Chaos quàm expellitur, & aquâ modicâ perit citò modicus ignis quem frustra toto puteorum haustu velis extinguere, cùm sylvam corripuit.

Quid aliud bellum ciuile quàm publica confusio? Non gloriæ stimulis aut æquitate geritur; sed insaniâ. Quicumque homo est, nullo discrimine miles fit, iudex, patronus, agricola, sacerdos: vnumquemque enim ad arma cogit necessitas & circumstans periculum. Vario sacramento ciues fidem suam alligant: vrbes vrbi-bus infestæ: timenda vicinia: patriam in ipsâ patriâ nullus inue-

nit , cùm vbique malè sit.

Quot templa , tot , expulsis sacris , castra sunt. In illis iam nihil audias præter armatorum strepitum : impia deierantium verba , potantium raucas voces , si nihil vrget & otium concedat vel dubia securitas : ouium balatus , mugitus boum humanis miscentur clamoribus , indicantque quid suum miles illic custodiat aut vicinis raperit. Tuta sunt vbique scelera : tribunalia silent : iustitia tremit : furor imperat : separantur ab inuicem fratres vt in suum sanguinem pugnent : nullæ sine hostibus viæ , & ne securus lateas , insidias , ignem , impetum timet solitudo cui te tuaque commisisti , cùm egredi non liceat : musis ipsis sua collegia bellum claudit : iubet arma : cessant artes , nisi quæ paci infestæ sunt : inopia fit omnibus vt paucis crudeliter ditescant : & prædones adeò multiplicat publica paupertas,

paupertas, ut egeni, quos ad novam audaciam nova fames incitet, non minùs viatoribus timendi sint, quàm milites.

Puto vobis exhibuisse bellicum in republica Chaos: suum tamen & pax habet: nam si ad munera non assumuntur, præclariora ingenia; nec meritò dignitates, sed favori vel pecunijs dantur: Si quod natura iacere voluit, eminet: si sacerdos laïcorum mores sibi adsciscat, sibi sacerdotum bona Laïcus: si fortunis ingentibus non præfigantur limites quibus tollatur potestas inuadendi quæcumque placuerant, & sic indomitus ignis totum aërem quem infrà se habet, totas mare terras absumat: profectò etiam in pace Chaos erit. Sed auertat Deus ut ista videamus quæ maiores nostri variis temporibus ad fatiètatem experti sunt.

Bellicos tumultus Rex noster, impubes adhuc, æquitate causæ

suaque felicitate dissoluit : frustra in virum insurgent, qui puero cessere. Maiore vi radios spargit sol iam altior : quod præstitit oriens Maiestas, fortiùs aget, si quid amouendum erit quod lucem impediat, cùm iam peruenit ad meridiem. Heroum arma, quandiù pro illo pugnauere, victoria sequuta est. Nullus ab eo mihi profligandus defecit : cadunt vires quas ille fato suo non roborat. Quæcumque in Regno aduersus publicam quietem tentauit factioforum peruersitas, antequam noceret, solo Principis nomine compressa sunt. Pacem dabit felicissimam, quem sic bella reformidant. Nunc quid sit domesticum Chaos videamus.

Quælibet familia velut quoddam in angusto Regnum est ; habet enim Principem suum, magnates quos commendat sua dignitas, plebem quoque, ab eo qui-

dem fastigio longè remotam ; verum cuius opera sit quodcumque Princeps iubet , postulatque communis vtilitas. De familia illa loquor quam absolutam dixerunt veteres, cùm in ea nulla pars desideretur , & viro vxorem dederit legitimus amor , vtrique natura liberos , fortuna seruos qui accipiant imperia.

Regat vir; Sol enim est & iniuste sibi potestatem Luna deposcit, nisi ius ad illam habeat præcipui syderis absentia. Magnum familiæ Chaos , vxor præsentem marito volens , disponens , iubens , tanquam secundus haberetur quem natura primum voluit , & caput ipsâ costâ esset inferius ex quâ mulier sumpta est.

Absentia certè mariti non solo funere æstimatur , sed etiam defectu ingenij ; nam si ita natus est vt hebes sit aut levis , non indecorè videtur vxor id in familiæ

bonum agere quod aliàs marito competeret : nam Luna facta est vt quoties abscedit Sol , vicario lumine mundum regat , eò facilius debilem vim dimissura in terras quò illis vicinior.

Nil magis appetit mulier quàm imperium ; quod si semel maritus permiserit , potestaté illam nificum vitâ non exuet ; aut si cōtingat virum nouis animis in neglectam dignitatem suum sexum asserere , numquam bene subditâ habebit vxorem quæ regnum amiserit. Ideo maturè curandum est vt agnoscat se sociam quidem esse ; sed vt Reginae consortes Regum sunt : ita enim ex communione tori supremos honores cum illis partiuntur , vt cum illis non imperent. Milites legendi sunt : procuranda pax : subleuandus populus : concedenda supplicibus gratia : id omne Regis non Reginae negotium est : si quid illa optauerit , vt se subditam intelli-

gat, precibus obtinet non imperio.

Simplices maritos quàm constanter dominari debeant, suo malo Ninus admonet. Formæ illecebris captus vxorem habuerat Semiramidem, abiectissimæ stirpis, sed sagacissimi ingenij fœminam. Illa vt se Reginam sensit, aliquid altius meditata est: secundi gradus impatiens, aliquando tanquam iocans orauit facillimum Regem vt per aliquot dies vxori liceret summâ potestate vti: velle enim videre se quàm decenter manu mulieris administraretur imperium: ille interim à negotiis omninò quiesceret, & mox ad sceptrum rediturus, breuissimo regnantis coniugis spectaculo frueretur. Annuit petenti stolidus Rex & ad ludum illum quinque dies electi sunt.

Sedentem in solio Magnates primum nouo cultu salutauere, deinde miles, ad id omne paratus quod armatis imperaret. Quàm libenter

in arduis obsequerentur , leuioribus iussis agnouit subtilissima mulier : sed & donis sollicitandi erant animi, quos iam blanditiis suos prope modum fecerat , nec laboriosum id assequi , cùm tota ærarij potestas penderet à feminâ. Per illos dies adeò se beneficam omnibus præstitit , vt timerent reditum Regis , nec obscure dicerent non amouendam à solio quæ tantâ æquitate , tantâque prudentiâ creditam sibi dignitatem gereret. Ergo , inquit , si mea fortuna , vèstra est , finite me solam regnare , nec sexum cogitate , ciues ; sed virtutem & ingenium. Paruit populus : serò agnoscentem quid peccauerat Regem , poscentemque vt saltem suæ vxoris comes esset ad imperium , coniicit in vincula : magno certè maritorum exéplo, qui virilis fortitudinis obliti , vxoré agunt officio, cùm vultum & vestem nō habeant.

Est etiam magna domus confu-

fio, præpostera liberorum auctoritas & seruorum maximè qui ad humilia sumuntur: inde enim fit vt plures dominos familia habeat & distrahatur obsequium. Paternæ successionis pars est imperium illud quod maturè nimis aliqui sibi vendicant: expectantur bona parentum, expectetur & potestas.

Olim magnorū fluminum capita religiosè colebātur, neque sine aris fuerunt, ex abdito vasti amnis irruptio & aquarum calentium fontes: sanctiùs honoratur in patre, familiæ principium. Quàm distet à riuus origo tunc non agnoscitur cū æquali dignitate fluunt, & ita inflantur liberi, vt se sibi debere antument, non parentibus, cū tamen nihil habeant nisi quod ab illis accepere.

Verum sæpe patrum culpa est ista filiorum ab honore, rectoque ordine defectio. Solent illis omnia concedere: hinc petendi audacia, quam si aliquando non audiant,

ira fit & querelis familiam implet, tanquam non daretur quod pari iure pertineret ad singulos. Sapienter aliqua consultò denegabit pater vt videatur suarum facultatum dominus : neque vnquam se omnibus bonis abdicabit in gratiam filiorum, ne sæuos habeat in quos profusè nimis beneficus fuerit : tunc enim velut mortuus computatur qui nihil eorum possidet quæ antè tenuerat , & iis qui tam celeriter hæredes sunt, durum est, toties redire defunctos qui traditas opes , ad quamlibet occasionem, importunâ prece repetant. Certa est bonorum abdicatio : incerta filiorum misericordia : & quàm multi qui dantes parentes coluerunt ; petitores non tulere ?

Sed quid si serui dominos suos regant , non istud erit ingens familiaræ perturbatio ? Et hoc tamen patiuntur plurimi. Famulis primùm se plus iusto faciles præbent : dein-

de grauioribus negotiis tanquam necessarios insipienter præficiunt: habent secretorum omnium confortes, & quod sæpe celatur vxori ac liberis, mercenarij norunt.

Vbi sic promouerunt res suas, dedignantur vt plurimum domini sui prolem; ambiunt ab illâ rogari: quidquid agunt ex debito, videntur gratiose concedere immeritis: dominantium vultus ac mores induunt vt esse plusquam seruos existimes qui familię præsunt, neque timent eiici: obstat enim negotiorum communicatio, metusque, ne si durè habeantur, propalent quidquid illis reuelauit incauta dominorum simplicitas.

Totidem esse hostes quot seruos aliqui putauerunt, quia moribus nostris verbisque maligni censores imminet, mox delatores futuri prout impulerit leuitas, aut innata seruis aduersus iubentes dominos iracundia. Multis nocuit, non

inermis quidem famulorum manus, sed os armatum : & sæpè vindictæ grande genus censetur, illud loqui quod scimus. Est in domino quod seruus metuat, potestas : est in seruo quod metuat dominus, lingua : & ideò in utroque non rarò, ferè hostilis animus : aduersatur enim charitati iugis timor & necessarius ille viuendi modus qui libertatem adimit.

Vis scire quis seruus vere hostis sit ? Ille qui in familiam receptus vt vilibus officiis fungeretur tanquam in suo herilem potestatem exercet : dominum suum malignis artibus, tanquam ferreis cathenis, alligat vt non possit quod vult aut debet agere : dominam suam despicit : premit liberos ; nam quid ab inimico grauius ? Et tamen hoc plerumque fit, nec satis ingenij dominus habet vt se mancipium agnoscat, licet sub honesta veste ad illud dedecus compulsus sit

quod omnes agnoscunt.

Nullus miserior eo qui seruorum suorum seruus est , nec hoc à fortunâ habet, sed à suâ insaniâ. Dominos feras , quos mercede conduxeris ? Quid fuerint cum ad te primum accesserunt, recordare: chaos est, si plus audeant & possint quàm sortem suam deceat : ordo , si benè, si humaniter imperes & illi fideliter obsequantur.

Inuenitur etiam in quolibet homine, si inordinate viuit, ea rerum permistio quam in regnis & in familiis obseruauimus. Quid anima sublimius ? Quid abiectius carne ? Et tamen quàm sæpè subiicitur pars nobilior vt alteri seruiat ? Cælum & terram nos esse Cyprianus existimauit , cùm spiritum possideamus è cælo , corpus è terra , & vna pars non corrumpatur , alia subiaceat elementis, nec se possit ab interitu tueri. Cælum & terra miscentur , quoties confunditur



C I R C Æ A D O M V S.

OCTAVVM SOMNIVM.

FRustrà nunc in campania domum istam quæsiueris : tempus absumpsit : neque enim oportebat illas ædes tandiù stare & Sybillæ (cuius adhuc inuiolata specus manet in illis regionibus) iniuria fuisset si eodem fato frueretur, venificæ palatium,

*Proxima Circae raduntur littora
terre*

Dives inaccessos ubi solis filia lucos

Affiduo resonat cantu.

Hoc quomodo apud nos inuentum sit, referre placet : quo scilicet carmine, quibus herbis noua Cir-

ce incautos homines in bestias commutarit.

Aliquis narrauerat de muliere cuius ingenium dicebatur suo sexu grandius : ætas mediâ : forma vulgaris ; sed amœnus sermo, nec aculeorum expers & se se in leues animos suauissimè penetrans. Nullius Religionis erat , vt de omnibus liberius loqueretur : hanc plurimi inuisebant , aut perdendi , nisi citò recederent , aut iam perditî ; nam in eâ virorum frequentiam magistram agebat : dissoluebat Theologorum argumenta vt impietatem, quam à libris quibusdam hauserat , statueret , & tanquam sole genita , tenebricosis mentibus infundebat suum lumen. Illâ suadente , in multis omninò defecerat Christiana religio, & fide perditâ, nihil fœdissimæ voluptatis subtrahatur , vbi clam aut cum nefariis scelus admittere constituerat. Cum hæc omnes non sine hor-

rore audiissent, quid Circaea domus significet, quæ nuper mihi per soporem ostensa est, iam video, inquit Hermias: ô quàm fugienda domus ista! Quàm potens veneficiis mulier cuius arte tot viri commutantur in pecudes!

Sapientissimè prohibuit Apostolus mulieres docere in Ecclesia & acutè Chrysostomus in memoriam reuocans quid Adamo suasset vxor sua, his verbis explicuit apostolicam sententiam: semel docuit mulier & omnia peruertit; idcirco, ait Paulus, vltra non doceat: & hæc tamen viros instruit: sed non miror audaciam: nec Paulum, nec Christum agnoscit ista mulier & omnibus qui religionem abiecerunt, familiaris est impudentia.

Nobiscum aderat Cesernius qui mulierem hanc noc semel ex occasione viderat: & certè; inquit, non omnes qui apud illam sunt di-

uerſati, ſuam formam amiſerunt: ſum qui fui; Hermia, multique alij eâdem mentis conſtantiâ vſque adhuc homines manent, vt ſcias non ſolum Vlyſſem, quod in ſceſſeratas ædes intulit, ſuâ felicitate ſeruauiffe. Fâteor, plurimos prorsus amiſſiſſe ſuam figuram: ſit (vt apud Plutarchum Gryllus ille qui à Circe mutatus in porcum, eadem iubente, narrat brutorum delicias) hi, inquam, nihil præter ſordidiſſimas voluptates ſapiunt: in venerem & in eſcas proni, vel mulierum formam aſſiduè laudant, vel famoſiorum helluonum pingues menſas: nullam vitæ partem ratio in illis obtinet aut diuini cultus ſollicitudo, cum totam inter ſe diſpartiant ſalacitas & abdominis cura. Sic abiecto homine, mirantur tamen felicitatem ſuam: deſpiciunt cæteros quos commendat morum integritas & ſtudioſum pietatis: dolent quod tam tarde mutati

tati

tati sunt in bestias, nec aliquid magis curæ est, quàm conuertendos alios in illud stabulum intromittere vbi tot bruta quotidie conueniunt.

In quibusdam tamen aliquid hominis restat, vt de Acteone dicunt, cui crura humana sub ceruino capite manserant, cùm à suis canibus distraheretur. Nondum enim isti religionis sensum omnem amisere vt in nefarias cupiditates se penitus immergant : ne vltra peccent, prohibet inuitos abditus timor: sed quàm modicum illud, quod si adsit, nihil deerit ad bestiam? Nondum quidem grunniunt, sed mox grunnient, nisi Circæam domum deferant; nam inter tot veneficia, vox hominis in hunc cantum facillimè vertitur.

Cesernij discursus hic Asterium impulit vt non solum de mulieris istius, sed de aliarum quoque periculoso consortio sic differeret. Ma-

gna locorum vis, ex quâ sæpe fit
ut homo vel formetur, vel pereat.
Quòd in lapidibus aliquando vide-
mus humani corporis effigiem, so-
lâ delineante naturâ, id non casu,
sed syderum charitate effici subti-
liter obseruauit Albertus magnus.
Quædam enim cœli partes sunt ge-
neri nostro amicissimæ: sub his in
propriâ materiâ semper ritè proce-
dit humana generatio & in alienâ
non raro veluti inchoatur: nam
vbi singulares causas non inuenit
istâ cœli dispositio, quæ secum con-
sentiant, saltem ostendit in saxis
quid intenderit, tantumque socios
parentes defuisse ut generaretur
homo quem sola sydera non effi-
ciunt. Hoc naturæ ingenio nouem
musas præferebat famosus ille &
omnibus penè historicis notus
Achates, quem inter regales gem-
mas pretiosissimum Pyrrhus ha-
buit, & chalcedonius lapis, tan-
quam cæteris humanior, eas sibi

sine arte imagines imprimi gaudet, prout influxu virili vel fœminæo tactus est, viros reddens aut fœminas.

Sub alijs quibusdam cœli partibus ita laborat humana generatio, vt inefficaci materia vel omninò impediatur, vel à recto aberraret, siue defectu, siue turpi partium accessione & matrimonia probrosa sint iis qui suscipiendæ proli sedes aptas non elegere.

Ignota plerisque Philosophis opinio, verùm ad rem propositam quid pertineat, audite. Quædam loca sunt ita rationi congruentia, & hoc de scholâ Platonis aliquando dictum est, vt quisquis in illa admittitur, ex consortio sapientum fiat sapiens: secùs si in eas domos se recipiat, vbi contemnitur religio, vel prohibita voluptas familiaris est: nam contagione loci citò insanit, & in vitia labitur: Quod de corporibus humanis Al-

bertus docuit, de animis rectè censuam : & quia in plerisque locis comparatur ratio, quæ verè hominem constituit, in aliis deperditur, fidenter concludere, quasdam dari partes in orbe quarum influxu homines fiunt; quasdam verò quæ ab eo instituto prorsus auersæ, in id tantum laborant, vt extinctis hominibus ex illorum veluti funere nascantur vel monstra, vel pecudes.

Permanere vis homo? Circæ adomos deuota, nec te fortunatiorē crede pluribus aliis qui priusquam ad illas accederent, sapientes habebantur & post in bruta conuersi sunt.

Stupenda refert Iosephus de valle quæ non procul Ptolemæidem visitur. Quidquid arenæ gignit, vitrum est: sed insuper ea loci potestas vt quam aliunde comportaueris arenam, breui temporis interuallo conuertat in vitrum,

quod postea si & extrahas,
rursus ad suam naturam
sponte redit, nec aliquid
restat quo videatur vallis
huius occulta vi nativam
formam aliquando perdi-
disse.

Maiora finxit de locorum
potestate Theophrastus cum
docuit animam humanam
varia corpora mutuari ab
elementis, cum exuta carne,
hinc abit & ad suum prin-
cipium reuertitur. Quan-
diu remanet in terrâ, con-
tingit illi non melius, in-
quit, suo elemento corpus :
subtilius est quod ascenden-
ti ministrat obuius aër : sed
lucidum planè ac flam-
meum quo induitur dum
per ignis regionem pergit
ad Deum : donec & illo ex-
cusso, iam sublimiorem
omnibus elementis animam

Aeneas
Gazeus
2. Tomo
Biblot.
Patrum.

inuoluat , nunquam depō-
nenda , nec multūm spiriti-
bus dispar , substantia cœ-
lestis.

Si de moribus agitur, cœ-
que facilitate quā mutatur
homo iuxta locorum natu-
ram quibus insidet , æqua-
liter hæc omnia vera sunt :
impius enim fit si frequen-
ter in eas domos diuertat
vbi docetur impietas : cum
epulonibus, terreus : aëreus,
cum vanis : cum libidinosis
ac mulieribus, igneus : nec
spes vlla datur honoris aut
continentiæ, nisi locū mu-
tauerit.

Aliquis mihi dicebat for-
mosa quædam esse pericula
à quibus vix libenter abdu-
cimur ; sed hoc , iocus est ;
& ludebat sine dubio Se-
neca , cū scripsit non ma-
ximum ex supplicijis fulmen

esse ; sed speciosissimum : ineptè enim misero dicitur, adhiberi ipsi à tortoribus formosissimum ignem vt venustè pereat. Quid interest fulgente gladio cadam , an eo qui rubiginem contraxit ?

Fatius omnino habetur ille Imperator qui spontaneum interitum meditatus , ne à furente populo trucidaretur , sibi fieri curauerat ensẽ aureum ; quo , necessitate compulsus , antequàm hostes accederent , seipsum conficeret. Nihil ad pereuntis solatium confert pulchritudo aut pretium rei quã tollitur. Serico ligari vel cannabe, par est iactura libertatis : neque dissimilis casus , siue nos præcipientes vile saxum , siue iaspis , aut parium marmor exceperit.

Placet oculis mulier apud quam tota dies impenditur ; sed interit illius formã castitas , vt cætera pericula , vitanda est , quibus nemo se lubens implicat, licet speciosa sint.

Vbi hæc Asterius exposuit, expectabat quid dicerem : & hæc difficultas, inquam, Asteri velle fugere cum suauiter tenearis, & eo fascino te ludat amor, vt putes illos omnes insanire qui te non sanum credunt. Ægrotos vidimus imminente morte iucundissimos; sibi que gratulantes valetudinem suam. Affecto sic cerebro; non tantum auersabantur remedia, verum & molestè ferebant medicorum conspectum, sollicitæ familiæ curas, & in amicorum fletus sæpè acerbi, querebantur quod ineptâ miseratione, firmissimo aliàs viro, veram ægritudinem facerent.

Ita cardiacus morbus amor est vt sit & cerebri vitium, ideoque incantatorem appellauit Socrates quodd rationem alliget, ludat sensus, fanaticum reddat quemcumque corripuit. Arreptitiis amator simillimus est, nisi quodd furit decentius, nec exorcismis vexatur aut pellitur

pellitur dæmon, qui pectus eius
 infedit: toto animo, toto sæpè &
 corpore iactatur miser, nunc au-
 reo colore; nunc cinereo, & in-
 terdum laborantis Lunæ tristissi-
 mam speciem referens, cum vel
 pallida pluit, vel à Magis in-
 festatur.

Sic habentibus frustra poponas
 Circæis domibus exire; carminis
 enim cuius potentia tenentur, ma-
 xima vis hæc est ut carere nolint
 iniuriâ, timeantque aut etiam
 oderint eos omnes qui suo consilio
 volunt, miserandos, neque tamen
 sibi notos, in optimum statum re-
 stituere. Quid igitur? nemo suc-
 curret sic perire volentibus?
 quiescet amicorum solertia? so-
 cietatem dissolue, tu qui damno-
 sam arbitraris: ita tamen ut quem
 voles salubriter ab illis domibus
 auertere, ubi salus periclitatur,
 non sentiat se auelli; tua enim in-
 dustria peribit, nisi lateat.

Alias propone delicias : itinera,
quæ spectaculorum varietate cu-
riosum animum oblectent : viato-
res non diu comitatur Cupido;
citò lassantur pueriles alæ , nec
æquant properantium gressus.
Hac arte desijt in plurimis amor,
& licet dictum sit à Poëta ,

Heret lateri lethalis arundo.

Sæpe ramen cursus ipse telum ex-
cussit omni dictamo potentior.

Verùm regiones peragrarè ne-
que vult , neque potest amicus
tuus : in ipsa patria fac , si potes,
vt non quiescat : negotiis illum
implica , donec aduertas mor-
bum illum remisisse quem con-
traxerat otio : cura vocari à mul-
tis qui eodem consilio , nescien-
tem impediunt. Interim , vt op-
portunitas aderit , mulieris , cuius
aspectu atque colloquiis tenetur ,
ineptias expone ; satis inuenies si
videre placuerit. Ore dicaci , me-
ditatisque salibus minue formam

quâ raptus est : pudebit amare & mirari quod temnetur à cæteris, maximè si suadeas plures alios mulieris animum feliciùs occupauisse, nec ipsum verè redamari quem tot viris posthabeat.

Ars quidem illa tentata est, in-
quies; sed minimè processit; hac
igitur vtere. Nocturna lumina sol
opprimit radiorum maiestate; sic
& tota formæ muliebris euanescet
existimatio si præstantiorem osten-
das; hoc autem quomodo Christia-
nè fiat, explicabo: istos namque
haud probauerim qui morbo mor-
bum curant, & iustè Italiâ pulsus
est libidinis ille minister qui in re-
medium amoris novos ignes, noua
philtera proposuit. Ex pessimo ge-
nere ne catulus quidem relin-
quendus: tyrannorum timentur
hæredes, & frustra moritur
noxius amor, si successorem ha-
beat similem sibi: Salus non
est præcipitium aliquod deuitasse

ut in alterum incidas.

Itaque non honestè amanti forma illa proponatur quam sanctè depercat : Virtutem profer : huius amore capti sapientes despexerunt venustatem illam corporum quæ vulgares animos allicit ; & nè viderentur aliquid amare præter dilectam , spretis honoribus ac diuitiis, spretis & voluptatibus, cum illa secesserunt ; sed & aliquid pulchrius ob oculos pone , Deum ipsum. Quàm formosa sit artificis idea, videtur ex opere, licet totam suæ causæ speciem effectus non capiat ; sed, ut potest, adumbret. Quanta Dei, pulchritudo, à quo est, quidquid pulchrum est ! Hanc mihi quotidie demonstrant speciosissima sydera : suspensæ ac mobiles nubium picturæ, sylvarum amœnitas : aquarum inter lapillos, herbasque ludentium limpidi cursus : varia florum ; segetumque dignitas, totos agros conuestiens : gem-

marum splendor, auium plumæ quibus & nos delectant & ipsæ superbiunt. His omnibus, cæterisque non dispari decore nitentibus, tanquam riuus, ad fontem peruenio, cuius formositas tanta est, vt illam per speculum & in ænigmate vidisse, sit etiam quodammodo viatorum consummata felicitas. Qui sic Deum intuetur, diligit, & vultuum illorum pertæsus quos antè perspexerat, iam receptis oculis, miratur ac luget cæcitatem mortalium.

Formâ mulieris æstuat amicus tuus? contemnet si, te ostendente, Deum viderit. Verùm vrge constans orator; nam tempore opus est; & multo sermone plerumque fit tam grandis, & humana omnia superans apparitio. Quod vnus dies nō aget, præstabit alter: sæpè de his loquere, etiam inuito: varius est animæ status, Circæis poculis infatuata, nunc diuinum amorem

respuit, veniet hora qua recipiat.

Quod olim tanto ardore Christum mundus diligeret ut non dubitanter pro eo pateretur quoscunque cruciatus, teste Augustino, opus Petri existimauerunt gentiles: aiebant enim Apostolum veneficum fuisse & cum incendiariis iure plectendum, qui noxiis criminibus totum orbem cremauerat. Magna Petri laus ista magia, quâ factum est ut dæmonum fascinationes omnino soluerentur: incantationem abstulit incantamentum potentius: homines quos antea cupiditas, malus ignis, corripuerat, diuinus vssit. O te magum desiderabilem! si sanctum imitatus tot ore scintillas emisseris quot verba, cogasque amicum melioribus flammis aduri, quàm quas in Circæis ædibus obscœna voluptas accenderat.



METEORA.

NOVVM SOMNIVM.

QVis melius hanc Philosophiæ partem tractasset quam *μετεωρολογία*, vocant, Aristoteles an Seneca, non conueniebat inter nos: placebat aliquibus Aristotelis erudita breuitas; laudabatur ab aliis vbertas Senecæ & intexta naturalibus quæstionibus moralis eloquentia.

Controuersiæ finem imposuit iucundissimo commento Hermias, asserens se somnio admonitum fuisse vt de eâ materiâ scriberet: nec mirari debere cæteros quòd huic consilio tam libenter obsequeretur, cum & Socrates nocturnâ visione iussus ne migraret ex humanis, an-

D d iij

tequàm versus condidisset , serò
notus Apollini & sub docentibus
musis elementarius senex ad Poë-
seos studium Philosophiam suam
transtulit.

Quærenti mihi postea, Aristote-
lem imitaretur an Senecam , res-
pondit, neutrum se magistrum vel-
le: sibi enim in mentem venisse ali-
quid utroque genere utilius: dein-
de subridens nobis, lætus ipse,
ut solebat , sic exposuit instituti
novitatem.

Homines si Meteora quædam
vocaui, quia dignitate sui ortus
elati , citò pereunt , nemo ve-
strum non probabit : nam quid
aliud homo? Aspirante sole, fur-
sùm trahitur, modicum fulget, da-
toque orbi spectaculo, transit non
reversurus. Hoc ad omnes pertinet,
erigi, lucere, & breuiter videri.

. Aliâ tamen ratione, magna est
inter meteora ista distinctio: quæ-
dam enim ignita, cæloque vicina

fiderum speciem exhibent: quædam, licet accendantur, in eâ tamen regione fiunt quæ est inter cœlum & inferum orbem media; alia denique terris insident quòd ignem male conceperint, & defectu caloris deprimantur. In cæteris aqua dominatur, vel aër; & hæc variè res humanas afficiunt, provt à supernis causis mouentur, nunc leniùs, nunc turbidiùs.

Inter homines inueniri cometas qui cæteris altiores non sine pauore spectantium fulgeant, notum est. Ex his quidam caudati sunt, quidam criniti, omnes tamen, siue tonfi caudam trahant, siue sub breuiore figura proferant comas, aliquid ingens minantur mortalibus. Neque vnus illis color: aliqui pallido lumine terribiles sunt, aliqui sanguineo; Quandiù durant, tandiu mundus non sydera; sed nouos ignes stupens intuetur, & quid portendant, quidve efficiant, sol-

licitus, hoc vnum scit, imminere bella, stragem parari, vel, quod aliud grauissimæ pœniæ genus est, miseram pacem.

Quem cursum teneant, incertum adhuc, vt de cometis docent Philosophi: crediderim ego quemque illorum peculiarem motum habere & suo genio duci, licet sæpiùs in septentrionem vergant, tanquam magis placeat illa pars orbis de quâ dicitur, ab aquilone aurum venit.

[*Iob. 37.*] Omnibus non æquale tempus concessum est: quosdam vidimus qui celeriter defecerunt; alios qui maioribus nutrimentis foci plures annos fulsere & tandem consumptâ materiâ, defierunt videri: sed licet breuiter splenduerint, longa tamen semper fuit maiorum series quibus orbem vexauerunt: nam hoc habet cometes omnis vt qui (dum perstaret) nocuit, noceat adhuc postquâ extinctus est.

Ab his ignibus ad alios veniam qui in eminenti quidem illa regione micant, sed remissiùs : nec ardentes Principum lanceas silebo, nec scuta flagrantia. Suus etiam stellis cadentibus locus erit, quas ideò nullus timet, quia & suis viribus destitutæ sunt & fere illarum est, ut per æstatem sit, quotidianum spectaculum.

De fulmine postea dicam quod iniuriâ succenditur & nubium pugnâ. Quid in Regnis sit propriè fulguratio, futura fulmen si vires habuerit. Quid tonitru, quod lumine tardius tunc admonet cum clades inflicta est. An etiam sine fulgure prævio feriri nocentiores aliquando debeant & magis timendus ignis qui terebrat, an qui dissipat aut soluit in cineres. Quo concussi aëris motus quibus latebris, denique quâ regione plurimi fulminis ictum declinarint, & an suâ dignitate quædam stirpes

huius ignis immunes sint , vt de lauro & de aquilis dicitur , an potius iustissimus omnium sit timor , vbi omnes deliquerunt , & fragore potestas intonuit.

De Meteoris ignitis ne aliquid prætermisisse videar , illos etiam ignes perstringam quos fatuos vocant : quam sint ad omnem auram & aëris quoscumque meatus , iræ faciles , exigua & fallaci luce splendidi , vt si quis illis ducibus vtatur , necessario pereat. Lucundū quoque erit scire quomodo pingues terras incolant , circa patibula videantur , cadauerum capitibus nonnunquam insidentes , tamquam sua luce coronent , vt ab Ecclesiâ male damnatos vulgus existimet quos sic viderit post mortem à fatuis ignibus coronari. Flamma lambens ad eos pertinebit qui cū debeant in altum tendere , iacent & terrena sapiunt.

2. Ampliori discursu tractabitur

meteororum illorum natura in quibus aqua vel aër principem locum tenet. Quid sit Iris, arcus ille sine sagittâ qui pulcherrimis coloribus, imbres tamen prænuntiat; qui depresso sole, altus, quoties sydus assurgit, deprimitur. Quid roridæ virgæ, quæ cælo demissæ castigant quod feriri meruit, non dilacerant. Quid Coronæ quæ multum distantes à syderibus, illis tamen ornamento sunt: & an potestas contemnere debeat humiliorum beneuolentiam, atque gratulationes, vnde publica laus efficitur.

Quid sit fœcundus imber: grando dilapidans: nix constringens: mel cælo delapsum: fluens manna, fusè dicam, vt qui scripta mea legerit, si princeps est, discat quid conferre debeat inferioribus: si subditus, quid ab illo sperare vel timere æquum sit.

Vnde venti ducant ortum; vt.

flent, vt incumbant pelago, vel propitij nauigantibus, vel insanâ tempestate turbidi: terras vt inclusi concutiant, subuertant vrbes, ita demonstrabo vt pateat me sub meteororum inuolucris ea omnia tractasse quæ ad rerum nostrarum seu publicum statum, seu priuatos mores pertinent.

Probauerunt omnes Hermiæ nouam meteororum contemplationem; monui tamen cautè ageret, ne si liberiùs animi sensa proderentur illicò, iurgiosi clamarent, scribenti prudentiam vel charitatem defuisse: eo enim sæculo uiuimus vt si quis pictor non consultò, sed casu ignoti hominis vultum vel leuiter exprimat cui sua figura hæud placet, non habeatur innocens. Promisit Hermias eâ ratione scripturum se qua nemo læderetur, nisi qui sponte rixas quæreret, & inepto furore vellet coloribus irasci.



TERMINALIA.

SOMNIVM DECIMVM.

SEd hæc (inquit Hermias) non priùs exequar quàm à negotiis, quibus inuitus detineor, me penitus absolvero. Otium postulant istæ meteororum obseruationes, & nisi me toto fruar, nec tentabo laborem: plus enim mihi ingenij dabunt solitudo ac quies, quàm libri suffecerint.

Cùm ista loqueretur, adfuit amicorum vnus cui superfluas curas neque sibi satis conuenientes non semel obieceram. Is, datâ salute, vicissimque acceptis honoribus, urbanè rogauit ne ipsius intuitu cæteri omnes sermones abrumperent. Nouerat illum Hermias & ratus opportunum tempus adesse

S O M N I A

quo moneri salubriter posset , finxit quæstionem se nobis proposuisse ; an scilicet eruditè somniasset Philosophus cui per noctem visa est natura formas omnes quibusdam circulis inuoluere , ne vltra procederent ?

Intellexit Asterius solertis viri consilium , eâdemque sagacitate , accepto mox argumento : Doctum planè somnium istud , inquit ; Inertem esse materiam atque otiosam schola docet ; in vltimo enim rerum gradu consistit , propè nihil & ad patientiam nata ; eo solo non ignobilis quòd nec generatur , nec interit , vt successiuis formarum mutationibus constanter subiaceat. Cùm igitur ignaua sit ac virium expers materia , non illi , quæ se ipsâ cessat & constringitur ; sed formis , ad quas verè pertinet actio , datæ sunt quædam à naturâ leges quas præterire nequeant : & quia vis illa formarum quodam

S A P I E N T I S.

circuitu in omnes æqualiter partes (si nihil obftet) se explicat , quod definitum agendi spatium simpliciter dicas , sphæra , vocatum est Philosophis , quâ vnaquæque res potestatis metas accepit , iuxta dignitatem suæ formæ vel angustiores , vel latiores ; neque enim decebat dispare formas paribus sphæris includi.

Feliciter ac probè homines agent si ex rationis præscripto vnusquisque intrâ suam sphæram se contineri patiatur. Propterea custodes artium instituti sunt , ne aliqua concessos terminos transiliens , alterius occuparet officia ; vtinam postremi sæculi compe-
cuisset grammaticos. Nam quemadmodum magno languentium malo imperiti pharmacopolæ medicos agunt , ita isti literatores cum videri voluerunt Theologi , & in fortio-rem disciplinam , diuinorum rudes , semetipsos intru-

* *

S O M N I A

ferunt, nouis circà fidem Christianam erroribus laborauerit orbis, veterum placitis adhæsurus nisi versuum conditores, censoresque syllabarum, ac (quod classica laudis culmen est) Ciceronis alumnos pro Doctoribus habuisset.

Quilibet sua sphaera seruanda est: nam quid deformius aut iniustius, vt de cæteris loquar, quam si Clerum regat ex armorum Ducibus aliquis, aut si bello Sacerdos præficiatur? Ensiferos tamen aliquando vidimus, perceptis Ecclesiarum bonis, excepto caractere, quasi Episcopos, sacrae dignitatis laruam ita desumpsisse; vt toto cultu quem tiara sibi meritò vendicat, inique potirentur. Guebant sub equestri antistite cum Iure canonico, Canonici: neque fas erat sacerdotibus solo titulo pastores & suarum sedium, non defectione; sed metu profugos inuocare vel cupere.

In

S A P I E N T I S.

In maiore Britannia vbi Reges pulso Petro , ne quid Maiestati deesset duplex solium occuparunt, immanior fuit vsurpatio Pontificiæ dignitatis. Non sola plebs , sed & Principes olim celebrabant Terminalia , & quod aiunt ipsum Terminum Ioui deorum maximo non cessisse, satis innuit nunquam violandos limites , neque vllam potestatem dari quæ in eos ius habeat.

Id tamen ausi Britannici Principes : etenim metas tulere quæ Pontificum ac Regum disternabant imperia & vt duplex hæreditas in vnum dominum caderet, tota signa deleta sunt. Contineri suis finibus non passa est amplitudo Regia ; irritauit maiora appetentem ea terræ portio quæ thus gignit , vt haberet vnde suâ manu , nolenti Deo suffitus adoleret. Alia est sphaeræ transgressio , cum quis Deo consecratus, sæcularibus armis militat , vt de illo referunt qui non

S O M N I A

ense quidem , sed claua ferox , ne
 cruentus censeretur reuertisse à
 prælio , vt aiebat ipse , & sic mini-
 strasse altaribus , eâ religione , câ-
 que industriâ mactabat hostes vt
 non eliceret sanguinem. Pugnaces
 etiam episcopos habuit Francorum
 ille exercitus Sarracenis primùm
 timendus , nec dubiâ victoriâ re-
 cuperaturus Saluatoris natale so-
 lum , nisi morbus iam prouectis
 copijs & pæana maturè canenti-
 bus , triumphum inuidisset.

Non sine sacrę dignitatis iniuriâ
 inter armatos armatus alter vt ob-
 sessam ab Anglis ciuitatem , cu-
 ius erat Episcopus , tueretur , ma-
 gno militum ludibrio & quasi de-
 dignante fortunâ vetitis conte-
 ctum seruare; cum sua ciuium ma-
 nu post imbelles aliquot irritosque
 conatus , in hostium potestatem
 delapsus est: de quo & lepidum
 legimus, quòd cùm , deprecante
 per epistolam Cœlestino tertio

S A P I E N T I S.

Romano Pontifice, de restituendâ viro libertate ageretur, pro responso Richardus Rex Angliæ lorica quam vir sacer induerat, Romam misit, ne putaret Pontifex aliquid ausum se in Ecclesiam, additâ breui sententiâ: vide, tunica filij tui sit, an non?

Sapientio rem putas alium, qui patrum nostrorum memoriâ, maritimis copijs præfectus nihil aliud cogitare videbatur præter naues, & ventos, & fluctus, & vulnera? Quantas tempestates in animo passus est iste vix solâ flante cupiditate quæ illum ab decentissimo otio in tot curas coniecerat! Quoties Deum quasi furtim precabatur, toties turbabat orantem vel fortior aura; vel vndarum nimia quies, vel tardior votis operariorum industria, cùm tempus vrgeret & ab altiore potestate, quæ pelagi leges suis consilijs aptari prope modum volebat, festinatio iu-

beretur: sed pudebat nobilem Clericum intra suam sphæram degere & operari, & quò diffusior esset actio, constitutum sibi à Deo & ab Ecclesia circulum vt carcerem refugit. Paucos annos vixisse virum illum historici tradunt & inter pictores non conuenisse cùm defuneris ornamentis ageretur, an rectiùs familiæ symbolis atque coloribus galeam quàm galerum superponerent.

In iudicijs quoque non rarò videtur excessus ille sollicitudinum suas sphæras dedignantium ac officiorum in vicinos status exundatio, dum tribunalia suos fines longiùs amouent neque patienter ferunt se Pontificum Decretis, Regumque statutis ita coërceri, vt inter ciuile forum & episcopale seruetur modus, & æquali reuerentiâ, quoties mutatione iudicis legum sæuitiam declinare volunt versutissimi homines, vtrunque
vitetur

S A P I E N T I S.

vitetur alienæ potestatis vſurpation. Sed arduum, cærtis limitibus concludit, & meritò laudatur augustissimus ille Senatus Parisiensis qui Canonum, suorumque Principum mentem sequutus, eiusmodi appellationes quibus inſoleſcentium Clericorum fouetur impunitas, aded frequenter repulit, conſcidit, multauit quoque, vt quòd Episcopi iam timentur à ſubditis, dici poſſit effectus moderationis illius quæ malè conſugientibus ad ſe reis, ne ſphæram ſuam videretur deſeruiffe, toties aſylum denegauit.

Vexabat Eccleſiam Donatus; obſtinatum damnauit Melchiades; ſed qui ſententiâ corrigi debuerat, deterior factus, nullâ habitâ iuris ratione, appellauit ad purpuram. Putauit ſchiſmaticus homo Conſtantinum illicò diſceſſurum ab eâ reuerentiâ quæ debetur Pontifici, probaturumque quòd ad

S O M N I A

componendas Ecclesiæ lites , non
 vt auxiliaris (quod iustissimè fit)
 verùm vt ipso Melchiade maior &
 supremus sacrorum Iudex , à parti-
 bus inuocaretur. Sed assentatorem
 reum non tulit iam voto Christia-
 nus Imperator , & formulam Do-
 nati dignis titulis inurens, ita scri-
 pfit ad Episcopos: O rabida furoris
 audacia! sicut in causis Gentilium
 fieri solet , appellationem inter-
 posuerunt. Quippe iam nouerat
 religiosus Princeps , non aquis
 tantummodò impositum à Deo
 terminum fuisse quem non trans-
 grederentur ; sed & Regibus : il-
 ludque non minus politicæ pote-
 stati significari quàm pelago : huc-
 usque venies & hîc confringes
 tumentes fluctus tuos.

Magnum quidem quòd Catechu-
 menus adhuc Constantinus Ecclē-
 siam nondum matrem sic coluit;
 sed stupendum planè quòd longè
 antè Aurelianus ethnicus in simili

S A P I E N T I S.

causâ eadem modestiâ vsus est, vt ab infideli Principe Fideles disce-
rent, etiam in summo imperio,
vbi de sacris agitur, iudiciorum
abstinentiam.

Non montibus tantùm aut in-
gentibus fluuiis separantur Regna;
sed & aliquando lineis quas vix
non admonitus viator aduerterit.
Tam facilè superandos fines quis-
que tamen Principum reueretur,
nisi bellum cum vicinis instituat:
fatis enim ad dissoluenda fœdera,
destinato impetu, terminorum re-
ligiosas leges vel leuiter violauis-
se. Suas metas habet status omnis
quibus si non continetur, necessa-
riò bellandum est; nam vsurpari
sua quis ferat? Et ingeniosè pro-
fectò, licet non Ciceronianè, dixit
aliquis, tunc omnia turbari cùm
Curia sæcularis officialisat, Epif-
copus papalisat; Parochus episco-
pisat.

Hæc omnia dicebantur ab Aste-



PIETAS

FUGITIVA.

VNDECIMUM SOMNIUM.

Redeuntem solem populus ille dulcissimè intuetur, qui semestri nocte didicît quantum sit mortalium bonum, quanta orbis voluptas, diurnum sydus: & iucundiores amicorum reditus facit, quæ ingens amicitiaë maceratio est, ad longum tempus protrahenda absentia.

Annos fermè duos impleuerat Flauij in Italiam, me suatore, profectio. Quàm mihi malè consuluerim illo clarissimi viri discessu, vix referam. Eloquentem me fuisse sæpè dolui: illud serò aduertens, mœ-

rori quem ex amicorum desiderio conceperis , non bene mederi literarum solatium. Per tot spatia ab inuicem distractis hoc vnum restabat , cogitationum partem cartæ , quæ persæpè aut scribenti infida est , aut gestantis incuriâ perit , credere , & eâ vtrimque timidissimo calamo loqui , quæ sciri ab alijs non expediret.

Post amicissimas querelas quibus remorantem per tabellarios læcessere solitus eram , tandem expectatus venit , subito gaudio auidum pectus adeò permulcens , vt protinus quæ peccauerat , ignoscerem. Quid valuisset ; quâ patientiâ æstus Italos , quâ etiam ingenia & mores vaferrimæ gentis , ad diuersissima natus , excepisset , rogantibus amicis non semel retulit : cùm ad singulorum aduentum res sæpè eadem , post plurima mutæ salutationis officia , suauissimosque amplexus , repetitâ quaestione

stione proponeretur.

Amicorum hic fluctus cùm tres fermè dies domum impleffet, locum fecit delicijs tranquillioribus, vt iam vtrique liceret, altero frui. Melioribus oculis quàm quos turba habet, Romam viderat Flavius, & profectiois scopus fuerat, non statuas illas intueri, quæ dignitate operis suos artifices commendant, sed mores. Multa ergo petebam; sapientissimo viro faciliùs adhæsurus, quàm illis authoribus qui ex aliorum fide scribunt, aut ex vario affectu ità veritatem adulterant, vt certò nosse non liceat, quid exteri benè agant, quid peccent.

Flavius respondebat ad singula, & interdùm illius gentis mores mirè attollebat, interdùmque dolebat, quod rectius sinceriusque habere videtur Gallia nostra, illam regionem non imitari. Quæ verò apud illam gentem pietas, in-

E c

quô , ô Flauî ! Certè solent Itali Gallos tanquam de Religione minus sollicitos vituperare ; puto , quòd hæresis in Gallijs , Principum edictis secura , liberè agit , templa sua habet , suos ritus in quos animaduertere nullus iudex permittitur , ne suo errore excæcatis deesse videatur publica fides , cuius auspicijs freti , se ad ciuilia obsequentes , ac pacatos promissere : nam quia modicum fermenti totam massam corrumpit , quidquid etiam Catholicorum est in Gallijs , eâ sectâ inquinari aliquæ gentes autumant , quæ nos haud satis nouere ; & pessimâ famâ laboramus apud multos , quorum Religio , huic pestilicet non admixta , vix tamen nostra sacra æquauerit .

Italiâ non perfunctoriè , aut more viatorum lustrauisti ; quid in eâ pietatis agnoueris , refer ; Nam quod plures sanctorum reliquias tenet , quàm nos ; quòd in eâ totius

orbis Christiani Princeps degit, purpuratis circumseptus, & inde sanctissima decreta exeunt, quibus illustratur fides, errorque confunditur; profectò parum est, si cætera absint, quæ verè pios ac Religiosos constituunt. Ad hæc ita noster Flavius.

Magnum quidem Italæ summo Pontifice frui; Maiestatem illam Ecclesiæ propiùs intueri, cuius splendor tanto regionum interiectu venit ad nos; & si dicere licet, capitis ipsius vicinitate in eam dignitatē extolli, quæ cæteris altior, etiam ubi opus est, egentibus membris subministrat promptiora subsidia. Magnum etiam, tot Divorum reliquijs ditari; tot Martyrum, quos olim persecutionis immanitas sustulit, ossa continere; tot cineres, ut pluribus in locis propè sanctum sit, quidquid calcaveris. Hinc omnibus sacer horror, qui meminere quot prælijs, quotque

E e ij

triumphis Sanctorum nobilitata sit tellus illa; quæ Religionis ergo (cùm aliter fieri haud possit) aduentantium vestigijs terenda est.

Sed de istis non procedit quæstio: Petis ergo Firmiane, qualis sit pietas gentis illius, quæ tot prærogatiuis supra nos eminent: quamque nulla sui parte hæresis deprauat, & adeò laudabili cura, ab omnibus sectis quæ à veritate alienæ sunt, sui Principes vindicant.

Non aduertisti, Firmiane, quibuscumque nationibus, ex suo Genio pietatem conflare? Eo modo, mihi crede, pij sunt Itali, quo nati sunt: licet enim pietas origine sit cœlestis (Deo nempe mortalibus infunditur) tanta nihilominus illi impingimus, tot aduentitijs qualitatibus illam deformamus omnes, vt pro regionum diuersitate, diuersa sit; Italis Itala; Galla Gallis; & climatis sui, hominumque qui sub illo degunt, condiciones vt

plurimum adumbret.

Vt noris quæ sit apud Italos pietas, fatis est sciuisse nationis illius ingenium, ac mores; etenim nulli gentium naturalem suæ regionis statum fidelius exprimit. Ardentes sunt; sed & obscuri, ut cum velint, suus ille ignis omnino lateat; ubi verò placuit, in promendis affectibus disertis, ac solertes, ut nec pueruli inter illos sine arte, quod certè mireris, suos sensus significant: Si quid à fortunâ peripeti contigerit, miris verborum figuris miserationem mouent; longa suspiria ducunt; suos casus, suos dolores eâ veritatis imagine pingunt, dilatant, ut qui illos non nouerit, putet atrocissimam calamitatum eam esse, quæ forsitan leuiter pungit, nec digna est, quam plangat vel mediocris patientia.

Nihil parum significant Itali; quidquid laudant, aut conuictantur; quidquid gemunt, hyperbole

E iij

est; omnis apud illos passio seipsam superat, vbi ad os peruenerit: verum præcipuè amor, vt si verboso credas, illicò existimes ipsam Æthnam æstuaræ minore incendio.

In his habes, Firmiane, Italæ pietatis fidelissimam iconem; multa in signis est, conspici vult, ita sine arte nihil agens, nisi suæ gentis genium omninò exuerit, vt etiam dum videtur simplicior, apud sagaces suspitione non careat. Candidissimæ virtutis viros in eâ quoque regione inueniri haud diffiteor; sed frequentior omninò ille actionum, verborumque circuitus, quo luduntur qui flexuosam gentem, neque rectà incedere solitam, haud satis cognouere.

Vehementissimos plerumque habet Concionatores, etiam vbi non decet, acres, succensos, & tumultu actionum, ac vocis intemperantiâ, illum planè excedentes mo-

dum , cui fides adhibetur. Rarò in
fuggeſtu ſine cruce illos videas;
frequenter quoque eruta ſepul-
chris oſſa in publicum deferunt, vt
ad conſpectum funeris , auditores
altiùs tremant: dumque crucifigen-
tes Dominum Iudæos, longo ſer-
monum ambitu deſcribunt, perfo-
rantes carnem, clauos , iſtusque
terribiles, curant ſimul in templis
malleos audiri, qui fortiùs mentes
reuocent ad infandæ crudelitatis,
patientiæque dominicæ memo-
riam. Si de iudicio extremo ſermo
habendus eſt, aliquando latentes
tubas in fornicum eminentiori fa-
ſtigio diſponunt, quæ improuiſo
elangore, cœtum terreant, & fu-
turi metu, quaſi iam inſtaret, om-
nem aliam cogitationem excutiant
ab animis. Sonitum hunc ſequi-
tur populi clamor; diceres captâ
yrbe ſub victoris ſæuitiâ despera-
tos vociferari, licet ex more po-
tiùs, quàm ex vlllo pietatis ſenſu

hæc omnia fieri , multumque ad fabulam accedere, certum sit. Hæc si agerentur in Gallia , aut risum profectò , aut indignationem cicerent : sincerior enim apud nos omnimodis , nec ad spectaculum facta Religio.

Illud certè suprà nos habent Itali, quòd in proposito pietatis , vbi in illam consensere , sint constanteriores ; magisque seuerioribus illis disciplinis addicti , quæ corpus discruciant. Naturale est Gallis sæpè mutari ; quemadmodum enim apud illos toto anno tempestates adeò instabiles sunt , vt nunquam vel æqualiter ferueat æstas , vel rigeat hyems ; & vicissitudinibus continuis , nunc immodici imbres terras mergant , nunc haud expectata siccitas in arenæ modum soluat : Ita vnus habitus impatientissimi sunt vt plurimum Galli ; sua nempè elementa sequuntur , suas stellas : nec diù pij sunt,

sunt nec impij , nisi suprà naturæ genium , aut illos omninò firmaverit gratia , aut corruerit prauitas. Semel probatis Itali tenaciùs adhærent , neque versatili illâ morum alternatione communiter sinunt famam suam contaminari. Mollior denique nobis est & corpori amicior pietas , longo ieiunio macerari vix sustinens , leguminibus crudis , aut limacum flaccida carne farciri , qui apud Italos inter egregias dapes , suorumque Antistitum palato dignissimas ambitiose numerantur. Cernis vt pietas vtriusque gentis alteri composita , & laudabilior sit , & deterior ? Malim tamen sincerè pius esse , licet in me aliquid firmitatis desideres , quàm sub theatricâ illâ Religionis larvâ constantissimè perseuerare , ac diu , tanquam in diuini cultus parte essent , eos motus significare quos in animo non habeam.

Cùm ita de pietate loqueremur,

commodissimè superuenit. cum Asterio Hermias. Illum iam à reditu suo viderat Flavius, iamque ex me audiuerat quàm iucundè, ac sapienter somniaret; itaque vt illum est intuitus: quid tu, inquit, ô Hermia! quid & tua nox? ipse risu modesto, nihil. Sed data vtrique salute, petijt quid & ipsi valeremus, & an fanis illuxisset dies, quem nobis optimum desideraret.

Flauio deinde breuiter renunciantes quid inter nos fuisset colloquij, Asterius in Hermiam respiciens, ab isto argumento, inquit, certè non multùm dissentit somnium tuum. Placet referre, Hermia! quæ iam tu mihi, etiam non requisitus, solita humanitate narrauisti? Nobis hoc ipsum enixè poscentibus, ita suam de pietate Philosophiam explicuit Hermias, vt admixtas luci tenebras de industria audientibus proponeret: sic enim ille.

In densissimæ proceritatis siluâ
 putabam me esse, altique silentij;
 neque enim in ipsis arborum fasti-
 giis vel leuis aura ludebat; aues nul-
 læ quæ suis vocibus, aut fontes qui
 implacido murmure illam quietem
 perturbarent. Ipse trepidus (nam-
 que illa opacitas, ac silentij horror
 aliquid pauidæ menti subiecerant),
 inter pacatas vmbras pergebam,
 cùm subitò ad aures improuisi ge-
 mitus peruenere. Illicò gradû com-
 pressi, vt hos audirem faciliùs; vi-
 debantur calamitosæ mulieris &
 quæ à loco vnde illos exceperam,
 non multùm recesserat. Ad hæc su-
 spiria, quibus & iam concutiebar,
 sapienti quantùm potui vestigio, nè
 admoneretur aliquem adesse, quæ-
 cumque sic solitudini ac syluis con-
 credebat dolorẽ suum, profúdiùs in-
 saltû me penetro; & mox inter fron-
 des matronam aduerto, miserabili
 specie; lachrymisq; in ora vbertim
 fluentibus. Procubuerat in humum;

crucem manu gestabat ; aspera vestis , confecti inedia vultus ; sed qui emitterent splendorem , quosque sine charitate , & obseruantia nemo posset intueri. In atrocissima sorte mulier plura suspiria promebat,quàm verba ; Istud tamen , aggemente me , sibi multo cum planctu loquuta est.

Infelix ego pietas , quam tot exilia versant , tot circundant vbique pericula , tot mortales cogunt latere ! quod crimen , vt sic agar ? vt sic patiar ? Immeritam expulere ab aula , à foro , à templis : Ipsa claustra iam metuo , umbras , specus ; O miseram ! quis me locus excipiet ? omnia tentavi , scrutata sum ; adhuc tamen incerta vbi possim secura consistere. An & hæc forsitan sylua hostes dabit qui me in fugam conuertant , & more latronum insectentur ? nunquam tibi benè consulueris, ærumnosa pietas , nisi cælum , vnde tibi ortus , repetas.

Hæc cùm audiuissem, quasi matronam subleuaturus illicò me prodidi; Et fidum hominem inuenisti, inquo, qui te constanter colat; quandiù tibi placebit hæc sylvarum opacitas, si me libenter feres, tecum hærebo. Illa insidias arbitrata, vt me vidit, celeri pede in profundiora saltûs se contulit, grauius dolente me, quod tam faustè inuentam in eo recessu, tam citò perdidissem. Et frustra ex vestigiis agnoscere volui, qua parte fugam adornasset; Nulla quippe in molli humo signa extabant, quæ ad recedentem meos gressus dirigerent, vt inde certissimè concluderem, haud illi ponderosum corpus esse, vt contingit mortalibus.

Neque propterea quicuit inquirendi desiderium; lachrymis madens, quo me ferebat impetus, migro, vbique inclamans (vt mea iam voce tota sylua personaret) Pietas, pietas. Festinanter saltu confecto

(nam vrgebat ingens amor) in
aliam solitudinem inscius perue-
nio, vbi in orbem positæ à natura
rupes ita vocem excipiebant, vt
non semel, & ad veritatem redde-
rent. Et hîc quoque vociferante
me, pietas, pietas, visus est aliquis
non dispari nisu respondisse, vt cer-
tiùs ad me quoque officiosa vox
perueniret, pietas, pietas. Igitur
spe iam alacris, in eam partem me
flecto, nec de fide illius dubius qui
monuerat in illis rupibus posse pie-
tatem inueniri, diu inter saxa, quæ
varia asperitate vel tangebant in
murices, vel in antra recesserant.
Matronam quæro; sed minimè ade-
rat: demùm, improbo labore fatiga-
tus, fraudem intellexi qua mihi il-
luserat Echo, vt eam pro pietate ac-
ciperem. Tum ipse me increpans,
quid agis, ô Hermia! inquit, sola
vox cautes has incolit: pietatem
nosti; aliud certè quàm sonus est.
Non multùm viæ confeceram,

cùm in vrbaniſſimum virum incidi,
 à quo cùm gemens percontarer vi-
 diſſetne pietatem ? reſpondit non
 longè abeſſe, familiarem ſibi ; ac ſi
 loquentis opera vti vellem, ſe quo-
 que ad illius ſedes ocyùs me dedu-
 cturum : faceret ergo, orauì. Verùm
 officiſſimi hominis reliquus ſer-
 mo haud placuit ; nam de pietate
 tanquam de ignota loquebatur ;
 florentem dicebat, molliculam, il-
 lamque nescio qua veſte exornabat,
 quam vtique non videram. Silui
 tamen, iam me deceptum intelli-
 gens, eoque duce in ampliffimas
 ædes deuenio.

Hic ingentis ſpeciei matrona ha-
 bitabat, plurimo cultu ; nam nec
 metalla ſericis veſtibus deerāt, nec
 auribus margaritæ ; ſed diſtortas
 manus habebat, licet ſuis etiam la-
 pillis fulgerent, & ad vitæ vſus
 haud idoneas. Et hæc eſt, inquam,
 bone vir, quam pietatem vocas ?
 reuerere ſi lubet, tu ; aliam quæro,

quæ & manus habeat faciles , & meretricio amictu non superbiat.

Ita demigro iratus , & mox in aliam domum , somno rapiente , me confero. Stabat illic altare quidam pietatis , vt patebat ex titulo; verùm ipsa Pietas haud videbatur. Circùm plurimi cultores , quorum pars suffimen adolebant ; ast cùm vbi illa esset quam tantoperè colebant , curiosius inquirerem , respondit adoratorum vnus ; Pietatis naturam eam esse , quæ sub sensu omnino non caderet , & ineptos eos haberi , qui aliquid in illa præter spiritum crederent. Miratus subtiliorem insaniam , ego quoque recessi iratior. Postea tandiù quæsitam pietatem in apice montis deprehendi , dumis obsito ; & quia per tot incommoda ad illam perueneram , promisit passuram se , ne ab illa vnquam diuellerer , in præmium laborum : & hic est somni mei finis.

Flauium summa voluptate affectere dicentis Hermiæ sapientissima commenta; Verum est, inquit ille, ô Hermia! nobilis scilicet exul pietas, extra culpam calamitosa, paucorum suffragio digna est; quæ fido lare excipiatnr; rarò enim inveniuntur qui non aut publicè infesti sint, aut priuatim hostes, vt dubium sit minorne ei ab insinceris cultoribus pernicies, an ab iis qui audaciori amentia, non remotis (quod suadet certè pudor) arbitris, immeritam abiciunt.

O quàm fugax bonum Pietas! quàm tardè admissum, quàm celeriter sui nauseam facit, ruborem, pœnitentiam! nulla re frequentius luditur, nulla leuiùs: pilam credas, quam nemo nisi repulsurus excipit.

Pro miraculo est, aliquem in complexu eius absque rixa, aut frequenti etiam diuortio, consensisse. Non diù mortalibus placet, & hæc maxima censetur in illam gratia, si

ad arbitrium voluptatis exul, reducenda expellitur. Durissimæ fortis causæ in promptu sunt, Hermia. Cupiditatibus humanis inimica est; Vix aptatur negotiis: ignara fraudum, quas nec texere potest, nec effugere; etiam ubi insidiæ vrgent, de alieno scelere semper dubitans, ac timidè suspiciosa: delicias odit, iustissimum quoque sui præmium, laudem: ita in futurum prospiciens, ut miscellæ labatur quidquid in huius vitæ solatiâ præsens tempus obtulerit.

Extorrem igitur pietatem esse haud miror; Verùm quid sit illa tua Echo, quæ ad se incautos accersit, imponitque pietatem vocantibus, certè haud scio; Ipse ænigma hoc explana: quis enim rectius, aut subtilius reuoluat somnium tuum?

Non arduæ inquisitionis res est, refert Hermias; plurimi sunt quorum pietas vox est, & prætereà nihil. De Chrysippo non audiui? In

commendandâ virtute nullus illo eloquentior; legum ipsarum mens, ac patronus habebatur, dignus quem frequenter in senatu Trajanus ipse de iure dicentem, per tres horas non ferret modò; sed etiam suspiceret. Ille tamen vir, perditissimus erat, solo ore virtuti amicus, & tanquam luscinia esset, præter symphoniam nihil habens.

Nescis ergo, Flavi, plures idè tantùm verba sacra ex Bibliis, aut Theologis excipere, vt reddant? satis est illis, didicisse, vt loquantur; in solo referendæ vocis nisu, & verbosa quadam imitatione inuenias quodcumque perceperunt: Pietas illorum, mera Echo: ad quam tamen sepiùs festinat muliercularum, ac imperiti vulgi simplicitas. Ex studiis, ac doctorum hominum contubernio loquaces; gaudent audiri, ac vocari magistros; & propriæ salutis incuriosi, quam non habent pietatē, dare posse existimant. Ab illis

recedere, vt ad meliores te confe-
ras, qui vitâ, & sermone te eru-
diant, summa prudentia, ac morum
securitas. Illud mihi per somnium,
linguax Echo, & quæ me tandiù
inter scopulos frustrâ inquirentem
detinuit, nisi fallor, adumbrabat.

Quid tu autem, Asteri, de Ma-
tronâ illâ suspicaris, quæ molli-
bus ac pretiosis induta, vsu tamen
manuum caret, inerisque, miratur
cultus suos? Minus mihi negotij
quàm tua Echo, facesset ista mulier,
compta simul, & otiosa, inquit
Asterius. Aliqui sunt qui pro pie-
tate religiosam desidiâ colunt;
neque enim necessaria, etiam cùm
præcipiuntur, satis curant; vitant
quodcumque feriatos turbat, Iu-
dæo illi persimiles, qui sæuiente
pelago, cùm remos agere iubere-
tur, abnuitt, ne religionem sabbathi
illo motu violaret, & fustibus cædi
maluit, quàm læsa quiete, pericli-
tanti nauigio succurrere.

Angelos qui præter vultum, ac pennas nihil haberent, apud pictores sæpè vidimus; pij isti, ad illorum formam se accedere certissimè credunt, si manibus trunci, nihil agant, & toti sint in oculis, ac volatu. Hanc Angelis iniuriam fecere pictores, vt suo labori parcerent; nam quia operosius est integra corpora delineare, quàm partem; artis solertia nititur in solo capite ac plumis, mutilatam licet speciem haud ostenderint Angeli, quoties hominibus apparueret in assumptis corporibus. Pietatis tamen summam in hoc iam plurimi constituunt, vt cerebrum & alas habeat, spretis illis officiis quæ ex charitate vtiliter descendunt ad proximos, tanquam Christiano satis esset, meditari, ac in sublime erigi. Suam tamen inertiam magnificis vocibus contingunt, vt si ex veste pietas æstimanda est, non dubites eam esse, quæ

illo verborum apparatu venit in conspectum mortalium.

Nec de solitariis illis loquor, qui robustum vitę genus amplexati, itaque se diuinis dedere, vt nullam desidię suspicionem faciat illa animi quies, quę tanto labori, tantisque vigiliis, extrā omnes sæculi curas, pulcherrimè coniungitur.

Illos carpo, qui ex segnitie quadam pietatē sectantur, quę sensibus amica, eosdem non sinit in arduis impediri, & corporis fidelissimam curam agit, dū videtur sublimior.

Illos etiam improbo, qui sic molliissimę pietati vacant, vt in egenos duri sint: speculatiuè, & quasi præcisis manibus, religiosi: diuites sunt, nihil ad vestium pompā deest, nihil quod palatū oblectet pingui, mensę subtrahitur, nec aliquid interea pauper, aut incarcēratu accipit, quo ab esurie, aut ab ergastulo se expediat. Et tamen pro piis haberi volunt, quia sæpè loquuntur de

Deo , & cæteris frequentius ad sacra videntur accendere. Pietatem non voco , Hermia , nisi agat , vbi facultas est ; nisi etiam laboret , & deponat superbiam. Ecce tuæ Matronæ explicationem , quam nec dormiens probauisti , & quæ nec cæteros fallat , si benè vigilant.

Quod dixisti de illo pietatis altari , vnde aberat ipsa Pietas , ad illos refero , qui religionem mere inanimò habere se iactitant : neque credunt multùm curare Deum , si in exemplar prodit , & ad signa perueniat. Aliquos enim vidi qui ad illam insaniam deuenerant , vt totùm pietatis opus referrent ad animum. Interna quidem est pietas , motus habet absconditos ; sed nisi suâ motione agat & corpus , deficit non modicâ sui parte Religio , quæ totum hominem debet illi mancipare à quo totus est homo , vt duplici cultu agnoscat diuersissimas naturas idem principiû for-

tiri, vnoque quasi consilio vni creatori persolvere reuerentiam.

Est etiam sua corpori pietas, quæ si abiicitur, citò & ipse animus sentiet extinguì suos ignes; vix enim feruebit in languido. In fontem suum recurrit illa membrorum, si dici potest, Religio; namque animam, cuius imperio priùs incitata est, & ipsa incitat; quod ita stupuit Augustinus, vt sincere fateretur se nescire, quomoddò ille motus animi, qui vt fierent ista, præcessit, quia facta sunt, crescit. Verùm ita oportuit, vt sic anima corporeo illo in Deum cultu ad suos profectus indigens, meminerit quoties supplicabit Numini, & ipsam carnem trahere in commune obsequium.

Pietatem aliqui volunt sine corpore, aliqui sine animo; cum tamen, secluso altero, non constet, quandiù terrenæ huic substantiæ copulata est pars illa subtilior quæ
ad

ad angelorum dignitatem accedit. Pius esse vis? nec solo spiritu tenta illud opus, nec solo etiam corpore, ne vel euanescat in meram speculationem pietas tua, vel ita sensibus deprimatur, vt non possit assurgere.

Prouidentissimè Ecclesia, fidelium animos propositâ veritate sic instruit, vt & sensuum curam agat, dum illos vocum symphoniâ, ac facum splendore oblectat, cæterisque cerimoniis, quibus apud mortales adhuc carne implicatos, augustior fit Religio. Nihil boni in illis suspicor, qui pietatem ita in animo posuere, vt cætera negligant, aut despiciant. Vis dicam quid sentio? Non obsequio, sed prædæ amore, tollit viatori onus suum, latro, suas vestes; & qui pietatem nudam vult, tanquam superfluis illam exoneret, non amicus est, sed prædator conuincitur.

Vbi hæc dixit Asterius, iam tuum est, inquit, Firmiane, de hodierno somnio loqui; An placet quod retulit Hermias, scilicet pietatem in ipsis claustris, ac speluncis pauere? Religiosi secessus certè probrum est, ista pietatis fuga, omnisque solitudo iure damnabitur, si in illâ quoque pericula aduertat. Cùm ego diutius silerem, ac cæteri subriderent; non imprudens, inquit, Asteri, in hanc somnij partem me compulisti; illam agam, nec tacebo quàm malè sit aliquando pietati, vbi creditur securiùs degere.

Quid Cœlo sublimius, aut sanctius? in illo tamen dimicatum est; in illo superbia se extulit, ambituit honores, nefariè tentauit id assequi, quod soli Deo conceditur: Quosdam veluti Cœlos esse claustra illa non abnues, quæ tanto spatio distrahuntur à terris, vt qui illa incolunt, sæpè non cadant sub

aspectu mortalium. Ita subleuati, eâ concinnitate , atque silentio suos motus peragunt , vt inferior orbis (quasi quiescerent) suprâ se illos agitari vix sentiat. Hic, naturæ quidem vnius, verùm disparis potentix lumina , suos ignes pulcherrimè miscent , & ordine quodam iustitiæ (ne vnum scilicet syderus, cæteris depressis, nunquam nõ emineat) alternis oriuntur , & cadunt. Iam cogita quod dixi, ab ipso mundi exordio cœli incolas superbiam turbauisse; inde enim fiet, vt non mireris claustra illa , quæ cœlos suâ celsitate, ignium cõcordiâ, ac denique regulari motu æmulantur , etiam procellas honoris admittere , cùm fatale esse videatur, vt eiusmodi prælijs pateat aliquando syderum locus ; sed longè diuturnior est illis tranquillitas , eâ animorum pugnâ quæ procedit ex ambitu , cuius & causas breuiter expediam.

Vbi omnes vno voto egestatem professi sunt, nulla de opibus rixa est, & hæc profectò facultatum iurgia, quæ tot mortales, actandiu exercent, excludit eorum hominum solitudo, qui vt pacatiùs viuant, abdicatis fortunis, earum litium veluti radices amputauere, quibus diuexantur qui aliquid suum habent vnde concitetur aliena cupiditas, & controuersia exurgant. Quia tamen sine ordine nulla dari potest societas quæ diu ac feliciter stet, & hoc ipsum ordo est vt aliqui imperent, aliqui mandata excipiant, ne tumultu, & concursantium potestatum varijs opinionibus, negotia, ipsique homines laborent, si ad omnes vnum dominium pertineat: Solitarijs illis omninò necesse fuit aliquos suorum communibus suffragijs in eas dignitates euehere quibus committitur imperium. Nam inter illos cuncta miscueris, si

æqualitatem serues , quam , vno Platone excepto , Philosophi omnes in optimâ republicâ damna-
uere.

Sed vide aliquando quid acci-
dat : nisi multâ suauitate mitige-
tur ea potestas , citò auersos habet
eos qui illam creauere ; nam graue
censetur , beneficium non agnoscî ;
& obliuionis iusta videtur retri-
butio , si quisque , vbi datur fa-
cultas , opus suum destruat. At
deponi non expleto dignitatis cur-
su , & quasi in multam iniuriæ,
magnus dolor. Hinc questus , &
restituendi honoris nimia sollici-
tudo , ad quam si plurimi ex vario
affectu accedant , tanquam in op-
pressæ virtutis partes , iurisque
descenderent , animorum fit scis-
sura , tantò peior , quantò maior
est in eo hominum statu cætera-
rum rerum despectio ; nam vbi
in vnum honorem aspiratur ,
ardentiori studio mens flagrat ,

quàm si illum æstus variæ cupiditates , vt pecuniarum auiditas, ac voluptatum libido , inter se dispartiant.

Præterea , dum singuli , datis suffragijs , sponte sibi dominos creant, desiderium aliquando subit gradus illius quem alteri contulerunt, vt vertente imperio , ad illos etiam perueniat potestas, cui tamdiù , & ad nutum sunt obsequuti. Scis homini naturale esse, velle extolli suprâ cæteros, maxime ybi æquum putat , & se quoque eas dignitates quasi per ordinem carere, quarum alijs gustum fecit. Credis, facilè à vino abstinet, qui odorem illius haurit, & expetitur, ministrâ manu propinat fumentibus? toties dedisse dignitatem alteri, quam nunquam acceperis, tandem molestum est , nisi cupiditatem illam castiget altioris disciplinæ sanctitas , & religiosi cœpti memoria , quo citrà omnem honoris sol-

licitudinem , & ambitum , ad illud vitæ genus modestissimi homines accedere.

Fateor ab suffragiorum appetitu inter illos posse tempestates exoriri , & reuerâ aliquando exortæ sunt ; verùm rarò accidit immodicâ dignitatum cupiditate ita claustra turbari , vt propterea exulet pietas , cùm semper multò plures inueniantur , qui sui status modestiam seruant , quàm qui sic ab illâ recesserunt vt velint imperare. Sed his tumultibus quandoque claustra concussa sint , certè longo temporum decursu familiaris est illis ea tranquillitas , quam cæteri , quia adipisci inter ciuiles molestias nequeunt , demirantur. An ideo terram instabilem dixeris , nec statuendis ædificiis commodam , quia olim tremuisse historici referunt , & improuiso motu terruisse , qui per tot sæcula quietè egerant , incolas suos ?

Infrequens est , crede mihi , dignitatum contestatio, vbi qui eminet, cæteris miserior est ; & ipso gradu cogitur ad infima plerumque descendere , quorum cura , ingens est delati honoris cruciamentum : qui apud illos insigniorem locum est adeptus, ante cæteros quoque abstinet, vigilat, pedes it, vt sit, & in pænis, omnium primus ; ac, vt gratiosè præsit, quidquid graue iniungit alijs, sibi prius imperat : Inde verò concludas velim , pietatem commodas sedes habere , vbi pax ita colitur, & tam rarò violatur animorum concordia.

Quid si autem otio torpent solitarij isti, si vitijs ea hominum, ac negotiorum declinatione, accessus fiat, & hæc sustinebit pietas ? In hoc maximè plurimi decipiuntur, quòd vacare illos putant, qui tranquillam vitam ducunt. Actuosos scias, si memineris quibus

bus studijs fatigent, oblectentque animos, illi vanitatum contemptores. Modico somno reſecti, antè ſtratis exiliunt, quàm cæteri mortales nimium ſoporem excuſſerint; Vt diei primitias ille habeat, qui diem conceſſit, longo cultu, Deo ſupplicant; abſolutiſque tandem ſacris, ad lectionem ſe conferunt qui in egregios labores ingenium acceperere; ſcrutantur quidquid erudita antiquitas poſterioribus ſæculis reliquit, vt omnium ætatum ſtudia, in maius diſcentium lumen miſcerentur, & à mortuis, tãquam perenni inter doctos viros commercio, viuentes beneficium acciperent. Vbi libros conſtantiffimo labore ita diù peruolutarint, & ipſi ſapè libros conficiunt, conſolaciones habent ad populum; optimis conſilijs conſternatas mentes ſolantur, ſubleuant: inuiſunt ægrotos, proſunt cunctis; nec antè ſuas ſedes repetunt, quàm virtutù odo-

re , pietatisque officijs , quotquot illos beneficos sensere , demeriti sint.

Cæteri quibus abiectionis , vel literis haud exulta mens , illis operibus implicantur , quæ cum necessaria ac perpetua sint , ita desidium fugant , ut fractis labore artibus , nullum planè otium supersit , quod in vitia impendant.

Itaque , Hermia , paululùm à veritate declinavit somnium tuum , dum in claustris pauidam pietatem facis ; quæ nusquam securior est , aut fidelius colitur.

Neque etiam satis probo quod dixisti absolutè , aulâ , ac foro pietatem expelli. Stat in illis sæpissimè secunda pietas , fouetur egregiè ; suos habet qui illam & colant ipsi , & tutentur ab hostibus. Itaque modestioris criminationis erit , si generis humani benignior interpretes , asseras pluribus in locis pietatem consistere , quam tamen ob fre-

quentes iniurias ingeniosè fugitiuam vocauisti.

Quid verò in Templis tantoperè pietati aduersaretur, vt ab illis quòque recederet, postulauit Flauius; ea enim loca ita religionem admittere aiebat, vt vitia excludant: nam quis audeat in illis Dei cultum abiicere, scelusque profiteri? Ad hæc, ita Hermias in sui somnij defensionem.

Eximiae virtutis tuæ argumentum est, ô Flau! ista de templorum reuerentiâ opinio: Ex te, de ceteris censes: nam quia vnusquisque nostrum se intermedio omnia videt, omniumque colorem, suum esse facillimè arbitratur, idèd & tu quam habes in animo pietatem, in aliis mortalibus conspicias.

Non ergo aduertisti quo vestium fastu, quâ ceruicum leuitate vt plurimùm fœminæ nobiles Sacris nostris intersint? quàm anxiam venustatis suæ sollicitudine teneantur,

H h ij

quamque videri gestiant, vnâ licet religionis causâ ad sacras ædes videantur accedere?

Inter tot cincinnos, quibus disponendis tantum tempus absumptum est, arbitraris pietatem inueniri? Caput istud, tam prolixâ arte ad naturæ iniuriam fictum; meditari aliud poterit quàm nugas, suâ formam, suos annulos, suos denique amatores, siue iam irretitos regat, siue comparandos, nouo cœpto placebit aucupari. Christi spinas cogitabit, aded molliter ornata ceruix? & concessum ineptissimis curis, aut etiam minùs verecûdis animum, mysteria subibunt? Quid cum istâ venustate, Christianæ pietati? Quomodò ante aras sua deflebit peccata mulier, cuius quoque studium est, ore iucundo, oculisque extrâ omnem mœsticiam compositis, veniam precari; ne quid de formâ detrahat imperatus à Deo dolor, & muliebri con-

filium turbet tantæ concinnitatis
inimica pœnitentia?

Quale, heu! Religionis spectaculum, tantam superbiam profiteri in
vestibus, quæ licet ponderosæ non
sint, sine adiutore tamen non ge-
stantur, & ideo tantùm laxiores
fiunt, vt necessitatis imagine ad-
hæreat incedenti puer, qui fluen-
tes colligat manu, ne vel in subie-
ctum puluerem, vel screantium
sputa neglectæ dilabantur.

Quid verò de puluinis istis cen-
ses, qui & auro fulgent, & molles
sunt, vt genua dominarum magni-
ficè, suauiterque excipiant, & ni-
hil in templo durius quàm in suo
strato delicatissima mulier inue-
niat? Eo in statu, ante Christi in
cruce pendentis imaginem arro-
ganter orat sibi culpas condonari,
& tanquam patronâ vanitate ci-
tiùs gratiam promeritura, iudicâti
Deo, cultus sui pompam ostendit.
Interim adstantes viri diuagantur

H h iij

animis, inquietis motibus aguntur, & insana vota concipientes; frequentius venustissimam supplicem quàm altare conspiciunt.

Si pietas in templis stabile sibi domicilium statuit, ô Flavi! cur ergo Christianos non auocat à sæcularibus curis, vt diuina cogitent, nec castigat garrientes? Vnde fit, vt quæ frequentissima sunt & etiã superflua apud diuites, in templis ornamenta non fulgeant? vt ignobiles aræ mappis contegantur, quas apponi sibi in mensâ vix fineret fortuna mediocris; & sacra ipsa (si dicere licet) rustica sint, dum qui ad illa conuenere, in vrbanocultu conspiciuntur? Si in templis degeret pietas, certè ex locorum munditiâ agnosceres diligentiam illius; frequenter abesse sacerdotes haud pateretur, & immodestè psallentes cogeret sapienter officio suo defungi; illa enim regit oculos, componit vultus, silentium

imperat', vbicumque inuenitur,
nec temerè de leniculo clero iudi-
cabis, si expulsam existimes.

Quantos concionatores vidisti',
qui verè studeant pietatis sensu suos
auditores afficere, & insciæ plebis
tenebras discutere illis sermonibus
quos capere queat innata vilibus
personis simplicitas? vt plurimùm
sacri Oratores deprimi se existi-
mant, si alta, si subtilia non loquan-
tur; pudet ad singularia descende-
re, rudiores solari, monere saluta-
ribus consilijs, tanquam ad solos
nobilium vsus suam lucem acce-
perint. Inuenerunt isti Oratores,
quomodo superbiam addant Euan-
gelio: ne sordeat ad Aulicorum
conspectum Paulus, calamistra-
tum effecere; quis ab eiusmodi ho-
minibus fructum sperauerit, cum
de ipso Christo verissimè scripserit
aliquis, operationis suæ munus
amiserat, nisi illud humilitas re-
cepisset?

Vides iam, ô Flavi, etiam in templis sapissimè pietatem non admitti ! Plura dicerem nisi prohiberet pudor ea referre, quæ omninò premenda sunt. Tuum illud silentium ô Hermia ! inquit Flavius, ars dicendi est omni sermone eloquentior. Sic Paulus affirmans maiora esse Beatorum gaudia quàm quæ ipse effari, aut mortalium mens capere posset, in amplissimæ coniecturæ libertatem animos dedit, egitque peritus cœlestium Orator, ut grandiori felicitatis imagine spes nostra reficeretur, quàm si definitum aliquid ac sensibus notum explicuisset. Quidquid ita siluit, ut ait quidam, prodidit non prodendo, & sæpè efficacior pars orationis est, reticentia, ingenisque rerum pondus profiteri, aut nolle præ verecundiâ, aut pro imbecillitate non posse illas attingere eloquentiam. Non audes, inquis, referre quod in templis agitur ;

cùm nihil sic dicas , totum dig-
 nus , Hermia ; sed placet ad sin-
 gularia venire vt eorum quæ co-
 gitās ac censes , maior nobis fides
 fiat ?

Ita prouocatus Hermias , ali-
 quandiu pallio vultum obduxit,
 & mirantibus cæteris, quod con-
 tactus loqui vellet, respondit ipsum
 Socratem quoties de turpi cupidi-
 ne tractare cogeretur, sic suo pu-
 dori consuluisse , vt extrà conspe-
 ctum audientium liberiùs erubescer-
 et. Sed non tulit Flavius reli-
 giosum virum qui virtutis par-
 tes agebat ; sub eo velo philoso-
 phari. Lateant, inquit, qui sectan-
 tur scelera , non qui odere , & vt
 hostes in illa seueriùs inuehuntur.
 Ad ægrotantium fœtorem qui re-
 fugit medicus , arte suâ dignus
 non est ; etiam audacter contrectet
 quæcumque horrentem naturam
 ad vomitum prouocant , nec di-
 mitat officium suum , quia illo be-

fungi, nisi commotus non potest.

Audiuisti ergò, Hermia, aliquando
 agi in templis quod aduerfetur
 caſtitati ? Breuiter dicam quæ ni-
 mis, heu, vera ſunt, inquit ille.
 Scitis ipſum montem quem ſuo
 cruore ſacrauerat Dominus, ex ne-
 fandis impuriſſimorum hominum
 ritibus, & erecto in crucis locum
 Veneris ſimulachro, dictum po-
 ſteà fuiſſe montem Venereum : ne-
 que vos etiam latet quod Diuus
 Paulinus lugens ſcripſit, in ipſo
 Chriſti præſepio Gentilium ſuper-
 ſtitionem profanos hominum amo-
 res, mortesque coluiſſe. Maior no-
 ſtrorum iniuria templorum, cùm ad
 illa Chriſtiani pergunt, vt de com-
 mittendo flagitio, & de temporis
 opportunitate, extrà omnem ſuſpi-
 cionem commodiùs inter ſe conue-
 niant ; iſtud enim fit, neque ſecu-
 riùs credunt de ſcleris ordine, ac
 pretio quærere, quàm vbi ſolet
 Religio fuſis lachrymis, aut à pro-

pitio Deo ampliora petere beneficia, aut veniam ab irato.

Adest in altari Christus, tremendam maiestatem circundat vndique pauentes Angeli, & sub eorum conspectu quàm facilè, quàm vtiliter peccent, adulteri deliberrant. Ante Christum eo consilio fisti, mysteriis nostris insultare est; & quicumque sic despicit Dominum, nouo modo reus est Corporis & Sanguinis ipsius, licet ore non recipiat; neque enim dijudicat corpus Domini, cuius sanctitatem atque præsentiam, nec reueretur nec tremit.

Aptam fœdissimis colloquijs horam eligunt cum aut nox ingruens, aut à fidelibus solitudo fiduciam timidis videtur efferre sceleribus. Quod horreas, velut asylum fit nequitiae, Iudicis domus; hinc se turpitudine nullo pudore profitetur, quæ cæteris in locis infamiam cautè deuitans, quasi

ad partes castitatis accederit, seipsam verecunde negauerat. Sed pauci sunt qui eo animo templum petant, in eoque velint agere quod ubiq; scelestum est. Vt ut sit, ô Flauii! sed inueniri plurimos haud certè negabis, quos ad sacras ædes non religionis conscientia, aut aliquis diuinorum sensus; sed forma mulierum trahit, & fœdè placendi sollicitudo. Quid autem istos cogitare existimas, qui se muliebris pietatis comites dedere, ut eam, cum minus aduerterit, flagitiosis amoribus disperdant?

Post hæc in id argumentum multa dicta sunt, quæ priuatim audiri possunt vtiliùs, atque honestiùs, quàm publico credi, ut iam nullus adstantium dubitaret, in proprijs sedibus ita sæpè violari pietatem, ut de exilio lubens cogitet, ad quod tot iniurijs, totque calamitatibus ærumnosa compellitur.

Absoluebam hoc somnium, cum

improviso aduentu Pontanus adfuit , eruditissimus medicus. Et hæc est, inquit, Firmiane, imbecillimæ sanitatis cura ? hic confiliorum meorum fructus ? perdet te obstinatus iste labor : omninò oculis orbari vis , qui tam pertinaciter scriptioni indulges ? vis & noxijs humoribus opprimi iam fractum pectus ? Multi te vegetiores, quòd eâ studiorum incontinentiâ solui se in dies paterentur, crescente tandem naufragio, suffocati sunt. Peream! nisi te Hippocratis iudicio sisto , qui eius alumnos , scholam ipsius, per tot annos remediorum præpostero vsu , aut negligentia infamauisti. Quid enim dici de nobis autumas , qui tandiù nullo successu , curam tui suscepimus ? Ad hæc : rides simul & minaris, inquo, charissime Pontane ! sed verumne his lucubrationibus iam non sufficere vires meas , ætatem meam , si hæc seriò loqueris ,

spondeo laborem hunc, vltimum fore. Et non satis putas (retulit) edidisse te vernaculâ tuâ, Philosophiam Christianam : de Monarchia Verbi Incarnati tomos duos : Romanâ verò linguâ Genium sæculi : denique tuum Gygen ? quid rursus occuparis in somnijs ? fallor, aut tuam quietem non modicè perturbant. Cum ego illud quidem negarem ; sed nec vltrà amicissimi viri consilijs vellem obsistere, Hermianis somnijs finem feci, quæ si aliquis non maleuolo aut critico animo leget, forsitan haud improbabit quòd posteris reliquerim.



F I N I S

• Somniorum Elenchus.

- 1 *Somnium. Scena doloris.* p. 5.
 - 2 *Somnium. Pueri Patres,* p. 81.
 - 3 *Somnium. Cadmea nobilitas,*
p. 143.
 - 4 *Somnium. Amphitheatrum.*
Gallium, p. 186
 - 5 *Somnium. Chimera,* p. 223
 - 6 *Somnium. Regina opinio,* p. 262
 - 7 *Somnium. Chaos,* p. 278
 - 8 *Somnium. Circeæ domus,* p. 301
 - 9 *Somnium. Meteora,* p. 319
 - 10 *Somnium. Terminalia,* p. 327
 - 11 *Somnium. Pietas fugitiva,* p.
327
-

Errata.

Pag 10. lig 13. leg. illa p. 24. l. 3. tam. p.
27. l. 15. lugendi. p. 44. l. 21. incendium. p.
63. l. 18. ardor. p. 83. l. 1. vetustam, p. 89. l. 8.
cadet. p. 92. l. 11. inuitis. p. 95. l. 14. amicos
aut emptos. p. 105. l. 15. habeat quàm

quod. p. 144. l. 7. alnis p. 156 l. 8 l. adama-
uit. p. 159 l. 11 l. insolescens p. 173 l. 8. ali-
qui p. 203. l. 18. l. regna ac principes. p.
243. l. 21. l. subleuent. p. 245. l. 15. l. mino-
rum. p. 247. l. 20. l. alteri. p. 255. l. 11. l. inci-
tatus. p. 260. l. 20. l. renouato. p. 288. l. pe-
nultima. l. pauci.

PARISIIS die 10. mensis Decembris 1657.
Cautum est Regio Diplomate, ne
quis infra septennium, ab absoluta prio-
ri editione computandum, venales ex-
ponat libros, quibus titulus est *Gyges
Gallus, & Somnia sapientis*, Petro Firmia-
no Authore. Quorum imprimendi fa-
cultas concessa est R. P. Zachariæ Le-
xouienſi Concionatori Capucino qui
iure suo cessit vt venales proſtent,

PARISIIS, Apud viduam & Dio-
nyſium Thierry, viâ Iacobæâ sub ſignis
S. Dionysij & ciuitatis Pariſienſis.
M. DC. LIX.

